

Liabona



**Joseph Fielding
Smith: Tigpanalipod
sa Tinuohan, p. 32**

**Ang Simbahan sa Mexico—
Usa ka Maanindot
nga Kasaysayan, Usa ka
Matahum nga Umaabut, p. 24**

**2014 Tema sa Mutual,
pp. 50, 52, 53**

**Kalihokan sa Pagkolor ug
Pagbasa sa mga Tsart alang sa
Daang Tugon, pp. 74, 76**



*"Pipila siguro kaninyo
mobati nga dili kamo
makahaw-as ibabaw
sa mahugaw nga
lim-aw, nga ang
inyong mga kahim-
tang lisod kaayo, ang
inyong mga pagsulay
grabe, ang inyong
mga tintasyon dako
kaayo. . . . Hinum-
dumi, ang punoan
sa water lily motubo
diha sa kalisdanan,
ug sama nga ang
punoan moalsa sa
water lily, ang imong
hugot nga pagtuo
mopalig-on ug
moalsa kanimo."*

Mary N. Cook, kanhi Second
Counselor sa Young Women
general presidency, "Mga Angkla
sa Pagpamatuod, *Liahona*,
Mayo 2008, 122.



MGA MENSAHE

- 4 Mensahe sa Unang Kapangulohan: Ang Labing Maayo nga Panahon sa Pagtanom og Kahoy**
Ni President Dieter F. Uchtdorf
- 7 Mensahe sa Visiting Teaching: Ang Balaan nga Misyon ni Jesukristo: Ehempla**

LABING IMPORTANTING MGA ARTIKULO

- 18 Atubanga ang Umaabut uban sa Hugot nga Pagtuo ug Paglaum**
Ni Elder M. Russell Ballard
Kinahanglan kitang mohalad ug mopahinungod sa atong mga kinabuhi ngadto sa kawasa sa Manhuluwas, maglakaw uban sa hugot nga pagtuo ug magtrabaho nga may konbiksyon.

- 24 Mga Pioneer sa Matag Yuta: Mexico Mipakayab—Gikan sa mga Panlimbasug ngadto sa Kalig-on**
Ni Sally Johnson Odekirk
Ang mga Santos sa Ulahing mga Adlaw sa Mexico misakripisyo og maayo aron sa pag-establisar sa Simbahan sa ilang nasud.

- 32 Matinuoron ug Matinud-anon: Inspirasyon gikan sa Kinabuhi ug mga Pagtulun-an ni Joseph Fielding Smith**
Ni Hoyt W. Brewster Jr.
Himamata ang usa ka moderno nga propeta kinsa eksperto sa paghapak sa baseball ug adunay malumo nga kasingkasing ug matinud-anong miserbisyo sa Ginoo.

NAA SA HAPIN

Atubangan: Litrato ni Joseph Fielding Smith nga gikuha niadtong Abril 26, 1910, wala madugay human sa iyang pag-orden isip Apostol sa edad nga 33. Sulod sa atubangang hapin: Gilitratohan ni LaRene Porter Gaunt.

MGA DEPARTAMENTO

- 8 Notebook sa Komperensya sa Oktubre 2013**
- 10 Kami Namulong kang Kristo: Gikan sa Kangitngit ngadto sa Kahayag**
Pangalan gipugngan
- 12 Ang mga Propeta sa Daang Tugon: Adan**
- 14 Walay Paglubad nga mga Istorya sa Ebanghelyo: Ang Balaang Dios nga Kapangulohan**
Ni President Gordon B. Hinckley
- 17 Pagtudlo sa Alang sa Kalig-on sa mga Kabatan-onan: Pagtuman sa Adlaw nga Igpapahulay**
- 38 Mga Tingog sa mga Santos sa Ulahing mga Adlaw**
- 80 Hangtud Kita Magkita Pag-usab: Makakita ba Siya Kanako?**
Ni Teresa Starr



42

42 Maayo nga Paglahutay

Ni Elder J. Christopher Lansing
Unsa ang gilauman sa Ginoo nga atong buhaiton kon ang atong pangandoy ug damgo magun-ob?



Tan-awa kon inyo bang makit-an ang Liahona nga gitago dinhi niini nga isyu.

Timaan:
Tan-awa ang mga kasulatan!

46



46 Pag-andam og mga Gasa alang sa Inyong Umaabut nga Pamilya

Ni President Henry B. Eyring

50 2014 nga Tema sa Mutual

Sa Young Men ug Young Women general presidencies

Duol ngadto kang Kristo, ug paghingpit diha kaniya, ug ilimud ang inyong mga kaugalingon sa tanan nga dili diosnon.

52 Pagtulun-an human sa usa ka Pagtulun-an: Moroni 10:32

Ang tema sa Mutual karong tuiga nagtudlo ninyo kabahin sa dalan padulong sa kahingpitan.

53 Poster: Duol ngadto kang Kristo

54 Sa Unsang Paagi Nga ang Pagkaila sa Dios nga Kapangulohan Makausbab Kanako?

Ni Lori Fuller

Kining lima ka mga baruganan kabahin sa Dios nga Kapangulohan makausbab sa inyong pagkabuhi—sa dinagko ug ginagmay nga mga paagi.

56 Alang sa Kalig-on sa mga Kabatan-onan: Ako sa Kanunay Mohinumdom Kaniya

Ni Larry M. Gibson

58 Pagdugang sa Kalampusan

Ni Daniel Kawai

Usa ka math Olympian kinahanglang mopili tali sa pagbalaan sa adlaw nga igpapahulay o ma-diskwalipay.

59 Mubo ug Direkta

60 Duha ka Bahin sa Panalangin

Ni Brittany Beattie

Kita makadawat og dugang mga panalangin kon kita mosiksik sa atong kaugalingong mga family name ug modala niini ngadto sa templo.

64 Atong Luna



72

66 Mga Higala sa tibuok Kalibutan: Sila Mahonri ug Helaman gikan sa Mexico

68 Linain nga Saksi: Unsay gipasabut sa pagka-Kristiyano?

Ni Elder Robert D. Hales

69 Mga Higala sa tibuok Kalibutan: Pasaporte

71 Atong Pahina

72 Sama sa mga Kasulatan!

Ni Renae Weight Mackley

Ang mga kasulatan mahimo gyud nga mahisama sa akong kinabuhi!

74 Hagit sa Kasulatan sa Daang Tugon

77 Ang Dalan sa Kadaugan

Ni Rosemary M. Wixom

Kinsay makapakita kaninyo sa dalan pabalik ngadto sa Langitnong Amahan?

78 Pagdala sa Primary ngadto sa Panimalay: Ang Langitnong Amahan Miandam og Paagi alang Kanako nga Makabalik ngadto Kaniya

81 Litrato sa Propeta: Harold B. Lee

Internasyonal nga magasin sa Ang Simbahan ni Jesukristo sa mga Santos sa Ulahing mga Adlaw nga giimprinta sa Cebuano

Ang Unang Kapangulohan: Thomas S. Monson, Henry B. Eyring, Dieter F. Uchtdorf

Korum sa Napulog Duha ka mga Apostoles: Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Editor: Craig A. Cardon

Mga Adviser: Jose L. Alonso, Mervyn B. Arnold, Shayne M. Bowen, Stanley G. Ellis, Christoffel Golden

Tigdumalang Direktor: David T. Warner

Direktor sa Operasyon: Vincent A. Vaughn

Direktor sa mga Magasin sa Simbahan:

Allan R. Loyborg

Business Manager: Garff Cannon

Tigdumalang Editor: R. Val Johnson

Luyo-luyo sa Tigdumalang Editor: Ryan Carr

Team sa Pagsulat ug Pag-edit: Susan Barrett, Brittany Beattie, David Dickson, David A. Edwards, Matthew D. Flitton, Mindy Raye Friedman, Lori Fuller, Garrett H. Garff, LaRene Porter Gaunt, Jennifer Grace Jones, Michael R. Morris, Sally Johnson Odekirk, Joshua J. Perkey, Jan Pinborough, Richard M. Romney, Paul VanDenBerghe, Marissa Widdison

Tigdumalang Direktor sa Art: J. Scott Knudsen

Direktor sa Art: Tadd R. Peterson

Team sa Pagdesinyo: Jeanette Andrews, Fay P. Andrus, K. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

Coordinator sa Intellectual Property:

Collette Nebeker Aune

Tigdumala sa Produksyon: Jane Ann Peters

Team sa Produksyon: Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gaylor Tate Rafferty

Prepress: Jeff L. Martin

Direktor sa Pag-imprinta: Craig K. Sedgwick

Direktor sa Pagpang-apud-apod: Stephen R. Christiansen

Paghubad: Francisco M. dela Cruz

Sa pag-subscribe ug pag-renew sa magasin, bisitahi ang <http://store.lds.org>. Palihug ayaw kalimti sa pagbutang sa imong ward/branch isip address asa ipadala ang imong subskripsyon.

Kon dunay mga pangutana mahitungod sa subskripsyon palihug tawag sa Church's Global Service Center (GSC) sa 1800-8-680-3950 alang sa mga subscriber sa PLDT ug Smart o 1800-1-441-0687 alang sa mga subscriber sa Globe.

Isumiter ang mga manuskrito ug mga pangutana online sa liahona.lds.org; kon ipadala ngadto sa *Liahona*, Room 2420, 50 East North Temple Street, Salt Lake City, UT 84150-0024, USA; o i-e-mail sa: liahona@ldschurch.org

Liahona (usa ka termino sa Basahon ni Mormon nga nagpasabot nga "kompas o direktor") gimantala sa Albanian, Armenian, Bislama, Bulgarian, Cambodian, Cebuano, Chinese, Chinese (simplified), Croatian, Czech, Danish, Dutch, English, Estonian, Fijian, Finnish, French, German, Greek, Hungarian, Icelandic, Indonesian, Italian, Japanese, Kiribati, Korean, Latvian, Lithuanian, Malagasy, Marshallese, Mongolian, Norwegian, Polish, Portuguese, Romanian, Russian, Samoan, Slovenian, Spanish, Swahili, Swedish, Tagalog, Tahitian, Thai, Tongan, Ukrainian, Urdu, ug Vietnamese. (Ang kasagad magkalahi sa pinulongan.)

© 2014 sa Intellectual Reserve, Inc. Tanang mga katungod gigahin. Gigamit sa Ang Simbahan ni Jesukristo sa mga Santos sa Ulahing mga Adlaw nga may pagtugot. Gi-imprinta sa Pilipinas.

Ang teksto ug biswal nga materyal diha sa *Liahona* mahimong kopyahan alang sa sulagma, dili pangkomersyo nga paggamit sa simbahan o panimalay. Ang biswal nga materyal dili mahimong kopyahan kon kini adunay mga pagdili diha sa linya sa kredito sa maong artwork. Ang mga pangutana kinahanglan ipadala ngadto sa Intellectual Property Office, 50 East North Temple Street, Salt Lake City, UT 84150, USA; e-mail: cor-intellectualproperty@ldschurch.org.

Mga Ideya sa Family Home Evening

Kini nga isyu naglangkob og mga artikulo ug mga kalihokan nga magamit sa family home evening. Ang mosunod mao ang duha ka mga ideya.



PAGHULAGWAY SA LITRATO PINAAGI NICODY BELL

"Pag-andam og mga Gasa alang sa Inyong Umaabut nga Pamilya,"

pahina 46: Human og basa sa artikulo ni President Eyring, ikonsiderar sa paghimo og pasundayag sa talento sa pamilya diin ang mga ginikanan ug mga bata mopakigbahin sa ilang talento. Pagkahuman, ang ginikanan mohulagway kon sa unsang paagi ang ilang mga talento nakapanalangin sa pamilya. Dayon ilang dapiton ang mga bata sa pagpakigbahin sa unsang paagi ang ilang mga talento makapanalangin sa pamilya—ug sa unsang paagi sila makapanalangin sa ilang umaabut nga mga pamilya. Ang mga ginikanan makaawhag

sa ilang mga anak sa paghimo og tumong sa pagpalambo sa ilang mga talento.

"Mga Hagit sa Kasulatan sa Daang Tugon,"

pahina 74: Ikonsiderar sa pagsugod og buhat sa hagit sa pagbasa sa Daang Tugon isip pamilya. Mahimo nin-yong tangtangan ang koloranan nga tsart niini nga magasin o makaimprinta og kopya gikan sa liahona.lds.org sa pagtimaan sa inyong kalamboan sa pagbasa. Basaha ug hisguti ang gisugyot nga mga kasulatan isip pamilya ug ikonsiderar sa pagplano nga makompleto ang matag semana nga hagit sa pagbasa karong tuiga.

SA INYONG PINULONGAN

Ang *Liahona* ug ubang mga materyal sa Simbahan anaa sa daghang mga pinulongan sa languages.lds.org.

MGA HILISGUTAN NIINI NGA ISYU

Mga numero sa pahina nagrepresentar sa unang pahina sa artikulo.

Basahon ni Mormon, 38

Bata, mga, 41

Daang Tugon, 12, 74

Dios nga Kapangulohan, 14, 54

Ehemplo, 7

Espiritu Santo, 14, 40, 54, 64, 81

Family history, 60, 64

Garbo, 10

Hugot nga Pagtuo, 18

Igpapahulay, 17, 56, 58

Ikaduhang Pag-anhi, 18

Jesukristo, 7, 14, 50, 52, 54, 56, 68

Kahingpitan, 50, 52

Kalinaw, 41

Kauswagan, 18

Kristiyano, 40, 68

Langitnong Amahan, 14, 54, 77, 78, 80

Lee, Harold B., 81

Mexico, 24, 39, 66

Misyonaryo nga buhat, 38, 59

Mortalidad, 12, 42, 78

Pag-ampo, 64

Paghinulsol, 4, 10, 46

Pagkamapainubsanon, 10

Pagkapukan ni Adan, 12

Paglahutay, 42, 72

Paglaum, 18

Pagpamatuod, 64

Pagsulay, mga, 42

Pag-ula, 4, 10, 14, 54

Pakigsaad, mga, 56, 58

Pamilya, 46, 60, 64

Panulundon, 24, 32

Pioneer, mga, 24

Plano sa kaluwasan, 78

Serbisyo, 40

Smith, Joseph Fielding, 32

Tema sa Mutual, 50, 52, 53

Templo, mga, 24, 39, 60

Tumong, mga, 4, 18, 46



**Ni President
Dieter F. Uchtdorf**

Ikaduhang Magtatambag
sa Unang Kapangulohan

ANG LABING MAAYO NGA PANAHOON SA Pagtanom og Kahoy

Sa karaang Roma, si Janus mao ang dios sa mga sinugdanan. Sa kanunay siya ihulagway nga adunay duha ka nawong—ang usa naglantaw sa nangagi, ang pikas naglantaw sa umaabut. Daghan sa mga pinulongan nagngalan sa bulan sa January [Enero] gikan kaniya tungod kay ang sinugdanan sa tuig panahon sa pagpamalandong ingon man usab sa pagplano.

Liboan ka mga tuig ang milabay, daghang mga kultura sa tibuok kalibutan nagpadayon sa tradisyon sa paghimo og mga resolusyon sa bag-ong tuig. Siyempre, ang paghimo og resolusyon sayon ra—ang pagtuman niini lain na nga hilisgutan.

Ang usa ka tawo nga naghimo og taas nga listahan sa resolusyon sa Bag-ong Tuig mibati og maayo sa iyang kalamboan. Naghunahuna siya, “Sa karon, nagpadayon ko sa pag-diyeta, nagpasensya ko, nagsunod ko sa budget, ug wala pa ko’y reklamo bisan kausa sa iro sa silingan. Apan karon Enero 2 ug mao pay pagtingog sa alarm ug oras na para mobangon. Nagkinahanglan og milagro para mapadayon nako akong resolusyon.”

Pagsugod og Usab

Adunay usa ka butang nga malaumon kaayo sa pagsugod og bag-o. Nagtuo ko kausa o sa laing higayon nga kitang tanan kinahanglang magsugod nga limpyo.

Ganahan kaayo ko og bag-ong computer nga adunay limpyo nga hard drive. Sulod sa mubong panahon maayo pa kaayo ni. Apan sa paglabay sa mga adlaw ug semana ug daghang mga program ang i-install (ang pipila tinuyo, ang uban wala tuyoa), sa katapusan ang computer mosugod sa pag-ungot, ug dayon mohinay na. Usahay dili kini mogana.

Gani ang pagpa-start niini mahimong dugay tungod kay ang hard drive napuno sa wala kinahanglana nga mga file ug mga program. May higayon nga ang bugtong paagi mao ang pag-reformat sa computer ug sa pagsugod og usab.

Ang tawo mahimong mapuno usab sa kahadlok, pagduha-duha, ug kabug-at sa kahasol sa konsensya. Ang mga sayop nga atong nahimo (tinuyo ug wala tuyoa) makapabug-at sa atong pagbati hangtud mahimong lisud para nato sa pagbuhat sa angay natong buhaton.

Kabahin sa sala, adunay nindot nga proseso sa pag-reformat nga gitawag og paghinulsol nga makalimpyo sa atong kalag sa mga palas-anon nga mipuno sa atong kasingkasing. Ang ebanghelyo, pinaagi sa milagroso ug manggiloy-ong Pag-ula ni Jesukristo, nagpakita kanato sa paagi sa paglimpyo sa atong kalag sa lama sa sala ug sa makausa makapahimo nato nga bag-o, putli, ug inosente sama sa usa ka bata.

Apan usahay adunay mga butang nga makapahinay ug makapugong kanato, maoy hinungdan sa dili maayo nga mga panghunahuna ug mga lihok nga nakapalisud nato sa pagbag-o.

Paghimo sa Atong Pinakamaayo

Ang paghimo og mga tumong maayo nga paningkamot. Nasayud kita nga ang Langitnong Amahan may mga tumong tungod kay Siya misulti kanato nga ang Iyang buhat ug himaya mao ang “pagpahinabo sa pagka-imortal ug sa kinabuhi nga dayon sa tawo” (Moises 1:39).

Ang atong personal nga mga tumong makapahimo nato sa atong pinakamaayo. Apan, usa ka butang nga nagpugong sa atong mga paningkamot sa paghimo ug pagtuman sa mga



PAGTUDLO NIINI NGA MENSAHE

Si President Uchtdorf mipasabut nga kon kita mapakyas sa atong mga tumong, “kita makaangkon og gahum . . . Bisan tuod kita wala makaabut sa finish line, ang pagpadayon sa panaw mas makaayo nato kay sa una.” Hangyoo ang mga sakop sa pamilya sa pagpakigbahin og mga kasinatian diin sila mas nakakat-on gumikan sa proseso kaysa resulta, sama sa paggradwar sa eskwela o pagdawat og ganti.

resolusyon mao ang paglangay-langay. Usahay atong langanon ang pagsugod, nagpaabut sa sakto nga panahon sa pagsugod—unang adlaw sa bag-ong tuig, sinugdanan sa ting-init, kon kita tawagon isip bishop o Relief Society president, human makagradwar ang mga bata sa eskwelahan, kon kita moretiro na.

Wala mo magkinahanglan og imbitasyon aron magsugod mo sa direksyon paingon sa inyong matarung nga mga tumong. Wala mo magkinahanglan og pagtugot aron mahimo kamong tawo nga giplanong mamahimo. Dili na kamo kinahanglang magpaabut nga imbitaron sa pagserbisyo sa Simbahan.

Usahay nausik ang daghang mga tuig sa atong kinabuhi nga nagpaabut aron pilion (tan-awa sa D&P 121:34–36). Sayop kana nga ideya. Gipili na kamo!

Usahay adunay mga higayon sa akong kinabuhi nga ako dili makatug sa paghunahuna sa mga isyu, kabalaka, o personal nga mga kasubanan. Apan bisan unsa pa kangitngit ang kagabhion, kanunay kong madasig niini nga hunahuna: sa buntag mosidlak ra ang adlaw.

Sa matag bag-o nga adlaw, usa ka bag-ong sinugdanan moabut—dili lang alang sa kalibutan apan alang usab kanato. Ug uban sa bag-o nga adlaw

mao ang bag-ong sinugdanan—usa ka kahigayunan sa pagsugod og usab.

Apan Unsa Kaha Kon Kita Mapakyas?

Usahay ang butang nga nagpugong kanato mao ang kahadlok. Tingali kita nahadlok nga kita dili molampus, nga kita molampus, nga kita maulawan, nga ang kalampusan tingali makapausab kanato, o kini makapausab sa mga tawo nga atong gihigugma.

Ug busa kita magpaabut. O moundang.

Usa pa ka butang nga kinahanglan natong hinumduman kalabut sa

paghimo og mga tumong mao kini: Kita mahimo gyud nga mapakyas— bisan sa mubong panahon. Imbis nga mawad-an og kadasig, kita makaangkon og gahum tungod kay kini nga pagsabut makapawala sa pagpamugos nga mahingpit karon. Giila na gikan pa sa sinugdanan, nga kita mahimong mapakyas. Ang pagkasayud niini gikan pa sa sinugdanan makapawala sa daghang katingala ug kawala sa kadasig gumikan sa kapakyasan.

Kon atong buhaton ang mga tumong niini nga paagi, ang kapakyasan dili kinahanglang mopugong nato.

Hinumdumi, bisan kon kita mapakyas sa pagkab-ot sa atong katapusan, gitinguha nga destinasyon diha-diha dayon, kita mahimong nag-uswag sa dalan padulong niini.

Ug kana mahinungdanon—makahuluganon kaayo.

Bisan tuod kita wala makaabut sa finish line, ang pagpadayon sa panawmas makaayo nato kay sa una.

Karon ang Pinakamaayong Panahon sa Pagsugod

Usa ka karaang proverbio miingon, “Ang labing maayo nga panahon sa

pagtanom og kahoy mao ang 20 ka tuig kaniadto. Ang ikaduhang labing maayo nga panahon mao karon.”

Adunay usa ka butang nga talagsaon ug malaumon sa pulong *karon*. Adunay usa ka butang nga naghatag og gahum sa kamatuoran nga kon kita mopili sa pagdesisyon karon, kita makapadayon sa unahan karon mismong higayuna.



Karon mao ang pinakamaayo nga panahon sa pagsugod nga mahimong tawo nga gusto natong mamahimo—dili lang 20 ka tuig gikan karon apan hangtud sa kahangturan. ■

KABATAN-ONAN

Pagkahimong Pinakamaayo —Sugod Karon

Si President Uchtdorf nagtudlo nga ang “personal nga mga tumong mapahimo nato sa atong pinakamaayo.” Ikonsiderar sa paghimo og mga tumong sa duha o tulo ka aspeto sa inyong kinabuhi, sama pananglit sa kahimsog sa panglawas, pagkaespirituhanon ug panaghigalaay.

Unsay mga kalampanan nga gusto ninyong mahitabo niini nga mga aspeto karong tuiga? Samtang kamo mainampoong naghunahuna og pipila ka mga tumong, siguroa nga kini makab-ot apan nagkinahanglan kaninyo nga motubo. Sa inyong journal, idetalye sa paghulagway ang inyong mga tumong aron inyong makita ang inyong kalamboan inig labay sa tuig.



Tun-i kini nga materyal sa mainampuong paagi ug tinguhaa nga masayud kon unsa ang ipakigbahin. Sa unsang paagi ang pagsabut sa kinabuhi ug misyon sa Manluluwas makadugang sa inyong pagtuo diha Kaniya ug makapanalangin niadtong inyong giamuma pinaagi sa visiting teaching? Alang sa dugang nga impormasyon adto sa reliefsociety.lds.org.

Ang Balaan nga Misyon ni Jesukristo: Ehempro

Kini kabahin sa sunod-sunod nga Mensahe sa Visiting Teaching nga naghulagway sa mga aspeto sa misyon sa Manluluwas.

Samtang kita makasabut nga si Jesukristo mao ang atong ehempro sa tanang mga butang, atong mapalampo ang atong tinguha sa pagsunod Kaniya. Ang mga kasulatan puno sa pag-awhag nato sa pagsunod sa mga tunob ni Kristo. Ngadto sa mga Nephite, si Kristo miingon, “Kay ang mga buhat nga kamo nakakita nga Ako mihimo kana kamo mobuhat usab” (3 Nephi 27: 21) Ngadto kang Tomas, si Jesus miingon, “Ako mao ang dalan, ug ang kamatuoran, ug ang kinabuhi: walay bisan kinsa nga makaadto sa Amahan, gawas kon pinaagi kanako” (Juan 14:6).

Karon ang atong mga lider nagpahinumdom kanato sa paghimo sa Manluluwas nga atong ehempro. Si Linda K. Burton, Relief Society general president, miingon, “Kon ang matag usa kanato makasulat sa doktrina sa Pag-ula diha sa atong mga kasingkasing, nan mag-sugod kita nga mahimong matang sa katawhan nga gusto sa Ginoo kanato nga mahimo.”¹



Si President Thomas S. Monson miingon, “Ang atong Ginoo ug Manluluwas, si Jesukristo, mao ang atong Ehempro ug kalig-on.”²

Modesisyon kita nga mas magpaduol kang Jesukristo, mosunod sa Iyang mga sugo, ug maningkamot nga makabalik sa atong Langitnong Amahan.

Gikan sa mga Kasulatan

2 Nephi 31:16; Alma 17:11; 3 Nephi 27:27; Moroni 7:48

MUBO NGA MGA SULAT

1. Linda K. Burton, “Ang Hugot nga Pagtuo sa Pag-ula ni Jesukristo Nahisulat ba sa Atong mga Kasingkasing?” *Liahona*, Nob. 2012, 114.
2. Thomas S. Monson, “Meeting Life’s Challenges,” *Ensign*, Nob. 1993, 71.
3. “Unsa ka Dako sa Kaalam ug sa Gugma,” *Mga Himno ug mga Awit sa mga Bata*, nu. 19.
4. Dieter F. Uchtdorf, “Ang Kalipay, Inyong Kabilin,” *Liahona*, Nob. 2008, 120.



Hugot nga Pagtuo, Pamilya, Kahupayan

Gikan sa Atong Kasaysayan

“Dalan Niya may timaan,” mi-sulat si Eliza R. Snow, ikaduhang kinatibuk-ang presidente sa Relief Society, kabahin sa mortal nga pangalagad ni Jesukristo.³ Siya nangalagad sa mga indibidwal—tagsa-tagsa. Iyang gitudlo nga kinahanglan natong biyaan ang nubenta y nuwebe aron pagluwas sa usa nga nawala (tan-awa sa Lucas 15:3–7). Iyang giayo ug gitudloan ang mga indibidwal, gani migahin og panahon sa kada tawo sa pundok nga 2,500 ka mga tawo (tan-awa sa 3 Nephi 11:13–15; 17:25).

Kabahin sa mga Santos sa Ulahing mga Adlaw nga kababayen-an, si President Dieter F. Uchtdorf, ikaduhang Magtatambag sa Unang Kapangulohan, miingon: “Kamo matahum nga mga sister pag-alagad sa kapuangod sa uban sa mga hinungdan nga molabaw sa personal nga mga kaayohan. Niini inyong gisunod ang Manluluwas. . . . Ang Iyang mga hunahuna anaa kanunay sa pagtabang sa uban.”⁴

Unsa Ang Akong Mahimo?

1. Ngano ug sa unsang paagi si Jesukristo maoy akong ehempro?
2. Sa unsang paagi ang pagpangalagad sa mga sister nga akong bisitahan makatabang nako sa pagsunod sa Manluluwas?

NOTEBOOK SA KOMPERENSYA SA OKTUBRE 2013

“Unsa nga Ako ang Ginoo namulong, Ako namulong: . . . bisan pinaagi sa akong kaugalingon nga tingog o pinaagi sa tingog sa akong mga sulugoon, kini managsama ra” (D&P 1:38).

Samtang kamo magribyu sa kinatibuk-ang komperensya sa Oktubre 2013, inyong magamit kining mga pahina (ug mga Notebook sa Komperensya sa umaabut nga mga isyu) aron sa pagtabang kaninyo sa pagtuon ug paggamit sa bag-o nga mga pagtulun-an sa buhi nga mga propeta ug mga apostoles ug ubang mga lider sa Simbahan.



Propetikanhon nga Saad: Pag-atubang sa mga Pagsulay

“Ang atong Langitnong Amahan, Anga mihatag nato og daghang angayng ikalipay, nasayud usab nga kita makat-on ug molambo ug mas molig-on kon kita makasagubang ug makalahutay sa mga pagsulay nga atong masinati. Nasayud kita nga adunay panahon nga masinati nato ang hilabihang kasubo, nga kita magbangutan, ug masulayan kon asa kita kutob. Apan, kanang mga kalisdanan makausab nato alang sa mas maayo, makausab sa atong kinabuhi sa paagi nga gidudlo sa Langitnong Amahan nato, ug makapalahi nato kay sa unsa kita kaniadto—mas maayo kay sa kaniadto, mas masinabuton kay

sa kaniadto, mas mosimpatiya kay sa kaniadto, ug may mas lig-ong pagpamatuod kay sa kaniadto.

“Kini ang angay natong katuyoan—dili lang ang pagpadayon ug paglahutay, apan ang pagkahimo usab nga mas putli sa espirituhanong paagi sa atong pagpakabuhi sa maayong panahon ug kasub-anan. Kon kini dili pa tungod sa mga hagit nga buntugon ug mga problema nga sulbaron, mao ra gihapon kita, gamay o walay pag-uswag sa atong tumong sa kinabuhing dayon.”

Presidente Thomas S. Monson, “Ikaw Dili Ko Kawangon, ni Biyaan Ko Ikaw,” *Liahona*, Nob. 2013, 87.

Sa pagbasa, pagtan-aw, o pagpaminaw sa mga pakigpulong sa kinatibuk-ang komperensya, bisitaha ang conference.lds.org Giunsa sa paggamit sa inyong pamilya ang inyong nakat-unan gikan sa kinatibuk-ang komperensya? I-email kanamo sa liahona@ldschurch.org.

Mga Tubag alang Kaninyo

Matag komperensya, ang mga propeta ug mga apostoles mohatag og dinasig nga mga tubag sa pangutana sa mga miyembro sa Simbahan. Gamita ang inyong Nobyembre 2013 nga isyu o bisitaha ang conference.lds.org sa pagpangita og mga tubag niini nga mga pangutana:

- Unsa nga mga doktrina ang atong nakat-unan diha sa mga Artikulo sa Hugot nga Pagtuo? Tan-awa sa L. Tom Perry, “Ang mga Doktrina ug mga Baruganan nga Anaa sa mga Artikulo sa Hugot nga Pagtuo.”
- Sa unsang paagi kita mahimong moapil sa misionaryo nga buhat kon kita mobati og kahadlok? Tan-awa sa M. Russell Ballard, “Ibutang ang Inyong Pagsalig diha sa Ginoo.”
- Unsay gamitan sa ikapulo? Tan-awa sa David A. Bednar, “Ang mga Tamboanan sa Langit.”
- Sa unsang paagi ang sala ug pagsukol makaapekto sa atong kabubut-on ug mosangpot sa pagkaulipon? Tan-awa sa Quentin L. Cook, “Mga Lamentaciones ni Jeremias: Pagbantay sa Pagkaulipon.”



LAKAW UG BUHATA

Si Elder Robert D. Hales sa Korum sa Napulog Duha ka mga Apostoles mitudlo nga ang labing dako nga panalangin sa komperensya moabut kon kita:



1. "Nagpundok aron maminaw sa mga pulong sa Ginoo."



2. "Mamauli aron sundon kini."

Gikan sa "Kinatibuk-ang Komperensya: Paglig-on sa Pagtuo ug Pagpamatuod," *Liahona*, Nob. 2013, 7.

PROPETIKANHONG MGA PULONG NGADTO SA MGA BABAYE UG SA PRIESTHOOD

Si Elder Neil L. Andersen sa Korum sa Napulog Duha ka mga Apostoles nangutana: "Ngano nga ang mga ordinansa sa priesthood ipangalagad sa mga lalaki? . . .

"Sama ka tinuod nga kita nahibalo nga ang gugma sa Dios 'managsama' alang sa iyang anak nga mga lalaki ug iyang anak nga mga babaye, nahibalo usab kita nga wala Siya milalang og mga lalaki ug mga babaye nga parehas gyud kaayo. Nahibalo kita nga ang sekso usa ka importanting kinaiyahan sa atong mortal ug mahangturong pagkawatawo ug katuyoan. Ang sagradong mga responsibilidad gihatag sa matag sekso.

"Nahibalo kita nga gikan sa sinugdanan ang Ginoo nag-establisar kon sa unsang paagi ipangalagad ang iyang priesthood."

Diha sa endnote 12 niini nga pakigpulong, si Elder Andersen mi-refer ngadto sa ubang mga propeta kinsa mitubag niini nga pangutana. Si Presidente Gordon B. Hinckley (1910–2008) miingon, "Ang Ginoo dili ang tawo ang mitudlo nga ang kalalakin-an sa iyang Simbahan kinahanglan nga maghupot sa priesthood." Si Elder M. Russell Ballard sa Korum sa Napulog Duha ka mga Apostoles miingon, "Ang Ginoo wala magpadayag kon nganong iyang gitukod ang iyang Simbahan ingon sa iyang gihimo."

Gikan sa "Gahum sa Priesthood," *Liahona*, Nob. 2013, 92.

SULATI ANG BLANKO

1. "Ang mga nagtuman sa mga pakigsaad mga nagtuman sa mga _____!" (Linda K. Burton, "Ang Gahum, Kalipay, ug Gugma sa Pagtuman sa Pakigsaad," *Liahona*, Nob. 2013, 113).
2. "Daghan, sa walay kahibalo, gigiyahan sa Ginoo sa mga dapit diin ilang madungog ang _____ ug moapil sa iyang _____" (Gérald Caussé, "Kamo Karon Dili na mga Langyaw," *Liahona*, Nob. 2013, 50).
3. "Ang pagkamatarung mas gamhanan kay sa _____" (Boyd K. Packer, "Ang Yawe sa Espirituhanong Panalipod," *Liahona*, Nob. 2013, 27).
4. "Sa pag-usab sa timailhan sa pagkababaye ug pagkalalaki, nawala ang ilhanan, sa gasa sa _____ ug _____ nga makalalang og laing binuhat" (D. Todd Christofferson, "Ang Moral nga Impluwensya sa mga Babaye," *Liahona*, Nob. 2013, 31).

Mga tubag: 1. sugo; 2. ebanghelyo, panon; 3. pagkadautan; 4. mga babaye, mga lalaki.

GIKAN SA KANGITNGIT NGADTO SA KAHAYAG

Kita masayud uban sa kasiguradoan nga kon ang atong kinabuhi maanaa sa kangitngit si Jesukristo makausab nianang kangitngit ngadto sa kahayag kon kita matinud-anong maghinulsol.

Pangalan gipugngan

Adunay mga higayon sa akong kinabuhi diin mobati ko nga daw wala nay paglaum alang nako nga magmalipayon ug makabalik ngadto sa atong Amahan sa Langit. Pipila ka tuig na ang milabay na-disfellowship ko sa Simbahan. Nagpakabuhi ko nga puno sa garbo ug sala ug nag-antus og maayo tungod sa akong mga binuhatan. Ang akong engagement sa babaye nga akong gihigugma wala madayon, dili na maayo ang akong relasyon sa uban, ug dili ko malipayon.

Bisan tuod nangandoy ko nga magmapainubsanon sa kaniadto pa, napugos ko sa pagpaubos ug sa pagtinguha sa kabubut-on sa Ginoo. Nag-sugod ko nga kanunay nang mobasa sa kasulatan, kanunay nang mag-ampo, ug magtinguha sa pagserbisyo sa uban. Naningkamot kong ayuhon ang relasyon nga dugay na nakong gibaliwala, lakip na ang akong relasyon uban sa Langitnong Amahan. Nagtinguha gyud ko og kausaban sa kasingkasing.

Sayo kadto sa buntag samtang nagdrayb ko padulong sa eskwelahan, ug wala pa mosidlak ang adlaw. Misanag ang kapunaw-punawan sa silangan,

ug sa kasadpan ngitngit pa, nga ang takdol nga bulan mikunsad luyo niini. Naanad ko sa pagpakig-istorya sa akong Langitnong Amahan samtang nagdrayb. Samtang nag-ampo ko atol niining pagdrayb sa sakyanan, nalamdagan akong hunahuna, ug naka-angkon og bag-ong paglaum diha sa akong kasingkasing.

Nakaamgo ko nga ang akong kinabuhi naglambo sa hinay-hinay, sama sa kapunaw-punawan sa silangan. Ang kangitngit nagkawala, ug ang akong mga sala, nga ingon og sama nianang takdol nga bulan, nagkakunsad. Wala pa kini mawala, apan nasa-yud ko nga sa dili madugay mawala kini kon magpadayon ko sa akong



KALIPAY PINAAGI SA PAGHINULSOL

“Kita nakasabut ba sa [kadasig] sa atong Langitnong Amahan sa atong matag paningkamot nga makabalik kaniya? Bisan kon kita layo pa kaayo, moabi-abi siya sa atong pagbalik. Kita makasinati og hingpit nga kalipay samtang ang gugma sa atong Manluluwas nagsiguro kano nga kita malimpyohan, nga kita makabalik pag-usab sa panimalay. Kini nga kalipay moabut lang pinaagi sa paghinulsol.

“Samtang kita mobiya sa sayop nga mga binuhatan ug mogamit og hugot nga pagtuo diha kang Jesukristo, kita makadawat sa kapasayloan sa atong mga sala. Atong mabati nga gibuhad sa atong Manluluwas alang nato ang mga butang nga dili nato mabuhad.”

Elder Neil L. Andersen sa Korum sa Napulog Duha ka mga Apostoles, “The Joy of Becoming Clean,” *Ensign*, Abr. 1995, 51.



sinsero nga paghinulsol. Naglaum ko nga moabut ang adlaw ang akong kinabuhi sama kahayag sa udtong tutok.

Uban sa panahon ug samtang nagampo ko sa gugma sa akong Langitnong Amahan ug sa uban, nahimo kong mas mapainubsanon. Dugang pagkamapainubsanon migiya nako sa pagserbisyo sa Dios ug sa uban nga wala maghunahuna sa kaugalingon, ug ang akong paglaum sa kinabuhing dayon ug sa mas nindot nga umaabut nabag-o ug nadugangan. Samtang kana nga paglaum nagtubo, mao sab ang akong hugot nga pagtuo nga ang akong Manluluwas, si Jesukristo, mao ang gamhanan sa pagluwas ug molimpyo nako sa tanang dili matarung. Nasayud ko nga ang mga pulong ni Mormon tinuod: “Kamo magbaton og paglaum pinaagi sa pag-ula ni Kristo ug sa gahum sa iyang pagkabanhaw, aron mabanhaw ngadto sa kinabuhi nga dayon” (Moroni 7:41). ■

UNSA ANG MGA KONDISYON SA PAGHINULSOL?

Si propeta Helaman mitudlo nga ang paghinulsol adunay mga kondisyon:

“Ang Ginoo sa pagkatinuod moabut aron sa pagtubos sa iyang mga katawhan, apan . . . siya dili moabut aron sa pagtubos kanila sa ilang mga sala, apan aron sa pagtubos kanila gikan sa ilang mga sala.

“Ug siya adunay gahum nga gihatag ngadto kaniya gikan sa Amahan aron sa pagtubos kanila gikan sa ilang mga sala tungod sa paghinulsol; busa siya mipadala sa iyang mga anghel sa pagpahayag sa maayo nga mga balita sa mga kinahanglanon sa paghinulsol, nga nagdala ngadto sa gahum sa Manunubos, ngadto sa kaluwasan sa ilang mga kalag” (Helaman 5:10–11; emphasis gidugang).

Ikonsiderar sa pagtuo sa mosunod nga mga kasulatan aron mas masabtan ang pipila niadtong mga kondisyon: Mga Taga-Roma 3:23; 1 Nephi 10:21; 2 Nephi 2:8; Mosiah 4:9–10; Doktrina ug mga Pakigsaad 58:42–43.

Among dawaton ang mga sugilanon sa inyong mga kasinatian sa ebanghelyo nga may kalabutan sa pangalagad ug misyon sa Manluluwas. Posibleng mga hilisgutan maglangkob sa Pag-ula, grasya, pag-ayo, paglaum, o paghinulsol. Palihug limitahi ang inyong artikulo sa 600 ka mga pulong, sulati kini og “We Talk of Christ,” ug isumiter kini sa liahona.lds.org o i-email kini sa liahona@ldschurch.org.

ADAN

“Pipila lang ka tawo sa kahangturan ang mas direktang naapil sa plano sa kaluwasan . . . kaysa kang Adan.”¹¹

Kadaghanan sa mga tawo nakaila nako isip unang tawo nga nag-puyo sa kalibutan, apan daghan ang wala masayud nga ako adunay espesyal nga responsibilidad sa wala pa ko moanhi sa kalibutan. Sa kinabuhi sa wala pa dinhi sa yuta, nangulo ko sa kasundalohan sa Dios batok sa kasundalohan ni Satanas sa Gubat sa Langit,² ug mitabang ko ni Jesukristo sa paglalang sa kalibutan.³ Naila ko nga si Miguel kaniadto, nagpasabut nga “kinsa sama sa Dios.”⁴

Ang Dios mipili nako nga mahimong unang tawo sa kalibutan ug gibutang ko sa Tanaman sa Eden, usa ka paraiso nga adunay daghang mga matang sa tanom ug hayop. Iya kong gihuypan sa “gininhawa sa kinabuhi”⁵ ug gihatagan ko og bag-ong ngalan: Adan.⁶

Ang Dios misulti sa akong asawa, si Eva, ug nako nga dili mokaon sa bunga sa kahoy sa kahibalo sa maayo ug dautan.⁷ Kon dili namo kaunon ang bunga, kami magpabilin sa tanaman ug magpuyo sa kahangturan, apan dili mi “mouswag pinaagi sa pagsinati og oposisyon sa kinabuhi”⁸ o makabaton og mga anak.⁹ Anaa kanamo ang pagpili.

Tungod kay mipili mi sa pagkaon sa bunga, kinahanglan namong mobiya sa tanaman ug sa presensya sa Dios. Kini nailhan nga Pagkapukan. Kami nahimong mortal, nakasinati sa maayo ug sa dautan sa kinabuhi, ug nanganak.¹⁰

Ang Dios nasayud nga ang Pagkapukan mahitabo—Iyang gipadala si Jesukristo aron sa pagtubos sa atong mga sala ug sa pagbuntog sa kamatayon aron kita ug ang atong mga anak makabalik ngadto Kaniya.¹¹

Ako ug si Eva nakakat-on sa

ebanghelyo ni Jesukristo—lakip na ang hugot nga pagtuo diha kang Jesukristo, paghinulsol, bunyag, pagdawat sa gasa sa Espiritu Santo, ug paglahutay hangtud sa kahangturan—ug amo kining gitudlo sa among mga anak.¹²



Tungod sa akong mga kasinatian, nabuksan akong mga mata, ug hingpit ang akong kalipay niining kinabuhi.¹³ Hinumdumi nga mabati usab ninyo ang gugma sa Dios ug makabalik Kaniya kon kamo mosunod ni Jesukristo,¹⁴ sama sa akong nakat-unan nga buhaton. ■

MUBO NGA MGA SULAT

1. Robert L. Millet, "The Man Adam," *Ensign*, Ene. 1994, 8.
2. Tan-awa sa Pinadayag 12:7–8.
3. Tan-awa sa Robert L. Millet, "The Man Adam," 10.
4. Ang Giya ngadto sa mga Kasulatan, "Miguel," scriptures.lds.org.

5. Genesis 2:7.
6. Tan-awa sa Moises 1:34.
7. Tan-awa sa Genesis 2:16–17; Moises 3:16–17.
8. *Isangyaw ang Akong Ebanghelyo: Usa ka Giya sa Misyonaryo nga Pangalagad* (2004), 58.
9. Tan-awa sa 2 Nephi 2:22–23.
10. Tan-awa sa Moises 4:22–31; 5:10–11; Alma 12:21–27.
11. Tan-awa sa Juan 3:16–17; 1 Mga Taga-Corinto 15:22; 2 Nephi 9:21; Alma 42:2–15.
12. Tan-awa sa Moises 5:1–12, 58–59; 6:51–67.
13. Tan-awa sa Moises 5:10.
14. Tan-awa sa Mosiah 27:25–26.
15. Tan-awa sa Doktrina ug mga Pakigsaad 27:11.
16. Tan-awa sa Genesis 5:5.
17. Tan-awa sa Doktrina ug mga Pakigsaad 116:1; Daniel 7:9–14.
18. Tan-awa sa Doktrina ug mga Pakigsaad 29:26.
19. Tan-awa sa Doktrina ug mga Pakigsaad 88:114–16.



GIKAN SA WALA: PAINTING NI DAN BAXTER; SILA SI ADAN UG EVA SA TANAMAN, NI LOWELL BRUCE BENNETT; PAGBIYA SA TANAMAN SA EDEN, NI JOSEPH BRICKEY; SUSAMA SA, NI JOSEPH BRICKEY; SILA SI ADAN UG EVA NAGTUDLO SA ILANG MGA ANAK, NI DEL PARSON; SI ADAN NAG-ORDEN NI SETH, NI DEL PARSON; ADAM-ONDI-AHMAN, NI DEL PARSON; SI ARKANGHEL MIGUEL MIPILDE NI SATANAS; NI GUIDO RENIBRIDGEMAN ART LIBRARY/GETTY IMAGES; BACKGROUND GIKAN SA ISTOCKPHOTO/THINKSTOCK

KAHON SA KAMATUORAN: ADAN

Mga Ngalan: Adan, Amahang Adan, Karaan sa mga Adlaw, Miguel¹⁵

Edad sa pagkamatay: 930¹⁶

Mga Tahas atol sa Kinabuhi sa Wala pa Dinhi sa Yuta: Nangulo sa kasundalohan sa Dios batok ni Satanas; mitabang ni Jesukristo sa paglalang sa kalibutan

Mga tahas sa Mortal nga Kinabuhi: Patriarch, bana, ug amahan; mitabang sa pag-pahinabo sa Pagkapukan; nagsunod sa ebanghelyo ni Jesukristo

Mga tahas Human sa Kinabuhi sa Kalibutan: Mobisita sa iyang mga katawhan sa Adam-ondi-Ahman,¹⁷ moabag sa Pagkabanhaw,¹⁸ mangulo sa katapusang pakig-away batok ni Satanas¹⁹



**Ni President
Gordon B. Hinckley
(1910-2008)**

Ikakinse nga Presidente
sa Simbahan

ANG BALANG DIOS NGA KA- PANGULOHAN

Ang atong pagtuo sa Dios ang Amahan sa Kahangturan; sa Iyang Anak, si Jesukristo; ug sa Espiritu Santo maoy pinakamahinungdanon nga tinuohan sa atong relihiyon.

Si Gordon B. Hinckley, ika-15 nga presidente sa Simbahan, natawo niadtong Hunyo 23, 1910. Siya giorden isip usa ka Apostol niadtong Oktubre 5, 1961, sa edad nga 51, ug niadtong Marso 12, 1995, siya gipaluyohan isip Presidente sa Simbahan.

Sa pag-establisar sa nag-unang mga elemento sa atong doktrina, gibutang kini nga numero uno ni Propeta Joseph Smith:

“Kami nagtuo sa Dios, ang Amahan sa Kahangturan, ug sa Iyang Anak, si Jesukristo, ug sa Espiritu Santo” (Mga Artikulo sa Hugot nga Pagtuo 1:1).

[Ang Propeta mitudlo usab]: “Kini mao ang unang baruganan sa ebanghelyo nga siguradoong masayud sa kinaiya sa Dios” (*History of the Church*, 6:305).

Kining importante kaayo ug malukpanon nga deklarasyon nahiuon sa mga pulong sa Ginoo . . . : “Ug ang kinabuhing dayon mao kini, ang ilang pagpakaila kanimo nga mao ang bugtong tinuod nga Dios, ug kang Jesukristo, nga imong pinadala” (Juan 17:3). . . .

Ang Dios ang Amahan sa Kahangturan

Nagtuo ko sa walay pagduha-duha, ug uban sa hingpit nga pasalig diha sa Dios, ang Amahan sa Kahangturan. Siya ang akong Amahan, ang Amahan sa akong espiritu, ug ang Amahan sa mga espiritu sa tanang tawo. Siya ang makagagahum nga Tiglalang, ang Tigmando sa Uniberso. . . . Sa Iyang panagway ang tawo nalalang. Siya personal. Siya tinuod. Siya indibidwal. Siya adunay “lawas nga unod ug mga bukog nga mahikap ingon sa tawo” (D&P 130: 22).

Sa nahisulat nga kasaysayan sa paglalang sa kalibutan, “Miingon ang Dios, Buhaton nato ang tawo sumala sa atong dagway, ingon sa kasama nato” (Genesis 1:26).

Aduna pa bay pinulongan nga mas klaro? Kini ba nagpakaubos sa Dios, sama sa gusto sa pipila nga atong tuohan, nga ang tawo gilalang sumala sa Iyang dagway? Hinoon, kinahanglang matisok kini diha sa kasingkasing sa matag tawo og mas dakong pagdayeg sa iyang kaugalingon isip anak sa Dios. . . .

. . . Isip misyonaryo, namulong ko [didto sa London, England, dihang may samukang tawo nga misyagit], “Nganong dili ka magtamod lang sa doktrina sa Biblia nga nag-ingon diha sa Juan (4:24), ‘Ang Dios Espiritu?’”

Akong giablihan ang akong Biblia sa bersikulo nga iyang gikutlo ug gibasa ngadto kaniya ang tibuok bersikulo: “Ang Dios Espiritu: ug ang mga magasimba kaniya kinahanglan managsimba diha sa espiritu ug sa kamatuoran.”

Miingon ko, “Siyempre ang Dios espiritu, ug ikaw sab, sa paghiusa sa

espiritu ug lawas kana nakapahimo nimo nga buhi nga tawo, ug nako pud.”

Ang matag usa kanato adunay spiritwal ug pisikal nga aspeto. Ang tanan nasayud sa katinuod sa kamatayon . . . , ug kitang tanan nasayud nga ang espiritu magpadayon nga buhi isip usa ka indibidwal ug moabut ang panahon, ubos sa balaanong plano nga nahimong posible pinaagi sa sakripisyo sa Anak sa Dios, maghiusa ang espiritu ug lawas. Ang pamahayag ni Jesus nga ang Dios usa ka espiritu wala maglimod nga Siya adunay lawas sama sa pahayag nga ako usa ka espiritu samtang adunay lawas usab.

Wala nako gipakahisama ang akong lawas ngadto sa Iyang lawas sa kalunsay, sa kapasidad, sa katahum ug kahayag niini. Ang Iyang lawas walay katapusan. Ang akong lawas mortal. Apan kana nagdugang sa akong balaan nga pagtahud alang Kaniya. . . . Nagtinguha ko sa paghi-gugma Kaniya uban sa tibuok nakong kasingkasing, gahum, hunahuna, ug kusog. Ang Iyang kaalam mas labaw pa kay sa kaalam sa tanang katawhan . . . Ang Iyang gugma naglangkob sa tanan Niyang mga anak, ug kini Iyang buhat ug himaya sa pagpahinabo sa pagka-imortal ug kinabuhi nga dayon sa Iyang mga anak . . . (tan-awa sa Moises 1:39). . . .

Ang Ginoong Jesukristo

Nagtuo ko ni Ginoong Jesukristo, ang Anak sa mahangturon, buhi nga Dios. Nagtuo ko Kaniya isip ang Unang Natawo sa Amahan ug ang Bugtong Anak sa Amahan diha sa unod. Nagtuo ko Kaniya isip



indibidwal, nahibulag ug nalahi gikan sa Iyang Amahan. . . .

Nagtu ko nga sa Iyang mortal nga kinabuhi Siya ang bugtong hingpit nga tawo nga nabuhi sa kalibutan. Nagtu ko nga diha sa Iyang mga pulong makaplagn ang kahayag ug kamatuoran nga, kon sundon, makaluwas sa kalibutan ug makadala og kahimayaan sa katawhan. Nagtu ko nga sa Iyang priesthood anaa ang balaanong awtoridad—ang gahum sa pagpanalangin, ang gahum sa pagayo, ang gahum sa pagdumala sa mga kalihokan sa Dios dinhi sa kalibutan, ang gahum sa pagbugkos didto sa kalangitan nianang gibugkos dinhi sa kalibutan.

Nagtu ko nga pinaagi sa Iyang maulaon nga sakripisyo, sa paghalad sa Iyang kinabuhi didto sa bungtod sa Kalbaryo, Siya nag-antus alang sa mga sala sa katawhan, naghupay kano sa palas-anon sa sala kon atong

isalikway ang dautan ug mosunod Kaniya. Nagtu ko sa reyalidad ug gahum sa Iyang Pagkabanhaw. . . . Nagtu ko nga pinaagi sa Iyang Pag-ula, . . . gitanyag kanatong tanan ang gasa sa pagkabanhaw gikan sa pagkamatay. Dugang pa nagtu ko nga pinaagi niadtong sakripisyo gihatag ngadto sa matag tawo, sa matag anak sa Dios, ang oportunidad sa kinabuhing dayon ug kahimayaan diha sa gingharian sa atong Amahan, samtang kita . . . nagsunod sa Iyang kasugoan.

Walay tawo nga sama ka halangdon ang nakapuyo dinhi sa kalibutan sukad. Walay laing tawo ang nakahimo sa susamang sakripisyo o mihatag sa susamang panalangin. Siya mao ang Manluluwas ug Manunubos sa kalibutan. Nagtu ko Kaniya. Akong ipahayag ang Iyang kabalaan . . . Ako nahigugma Kaniya. Ako mosulti sa Iyang ngalan uban sa balaan nga pagtahud ug pagdayeg. . . .

. . . Ang kasulatan nagsaysay [niadtong] mga tawo nga Siya Mismo nagpakita kanila ug niadtong kang kinsa Siya nakigsulti isip buhi, nabanhaw nga Anak sa Dios. Sa samang paagi Siya nagpakita niini nga dispensasyon, ug niadtong nakakita Kaniya mideklarar:

“Ug karon, human sa daghan nga mga pagpamatuod nga gihatag mahitungod kaniya kini mao ang pagpamatuod, ang katapusan sa tanan, nga kami naghatag mahitungod kaniya: Nga siya buhi!

“Kay kami nakakita kaniya, gani diha sa tuo nga kilid sa Dios; ug kami nakadungog sa tingog nga nagpamatuod nga siya mao ang Bugtong Anak sa Amahan—

“Nga pinaagi kaniya, ug ngadto kaniya, ug tungod kaniya, ang mga kalibutan nalalang, ug ang mga lumulupyo niana mao ang anak nga mga lalaki ug anak nga mga babaye sa Dios” (D&P 76:22–24).

Kini mao ang Kristo kinsa akong gituohan ug gipamatud-an.

Ang Espiritu Santo

Kana nga kahibalo nagagikan sa pulong sa kasulatan, ug kana nga pagpamatuod nagagikan sa gahum sa Espiritu Santo. Kini usa ka gasa, sa-grado ug talagsaon, gihatag pinaagi sa pagpadayag gikan sa ikatulo nga sakop sa Dios nga Kapangulohan. Nagtuo ko sa Espiritu Santo isip usa ka personahe sa espiritu nga kauban sa Amahan ug sa Anak, silang tulo naglangkob sa balaang Dios nga Kapangulohan. . . .

Ang Espiritu Santo giila sa karaang panahon isip sakop sa Dios nga Kapangulohan nga naklaro gikan sa panagsultihanay ni Pedro ug ni Ananias sa dihang wala gihatag ni Ananias ang tanang halin gikan sa pagbaligya sa yuta.

“Apan si Pedro miingon kaniya, Ananias, naunsa bang giyawaan man pag-ayo ni Satanas ang imong kasingkasing aron imong bakakan ang Espiritu Santo . . . ?

“. . . Ang imong gibakakan dili tawo kondili ang Dios” (Mga Buhat 5:3–4).

Ang Espiritu Santo [mao] ang Maghuhupay nga gisaad sa Manluluwas kinsa motudlo sa Iyang mga sumusunod sa tanang butang ug mopahinumdom kanila sa tanang butang . . . (tan-awa sa Juan 14:26).

Ang Espiritu Santo mao ang Tigpamatuod sa Kamatuoran, kinsa makatudlo sa katawhan sa mga butang nga dili nila matudlo sa usag usa. . . . Ang pagkasayud sa katinuod sa Basahon ni Mormon gisaad “pinaagi sa gahum sa Espiritu Santo.” Gideklarar kaniadto



ni Moroni, “Ug pinaagi sa gahum sa Espiritu Santo kamo mahimo nga masayud sa kamatuoran sa tanan nga mga butang” (Moroni 10:4–5).

Nagtuo ko nga kining gahum, kining gasa, anaa kanato karon.

Tinuod ug Indibidwal

. . . Ako nagtuo sa Dios, ang Amahan sa Kahangturan, ug sa Iyang Anak, si Jesukristo, ug sa Espiritu Santo.

Nabunyagan ko diha sa ngalan nilang tulo. Naminyo ko diha sa ngalan nilang tulo. Ako walay pagduha-duha sa ilang reyalidad ug pagka-indibidwal. Kana nga pagka-indibidwal klaro kaayo dihang si Jesus gibunyagan ni Juan sa Jordan. Sa tubig nagbarug ang Anak sa Dios. Ang tingog sa iyang Amahan nadungog nga nagpahayag sa kabalaan sa Iyang anak, ug ang Espiritu Santo nakita sa porma sa usa ka kalapati (tan-awa sa Mateo 3:16–17).

Sayud ko nga si Jesus miingon nga kinsa nakakita Kaniya nakakita sa Amahan [tan-awa sa Juan 14:9]. Dili ba masulti gihapon ni sa daghang mga anak nga lalaki nga naliwat sa iyang ginikanan?

Sa dihang si Jesus nag-ampo sa Amahan, sigurado wala Siya nag-ampo sa iyang Kaugalingon!

Hingpit nga Nagkahiusa

Sila managlahi nga binuhat, apan usa sila sa katuyoan ug paningkamot. Sila nagkahiusa sa pagpahinabo sa dako, balaan nga plano alang sa kaluwasan ug kahimayaan sa mga anak sa Dios.

. . . Si Kristo mihangyo sa Iyang Amahan mahitungod sa mga Apostoles, kinsa Iyang gihigugma, nag-ingon:

“Ug nangamuyo ako dili lamang alang kanila ra, kondili alang usab sa mga mosalig kanako pinaagi sa ilang pulong;

“Aron silang tanan ma-usa; mai-ngon nga ikaw, Amahan, ania kanako, ug ako anaa kanimo, aron sila usab maania kanato” (Juan 17:20–21).

Kini mao ang hingpit nga panaghiusa tali sa Amahan, sa Anak, ug sa Espiritu Santo nga nagbugkos nilang tulo sa panaghiusa sa balaang Dios nga Kapangulohan. ■

Gikan sa “The Father, Son, and Holy Ghost,” Ensign, Nob. 1986, 49–51; capitalization ug punctuation gi-estandard.

PAGTUMAN SA ADLAW NGA IGPAPAHULAY

Alang sa kadaghanang mga tawo, Ang Dominggo usa lang ka ordinaryong adlaw sa semana alang sa dugang pagpahulay ug paglingawlingaw. Apan, ang karaan ug bag-ong pagpadayag nagtudlo sa kaimportante sa pagbalaan sa adlaw nga Igpapahulay. Sa mga pahina 56–57 niini nga isyu, si Larry M. Gibson, first counselor sa Young Men general presidency, naghigut sa importante nga bahin sa pagtuman sa adlaw nga Igpapahulay. Miingon si Brother Gibson, “Ang paagi sa atong pagbalaan sa adlaw nga Igpapahulay mao ang pagpakita sa atong pakigsaad sa paghinumdom kanunay ni Jesukristo.”

Samtang ang inyong mga anak magkat-on sa pagtuman sa pagbalaan sa adlaw nga Igpapahulay, sila maandam sa pagdawat og daghang mga panalangin. Sama sa giingon ni Brother Gibson, “kon kita mosunod ug mopuyo sa balaan nga sugo sa pagbalaan sa adlaw nga Igpapahulay, ang Ginoo, mopanalangin nato, mogiya nato, ug modasig nato sa pagsulbad sa mga problema nga moabut nato.”

Mga Sugyot sa Pagtudlo sa mga Batan-on

- Basaha og dungan ang artikulo ni Brother Gibson sa mga pahina 56–57. Dayon hisguti unsay buhaton sa inyong pamilya matag semana aron makaandam sa pagbalaan sa adlaw nga Igpapahulay. Sa family home evening, mahimo ninyong kantahon ang “Gently Raise the Sacred Strain” (*Hymns*, nu. 146) o lain nga himno kabahin sa Igpapahulay ug hisguti

unsay mahimo sa inyong pamilya sa Dominggo aron mabalaan ang adlaw nga Igpapahulay.

- Ikonsiderar sa pagbasa uban sa inyong tin-edyer sa seksyon sa pagtuman sa adlaw nga Igpapahulay sa *Alang sa Kalig-on sa mga Kabatan-onan*, lakip sa mga kasulatan nga gilista diha sa katapusan. Kamo mahimong dungan nga mangita og uban pang mga kasulatan kabahin sa pagbalaan sa adlaw nga Igpapahulay ug hisguti ang mga baruganan nga anaa sa pagtuman sa adlaw nga Igpapahulay.
- Kon ang bag-ong kurikulum sa kabatan-onan anaa sa inyong pinulongan, mahimo ninyong gamiton ang mga leksyon sa pagpangita og mga artikulo o video kabahin sa pagtuman sa adlaw nga Igpapahulay. Adto sa lds.org/youth/learn. Ang mga leksyon sa bulan sa Septyembre kabahin sa kasugoan makatabang niining hilisgutan.

Mga Sugyot sa Pagtudlo sa mga Bata

- Basaha ang “Bag-o nga Deacon” sa Oktubre 2013 nga *Liahona* ug hisguti ang kaimportante sa sakrament sa pagbalaan sa adlaw nga Igpapahulay.
- Ikonsiderar sa pagbasa ang “Usa ka Leksyon sa Balaang Pagtahud” sa Marso 2010 *Liahona*; mahimo usab ninyong buhaton ang kalihokan nga nalakip sa artikulo. Hisguti uban sa inyong mga anak kon sa unsang paagi ang balaang



MGA KASULATAN KABAHIN NIINING HILISGUTAN

Exodo 20:8–11

Isaias 58:13–14

1 Mga Taga-Corinto
11:23–26

3 Nephi 18:3–11

Moroni 6:4–6

Doktrina ug mga

Pakigsaad 59:9–13

pagtahud diha sa simbahan makatabang sa pagbalaan sa adlaw nga Igpapahulay.

- Hisguti unsa ang mahimo sa inyong pamilya sa Dominggo aron sa pagtahud sa Ginoo. Mahimo ninyong basahon ang “Desisyuni Karon Dayon” sa Marso 2012 *Liahona* alang sa ehemplo sa usa ka tawo nga nagbalaan sa adlaw nga Igpapahulay bisan sa malisud nga kahimtang.
- Uban sa inyong mga anak mahimo mong mokanta og pipila ka kanta nga may kalabutan sa adlaw nga Igpapahulay, lakip ang “Sabado” (*Songbook sa mga Bata*, 105). Hisguti ang mga pamaagi kon unsaon sa inyong pamilya paggamit ang Sabado ug ubang mga adlaw sa semana aron sa pag-andam alang sa Dominggo. ■

*Hinumdumi
kanunay nga
si Jesukristo—
ang Tiglalang
sa uniberso, ang
arkitekto sa atong
kaluwasan, ug
ang pangulo niini
nga simbahan
—mao ang
nagkontrolar.*



Ni Elder
M. Russell Ballard
Sa Korum sa
Napulog Duha ka
mga Apostoles



ATUBANGA ANG UMAABUT UBAN SA Hugot nga Pagtuo ug Paglaum

Ang kahintang sa kalibutan walay kasiguroan ug makuyaw, ug ang ekonomiya sa mga nasud dili makanunayon ug dili matag-an. Ang gimanggad nga mga bili sa kinabuhi, kalingkawasan, ug sa pagpangita sa kalipay giatake niadtong gusto nga mopugong sa kabubut-on ug himoon kitang magsalig kay sa pag-awhag nato sa paggamit sa atong mga kahanas ug mga talento sa pagmugna og bag-o ug makapahinam nga mga paagi sa pagbuhat sa mga butang.

Ang mga sumbanan sa moralidad nagkaubos. Ang pamilya giatake ug nagkabungkad. Ang gugma sa mga tawo nahimong bugnaw ug dili na natural (tan-awa sa Mateo 24:12; Mga Taga-Roma 1:31). Adunay padayon nga pagkakunhod sa integridad, kamatinuoron, ug pagkamatarung sa politika, negosyo, ug sa ubang mga lider. Mga gubat ug hungihong sa mga gubat taliwala sa mga nasud ug tinuohan migrabe. Ug gani ang mas makadaot kay sa bisan unsang armado nga kagubot mao ang gubat tali sa maayo ug dautan—tali sa Manluluwas uban sa Iyang kasundaluhan sa kahayag ug ni Satan uban sa iyang dautan nga mga sakop sa kangitngit—para sa mga kalag sa mga anak sa Dios.

Si President Gordon B. Hinckley (1910–2008) mihulagway sa kalibutan nga puy-an sa mga batan-on karon sa dihang siya miingon: “Kita nagpuyo sa panahon diin ang mapintas nga mga tawo mobuhat og terrible ug salawayon nga mga butang. Kita nagpuyo sa panahon sa gubat. Kita nagpuyo sa panahon sa kaarogante. Kita nagpuyo sa panahon sa kadautan, pornograpiya, imoralidad. Ang tanang mga sala sa Sodoma ug Gomorra misamok sa atong katilingban. Ang atong kabatan-onan moatubang gyud og dako nga hagit. Klaro kaayo natong makita ang grabeng kahigal sa panagway sa dautan.”¹

Dili kita angay nga matingala niining mga sirkumstansya sa atong panahon kay ang mga kasulatan ug panagna sa atong panahon nagpamatuod unsay mahitabo sa kalibutan kon ang katawhan mopalayo sa Dios. Ato pang masinati ang mas dili maayo nga mga butang, kay ang yawa nagpadayon sa iyang paningkamot sa pagtuman sa iyang dautang mga plano. Sa samang higayon, ang mga propeta sa karaan kinsa nakakita sa atong panahon, kinsa nakakita sa batan-ong henerasyon karon, nasayud nga kining panahona mao ang panahon sa kahayag ug katingala nga wala pa sukad mahitabo sa kalibutan.

Samtang nangandam ko niini nga mensahe, naghangyo ko og giya aron masayud unsa ang mensahe nga gusto sa Langitnong Amahan nga akong ipakigbahin. Ang makahupay ug makapasalig nga pulong sa Ginoo ngadto ni Propeta Joseph Smith akong nahunahunaan: “Paglipay, kay Ako mogiya kaninyo. Ang gingharian mainyo . . . , ug ang mga katigayunan sa kahangturan mainyo” (D&P 78:18).

Pulihi ang Kahadlok og Hugot nga Pagtuo

Nagtuo ko nga gusto sa Ginoo akong isulti nga kinahanglan natong pulihan ang kahadlok og hugot nga pagtuo—hugot nga pagtuo diha sa Dios ug sa gahum sa Pag-ula ni Ginoong Jesukristo.

Akong nahinumduman isip 13 anyos nga batan-ong lalaki nga miuli gikan sa priesthood meeting niadtong Dominggo, Disyembre 7, 1941, sa pagkahibalo gikan sa akong ginikanan nga bag-o lang gibombahan sa Japan ang Pearl Harbor. Kini nakapugos sa Estados Unidos nga malambigit sa gubat sa kalibutan nga miulbo sa Uropa sulod sa duha na ka tuig. Abi namo nga mao na kini ang katapusan sa kinabuhi. Grabe ang kawalay kasiguroan kay daghang mga batan-ong lalaki ang gipaserbisyo sa militar. Apan, sama karon, taliwala sa tanang mga panagsumpaki, panlimbasug, ug dautan nga mga impluwensya sa kalibutan, adunay daghan gihapon nga kaayohan.

Kon kita maghunahuna sa umaabut, kinahanglang puno ta sa hugot nga pagtuo ug paglaum. Hinumdumi kanunay nga si Jesukristo—ang Tiglalang sa uniberso, ang arkitekto sa atong kaluwasan, ug ang pangulo niini nga Simbahan—mao ang nagkontrolar. Dili siya motugot nga ang Iyang buhat mapakyas. Siya ang magmadaugon sa tanang kangitngit ug kadautan. Ug gidapit ta Niyang tanan, mga miyembro sa Iyang Simbahan ug sa uban nga matinuoron og kasingkasing, nga moapil sa gubat para sa kalag sa mga anak sa Dios. Lakip sa tanan natong buhaton sa kinabuhi, kinahanglang atong ipahinungod atong kasingkasing, gahum, hunahuna, ug kusog sa Iyang kawsa, maglakaw uban sa hugot nga pagtuo ug magtrabaho nga may konbiksyon.

Atubanga ang umaabut nga positibo. Ako nagtuo nga anaa kita sa sinugdanan sa bag-ong panahon sa paglambo, pag-uswag ug pagkaabunda. Kon wala lay katalagman o wala damha nga krisis sa tibuok kalibutan, tingali sa sunod nga katuigan makabawi ang ekonomiya sa kalibutan samtang adunay bag-ong mga nadiskobrehan sa komunikasyon, medisina, enerhiya, transportasyon, physics, teknolohiya sa computer, ug uban pang mga natad sa paningkamot.

Daghan niining mga nadiskobrehan, sama sa nangagi, resulta sa mga paghunghong sa Espiritu nga nahimong mga ideya ug paglamdag sa mga hunahuna sa indibidwal nga nangita sa kamatuoran. Tungod niining mga nadiskobrehan ug kalamboan sa teknolohiya mamugna ang bag-ong mga oportunidad sa pangempleyo ug kauswagan niadtong kugihan ug ilabi na niadtong naningkamot sa pagsunod sa mga sugo sa Dios. Kini mao ang nahitabo usab sa ubang mahinungdanong panahon sa nasyonal ug internasyonal nga kalamboan sa ekonomiya.

Dugang pa, daghan niining mga nadiskobrehan makatabang sa pagpahinabo sa mga katuyoan ug buhat sa Dios ug aron sa pagpadali, lakip ang misyonaryo nga buhat, sa pagtukod sa Iyang gingharian dinhi sa kalibutan karon.

Buhata ang Inyong Bahin

Sa wala pa ang Ikaduhang Pag-anhi sa Manluluwas—ug sumala sa Iyang balaang panahon—ang ebanghelyo kinahanglan gayud nga masangyaw sa matag nasud, kaliwatan, pinulongan, ug mga katawhan hangtud kini mopuno sa tibuok kalibutan. Sama sa gideklarar ni Propeta Joseph: “Walay dili balaan nga kamot ang makapugong sa buhat sa paglambo; mga pagpanggukod mahimong magkakusog, ang mga manggugubot mahimong maghiusa, mga kasundalohan magpundok, mga pasangil mahimong modaut sa kadungganan, apan ang kamatuoran sa Dios magpadayon nga maisugon, halangdon, ug gawasnon, hangtud kini makasulod sa matag yuta, makabisita sa matag dapit, molukop sa matag nasud, ug makasulti sa matag dunggan, hangtud ang mga katuyoan sa Dios matuman, ug ang Halangdong Jehova moingon nga ang buhat nahuman na.”²

Samtang ang ebanghelyo gisangyaw ngadto sa binilyon nga mga kalag nga gigutom sa espirituhanong paagi, ang mga milagro mahitabo pinaagi sa Ginoo. Ang mga misyonaryo sa daghang mga nasud moserbisyo sa Ginoo sa tibuok kalibutan. Bag-ong mga chapel ug daghan pa nga mga templo itukod sa pagpanalangin sa mga Santos, sama sa gipangagna sa pagtubo sa Simbahan sa wala pay milenyum.

Tingali mangutana mo, “Asa gikan ang pinansyal nga mga kapanguhaan aron sa pagsangkap niining kalamboan?”



Daghang bag-ong mga nadiskobrehan makatabang sa pagpahinabo sa mga katuyoan ug buhat sa Dios ug aron sa pagpadali, lakip ang misyonaryo nga buhat, sa pagtukod sa Iyang gingharian dinhi sa kalibutan karon.

Ang mga kapanguhaan magagikan sa matinud-anong mga miyembro pinaagi sa ilang ikapulo ug mga halad. Samtang atong buhaton ang atong bahin, ang Ginoo mopanalangin kanato og kauswagan ug kaalam sa pag-focus sa mga butang nga mahinungdanon sa kinabuhi: “Apan maoy unaha ninyo pagpangita ang gingharian, ug ang pagkamatarung gikan sa Dios; ug unya kining tanang mga butanga igadugang ra kaninyo” (Mateo 6:33).

Busa sa pagkakaran, posible sa mubo nga panahon, maingon nga abli ang mga bintana sa langit nga “wala na unyay dapit nga igong kabutangan sa pagdawat niini” (Malaquias 3:10).

Nagtuo ko nga daghan sa mga young adult karon mahimong makadawat gayud niining temporal nga mga panalangin kon sila mosunod sa mga sugo sa Ginoo. Uban sa kauswagan moabut ang usa ka dakong hagit—usa ka hagit nga mosulay sa pundasyon sa ilang pagka-espirituhanon. Sa inyong pagsulod niining bag-ong kalibutan sa kauswagan ug sa paggamit sa inyong edukasyon ug mga kahanas aron magmalampuson sa pinansyal nga paagi, kanunay ninyong ilhon ang kalainan tali sa gusto lang ug sa mga panginahanglan.

Pangitaa Una ang Gingharian sa Dios

Kamo adunay duha ka pilihan. Ang inyo bang tinguha sa pagtukod ug pag-angkon sa mga panalangin sa Ginoo

alang lang sa personal nga katagbawan, aron maila sa katawhan, ug alang sa gahum, impluwensya, ug sa pagkamahitas-on sa kaugalingon? O ang inyo bang tinguha mao ang paghimaya sa Dios, sa pagtabang sa pagpalambo ug pagpalapad sa Iyang Simbahan?

Kadtong nagtinguha og mga katigayunan aron sa paglambo sa ilang kaugalingong garbo makakaplag nga ang ilang bahandi danlog ug dali nga mawala sa dili maalamong paagi (tan-awa sa Helaman 13:31). Ang kaayohan sa ilang mga kalag maanaa sa dakong kakuyaw. Si Jacob, usa ka masulundong manghud ni Nephi, nagpasidaan kanato:

“Ug ang kamot sa magbalantay mipahiyom diha kaninyo sa hilabihan nga kahimuot, nga kamo nakabaton og daghan nga mga katigayunan; ug tungod kay ang uban kaninyo nakabaton og labaw pa ka daghan kay sa inyong mga kaigsoonan kamo gibayaw sa garbo sa inyong mga kasingkasing, ug nagpakita og tikig nga mga liog ug taas nga mga ulo tungod sa kamahal sa inyong saput, ug midaug-daug sa inyong mga kaigsoonan tungod kay kamo nagtuo nga kamo labaw nga maayo kay kanila.

“. . . Nagtuo ba kamo nga ang Dios mohatag og kaangayan kaninyo niini nga mga butang? Tan-awa, ako moingon nganha kaninyo, Dili. Apan siya manghimaraut kaninyo, ug kon kamo magpadayon niini nga mga butang ang iyang mga paghukom kinahanglan gayud nga diha-diha moabut kaninyo.

“ . . . Ayaw himoa kini nga ang garbo sa inyong mga kasingkasing molaglag sa inyong mga kalag!” (Jacob 2:13, 14, 16).

Dayon gibutang ni Jacob sa tukmang panglantaw ang atong tinguha sa pag-angkon og katigayunan uban sa saad:

“Apan sa dili pa kamo mangita sa mga katigayunan, pangita kamo sa gingharian sa Dios.

“Ug human kamo makadawat og usa ka paglaum diha ni Kristo kamo makadawat og mga katigayunan, kon kamo mangita kanila; ug kamo mangita kanila sa katuyoan sa pagbuhay og maayo—sa pagsaput sa hubo, ug sa pagpakon sa gigutom, ug sa paghatag og kagawasan sa mga bihay, ug sa paghatag og kahupayan sa masakiton ug sa may mga kasakit” (Jacob 2:18–19).

Ang Ginoo wala magsulti nato nga kita dili angay mouswag o ang kauswagan usa ka sala. Hinoon, kanunay Niyang panalanginan ang Iyang masulundon nga mga anak. Apan Siya nagsulti nato nga magtinguha lang kita og kauswagan human kita motinguha, makakaplag, ug moserbisyo Kaniya. Dayon, tungod ang atong mga kasingkasing matarung, tungod kay gihigugma nato Siya og una ug labaw sa tanan, kita mopili sa paggamit sa atong mga katigayunan nga atong nakaangkon sa pagtukod sa Iyang gingharian.

Kon kamo mopili sa pagtinguha og mga bahandi para madatu, mapakyas mo. Dili mo makontento. Mobati mo og kahaw-ang, dili makakaplag sa tinuod ug mahangturing kalipay.

Ang pagsulay sa inyong hugot nga pagtuo sa sunod katuigan tingali dili ang kakulang sa materyal nga mga



PAGMAYA

“Bisan og ang unos nga mga pangandud magpundok, bisan og ang ulan mobundak kanato, ang atong kahibalo sa ebanghelyo ug ang atong gugma sa atong Langitnong Amahan ug sa atong Manluluwas mohupay ug molig-on kanato ug mohatag og kalipay sa atong mga kasingkasing

samtang kita maglakaw nga matarung ug mosunod sa mga sugo. Walay butang niining kalibutan nga makapildi kanato.

“Minahal kong mga kaigsoonan, ayaw kahadlok. Pagmaya. Ang umaabot sama kahayag sa inyong hugot nga pagtuo.”

President Thomas S. Monson, “Pagmaya,” *Liahona*, Mayo 2009, 92.

butang niining kalibutan. Apan sa pagpili kon unsay buhaton sa temporal nga mga panalangin nga inyong nadawat.

Sa mga batan-ong henerasyon karon, si President Ezra Taft Benson (1899–1994) miingon:

“Dul-an sa unom ka libo ka tuig, ang Dios miandam kaninyo aron matawo kamo sa katapusang mga adlaw sa dili pa ang ikaduhang pag-anhi sa Ginoo. . . .

“ . . . Ang Dios miluwas alang sa katapusang panahon sa pipila sa Iyang pinakalig-on . . . nga mga anak, kinsa motabang sa paghimo sa gingharian nga madaugon.”³

Si President Thomas S. Monson miingon, “Kamo ang pipila sa pinakalig-on nga mga anak sa atong Langitnong Amahan, ug Siya miandam kaninyo nga moanhi sa kalibutan ‘sa maingon niini nga panahona’ [Ester 4:14].”⁴

Aron mahimong importante nga bahin sa “kahibulongan nga buhat ug usa ka katingalahan” (2 Nephi 25:17) niining katapusang mga adlaw, kinahanglang itugyan ang inyong kabubut-on sa Dios, hingpit nga isalig ang tanan sa Iyang kabubut-on. Samtang kamo “mopadayon sa unahan uban ang pagkamakanunayon kang Kristo, magbaton sa usa ka hingpit nga kahayag sa paglaum, ug usa ka gugma sa Dios ug sa tanan nga mga tawo . . . magbusog sa pulong ni Kristo” (2 Nephi 31:20), magsiksik nga makugihon, mag-ampo kanunay, ug magtuo, dayon sama sa gisaad sa Ginoo, “ang tanan nga mga butang maghiusa sa paglihok alang sa inyong kaayohan” (D&P 90:24).

Ihalad ug Ipahinungod

Ako moawhag kaninyo nga mohimo og pasalig sa inyong kaugalingon ug sa Langitnong Amahan sa paghalad sa inyong kinabuhi ug sa pagpahinungod sa inyong panahon ug mga talento sa pagtukod sa Simbahan ni Jesukristo sa pagpaabut sa Ikaduhang Pag-anhi sa Manluluwas. Himoa nga ang tinguha sa inyong mga hunahuna ug lihok para sa paghimaya sa Dios ug sa pagpanalangin sa inyong isigkatawo. Himoa nga kining tinguha moawhag kaninyo matag buntag uban sa kadasig ug himoa nga kini modasig sa inyong mga hunahuna ug lihok sa tibuok adlaw.

Kon inyo kining buhaton, kamo mapanalanginan taliwala sa kalibutan nga nagkawalay klaro, ug kamo ug ang inyong mga minahal mahimong luwas ug malipayon. Wala kini nagpasabut nga kamo dili na moatubang og mga kalisdanan ug mga pagsulay, apan kini nagpasabut nga kamo makabaton og espirituhanon nga gahum sa pagdumala niini uban sa hugot nga pagtuo ug pagsalig sa Ginoo.

Ang katuyoan sa akong mensahe mao ang pagtabang kaninyo sa paglantaw sa inyong kaugmaon. Pagbaton og hugot nga pagtuo ug paglaum sa hayag nga kaugmaon

MGA PUNTO SA DOKTRINA

Kita magpabiling positibo sa umaabut kon kita:

- Aduna kanunay hugot nga pagtuo sa gahum sa Pag-ula ni Jesukristo.
- Unahon ang Langitnong Amahan sa atong kinabuhi.
- Ihalad ang atong kaugalingon ug ipahinungod atong panahon sa pagtukod sa gingharian sa Dios.



nga inyong atubangon. Ang batan-ong mga lalaki mao ang umaabut nga mga amahan; ang batan-ong mga babaye mao ang umaabut nga mga inahan ug tig-alima. Mag-uban kamo ang “kaliwatan nga pinili, ang kahugpungan sa mga harianong priesthood, ang nasud nga balaan, ang katawhan nga iyang kaugalingon sa Dios” (1 Pedro 2:9).

Alang sa mga lalaki ug babaye, usa sa inyong pinaka-prayoridad mao ang pagpangita sa inyong mahangturong kapikas kon wala pa kini ninyo himoa. Ang kaminyoon diha sa templo mosangkap ninyo og usa ka kapikas nga motabang ninyo nga magpabilin sa husto nga dalan padulong sa presensya sa atong Langitnong Amahan ug ni

Ginoong Jesukristo. Kinahanglan nga buhaton nato ang atong bahin sa pagpadayon sa pagpangandam alang sa Ikaduhang Pag-anhi. ■

Gikan sa pakigpulong sa gradwasyon nga gihatag didto sa Brigham Young University–Idaho niadtong Abril 6, 2012. Alang sa kompleto nga teksto sa Iningles, adtoa ang web.byui.edu/devotionalsandspeeches/speeches.aspx.

MUBO NGA MGA SULAT

1. Gordon B. Hinckley, “Living in the Fulness of Times,” *Liahona*, Ene. 2002, 6.
2. *Mga Pagtulun-an sa mga Presidente sa Simbahan: Joseph Smith*, (2007), 167.
3. Ezra Taft Benson, sa Thomas S. Monson, “Magmaisugon sa Pagbarug nga Mag-inusara,” *Liahona*, Nob. 2011, 62.
4. Thomas S. Monson, “Unta Kamo Adunay Kaisug,” *Liahona*, Mayo 2009, 127.



Mexico Mikayab

GIKAN SA MGA PANLIMBASUG
NGADTO SA KALIG-ON

Ang mga Santos sa Ulahing mga Adlaw sa Mexico mitukod sa ilang panulundon sa hugot nga pagtuo aron sa paghimo og maanindot nga kaugmaon sa ilang nasud.

Ni Sally Johnson Odekirk

Mga Magasin sa Simbahan

Niadtong Nobyembre 6, 1945, ang mga pag-ampo natubag sa dihang ang unang grupo nga Mexicano nga mga Santos sa Ulahing mga Adlaw miabut sa Mesa Arizona Temple aron sa pagdawat sa mga ordinansa sa templo sa ilang lumad nga pinulongan. Si José Gracia, presidente kaniadto sa Monterrey Branch miingon, “Kami mianhi sa paghimo og mahinungdanong buhat para sa among kaugalingon ug sa among mga amahan. . . . Tingali daghan namo nagsakripisyo, apan ang among gibuhad wala makawang. Nalipay mi nga amo kining gibuhad.”¹

Si President Gracia ug kadtong mibiyahе sa templo misunod sa mga lakang sa unang mga pioneer nga Mexicano nga Santos sa Ulahing mga Adlaw, kinsa misakripisyo usab para sa gipahiuli nga ebanghelyo.

Nagpahimutang sa Tukuranan

Usa ka lugar nga daghan og kabukiran, disyerto, kala-sangan, ug sa nindot kaayong mga baybayon, ang karaang Mexico panimalay sa katawhan nga nagtukod og nindot nga mga templo ug siyudad. Sulod sa daghang siglo, ang mga Mexicano nakatukod og lig-ong pundasyon sa hugot nga pagtuo ug pag-ampo nga nakatabang kanila atol sa lisud nga mga panahon.

Samtang ang mga Santos nag-establisar sa Simbahan didto sa Utah, ang mga Mexicano nagtrabaho sa pag-usab sa ilang katilingban, lakip ang pagsulat sa bag-ong konstitusyon nga nagbuwag sa simbahan ug estado. Ang ebanghelyo gisangyaw sa Mexico niadtong 1876 uban sa unang mga misyonaryo, kinsa nagdala og mga piniling mga basahon diha sa Basahon ni Mormon, nga ilang gipadala



Si President George Albert Smith mibisita sa Mexico ug mitabang sa paghiusa sa mga miyembro samtang iyang gitabangan ang Third Convention.

1810: Ang Mexico mi-pahayag sa kagawasan ug nahimong gawason niadtong 1821 human sa 300 ka tuig ubos sa pag-mando sa Espanyol.

1830: Gimantala ang Basahon ni Mormon ug ang Simbahan naorganisar didto sa Palmyra, New York, USA.



1846–1848: Mexicano-Amerikano nga Gubat; Ang mga Mormon pioneer nag-puyo sa Kasadpan sa Estados Unidos.



1857–61: Gibag-o ni President Benito Juárez ang panggobyerno sa Mexico ug giestablisar ang kagawasan sa relihiyon.

ngadto sa inilang mga lider sa Mexico. Misunod ang daghang bunyag.

Atol sa usa ka espesyal nga komperensya sa Simbahan nga gipahigayon niadtong Abril 6, 1881, ang branch president nga si Silvano Arteaga, pipila ka lokal nga mga lider, ug si Apostol Moses Thatcher (1842–1909) misaka sa bulkan nga Mt Popocatepetl. Dayon gipahinungod ni Elder Thatcher ang yuta alang sa pagsangyaw sa ebanghelyo.

Sa komperensya si President Arteaga nag-ampo, ug si Elder Thatcher misaysay: “Mga luha midagayday sa iyang nangunot nga aping, alang sa kaluwasan sa iyang kalawat ug mga katawhan . . . Wala koy nadunggang tawo nga mas matinguhaong nag-ampo kaysa kaniya, ug bisan tuod nag-ampo sa pinulongan nga dili ko kasabut, apan akong nasabtan pinaagi sa Espiritu, ang tanan niyang gipangamuyo.”²

Niining panahona, daghang mga branch sa Mexico ang na-establisar sa dapit. Si Desideria Yañez, usa ka tigulang nga biyuda sa estado sa Hidalgo, nagdamgo mahitungod sa pamphlet ni Parley P. Pratt nga *A Voice of Warning [Usa ka Tingog sa Pasidaan]*. Iyang gipaadto ang iyang anak

nga lalaki sa Siyudad sa Mexico aron sa pagkuha og kopya sa pamphlet, nga bag-o lang gihubad ngadto sa Spanish. Namiyembro siya sa Simbahan niadtong 1880, nahimong pinakaunang miyembro nga babaye sa Simbahan didto sa Mexico.³

Sukad niadtong panahona daghang mga miyembro sa Simbahan sa Mexico nagpabiling matinud-anon sulod sa mga dekada nga rebolusyon, pagpanglutos, kalisud, ug pagsalikway.⁴

Mga Ehemplo sa Matinud-anong mga Pioneer

Usa ka ehemplo niining pagkamatinud-anon makita diha sa branch sa San Pedro Martir, giorganisar niadtong 1907. Ang unang mga miyembro nagpundok sa habagatang dapit sa Siyudad sa Mexico sa usa ka adobe building [building nga hinimo sa beka] nga gitukod sa bag-ong nabunyagan nga si Agustin Haro, kinsa gitawag sa pagdumala sa branch. Atol sa lisud nga katuigan sa Mexican Revolution, sa dihang dili mominus nga usa ka milyon ka mga Mexicano gipamatay, daghang mga Santos midangop sa San Pedro samtang ang ilang estado nahimong



panggubatan. Ang mga suster sa Relief Society sa San Pedro mialagad pag-ayo niining mga milalin [refugee].⁵

Ang mga miyembro napanalanginan usab og mapahinungurong mga lider sama ni Rey L. Pratt. Gitawag isip president sa Mexico Mission niadtong 1907, siya nangalagad niana nga calling hangtud nga siya namatay niadtong 1931. Siya naganahan og maayo sa kasaysayan, kultura, ug sa katawhan sa Mexico ug naangkon ang ilang gugma ug pagsalig samtang sila nagtinabangay sa paglig-on sa pundasyon sa Simbahan didto. Ang mga paningkamot ni President Pratt sa paglig-on sa lumad nga mga lider sa Simbahan sa Mexico napamatud-ang

sa templo.⁷ Niadtong 1943 gisugdan ang mga paningkamot aron ang mga panalangin sa templo maanaa sa mas daghang miyembro. Human sa miting uban sa lokal nga mga lider sa Simbahan sa Arizona, USA, si Elder Joseph Fielding Smith (1876–1972), kaniadto sakop sa Korum sa Napulog Duha ka mga Apostoles, miingon, “wala koy nakitang rason nganong Iningles ra gyud ang gamiton sa sesyon sa templo.”⁸ Sila si Elder Antoine R. Ivins sa Seventy ug Eduardo Balderas sa translation department sa Simbahan gihangyo nga hubaron ang mga ordinansa sa templo ngadto sa Spanish. Kini nga paghubad nakatabang sa pagtukod og mga templo sa ubang bahin sa yuta.⁹



KATAWHAN NGA GIPANGGA SA GINOO

“Kinsa ang magduhaduha nga gikan sa kasamtangan nga panlimbasug maggagikan ang mas lig-on ug mas maayo nga Mexico. . . . Ang paagi [ma]andam aron matudlo ang tinuod nga Ebanghelyo ngadto sa mga katawhan niana nga yuta, ang Ebanghelyo nga makapaluwas kanila ug nakapahimo kanila nga pinangga sa Ginoo.”¹⁷

Rey L. Pratt, president sa Mexico Mission atol sa Mexican Revolution

1875: Mga porsyon sa Basahon ni Mormon gihubad ngadto sa Spanish ug giimprinta.

1876: Unang mga misyonaryo mipanaw ngadto sa Mexico.



1881: Espesyal nga komperensya gipahigayon; gipahinungod ni Apostol Moses Thatcher ang yuta para sa misyonaryo nga buhat.



1885: Kolonya sa Mormon giestablisar diha sa Mexico.

1886: Kompleto nga teksto sa Basahon ni Mormon gimantala sa Spanish.

importante ilabi na niadtong 1926 sa dihang ang gobyerno sa Mexico misugod sa pagpatuman sa balaod nga nagpugong sa mga dili lumad sa pagdumala sa mga kongregasyon sa Mexico.⁶ Niining panahona gimugna sa usa ka grupo sa mga miyembro ang gitawag og Third Convention ug misugod sa pagtawag og ilang mga lider ug mitukod og mga meetinghouse.

Nagtukod sa Pundasyon

Si Arwell L. Pierce gitawag isip president sa Mexican Mission niadtong 1942. Gigamit ang iyang mga kasinatian samtang nagtubo sa Chihuahua ug nagserbisyo og misyon sa Mexico, si President Pierce mitabang uban sa gugma ug pagsabut samtang siya mitudlo, milig-on, ug mihiusa sa mga miyembro. Nakig-alayon usab siya sa mga miyembro sa Third Convention sa pagsulbad sa ilang mga problema.

Usa sa mga tumong ni President Pierce mao ang pagtabang sa mga miyembro nga makaadto

Ang unang mga miyembro kanunay misakripisyo og maayo alang sa ebanghelyo.





USA KA MAKAPAHINGANGHA NGA KAUGMAON

“Sa akong hunahuna ang kaugmaon sa Simbahan diha sa Mexico makapahingangha sa tanan, bisan niadtong apil na niini. Ang mga Mexicano pamilyar kaayo sa katilingban nga ilang gipuy-an, ug adunay pipila ka butang niini nga dili nila gusto. Ilang gilantaw unsa ang mahimo sa ebanghelyo; gusto nila kini, ug andam nila kining sakripisohan.”¹⁸

Elder Daniel L. Johnson,
Mexico Area President

Uban sa seremonya sa templo nga anaa usab sa Spanish nga pinulongan diha sa Mesa Arizona Temple ug sa pagbisita sa Presidente sa Simbahan nga si George Albert Smith (1870–1951) sa Mexico niadtong 1946 aron sa paghiusa sa mga Santos sa Mexico,¹⁰ ang Simbahan misugod sa paglambo sa paagi nga anaa lang sa hunahuna sa unang mga henerasyon. Bag-ong mga misyon ug mga stake gimugna sa tibuok nasud, ug ang mga eskwelahan nga gipasiugdahan sa Simbahan miawhag og edukasyon.

Niadtong 1964 gipahinungod sa Simbahan ang El Centro Escolar Benemérito de las Américas, usa ka eskwelahan nga nagserbisyo

counselor, pipila ka Apostoles ug ubang mga lider. Ang Tabernacle Choir mipasundayag didto, nakadugang sa espirituhanong pagkabusog. Ang mga nanambong sa komperensya nakasulti, “Sobra pa kini sa amo gyud nga gihunahuna—usa ka komperensya sa amo mismong yuta.”¹³

Ang mga 1970 usa ka mahinamon nga panahon sa pagtubo sa Mexico. Niadtong 1970 dihay dul-an na sa 70,000 ka mga miyembro sa nasud; sa hapit matapos ang usa ka dekada dul-an na sa 250,000 ka mga miyembro. Tulo ka tuig human sa area conference, si Elder Howard W. Hunter (1907–95) mibuak sa tulo ka stake aron sa pagmugna og 15 ka stake

1889: Mipahawa ang mga misyonaryo gikan sa central Mexico.

1901: Gibalik ang pag-proselyte sa Siyudad sa Mexico.

1910: Nag-sugod ang Mexican Revolution.



1912: Milalin ang mga kolonya sa Mormon, sa amihanang Mexico.

1913: Mipahawa ang mga misyonaryo tungod sa rebolusyon; ang mission president nga si Rey L. Pratt nangulo sa Simbahan sa Mexico pinaagi sa sulat ug nagkig-alayon sa mga tawo nga makasulti og Spanish didto sa Estados Unidos.

sa mga panginahanglan sa edukasyon, sosyal, espiritwal, ug pagpangulo sa mga miyembro hangtud nga gihimo kining missionary training center niadtong 2013.¹¹ Si Sister Lorena Gómez-Alvarez, kinsa migradwar niining eskwelahan, miingon, “Ang Benemérito nakatabang nako sa pagdiskobre ug paglambo sa akong mga talento ug sa pag-angkon og background ug kahibalo sa ebanghelyo nga nakapanalangin sa akong kinabuhi. Karon makatabang kini sa mga misyonaryo sa pagpakatap sa ebanghelyo ug makapanalangin gihapon sa kinabuhi sa mga katawhan, sa lain lang nga paagi.”¹²

Panahon sa Paglambo


Ang 1972 Mexico City area conference laing dako nga kausaban sa pagtubo sa Simbahan. Ang mga miyembro mibiyaha og layo kaayo aron makadungog ni President Harold B. Lee (1899–1973), iyang mga

sa usa lang ka semana, nagtawag sa daghang mga batan-ong Mexicano nga miyembro isip mga lider.¹⁴

Gipalapdan usab ang misyonaryo nga buhat niining panahona. Ang Mexico Mission, opisyal nga nagsugod niadtong 1879, gibuak sa unang higayon niadtong 1956; karon ang Mexico adunay 34 ka misyon.¹⁵ Si Brother Jorge Zamora, kinsa nag-misyon sa Mexico City North Mission niadtong mga 1980, nakasaksi sa pagtubo. Nahinumdom siya sa usa ka dapit sa iyang misyon diin ang mga miyembro kinahanglang mobiyaha og usa ka oras aron makasimba; karon aduna nay stake didto. Siya miingon, “Natingala gyud ko sa paagi ang Ginoo molihok sa pagtukod sa Simbahan, dili igsapayan ang nasud o kultura.”

Daghang mga Templo sa Nasud

Ang mga miyembro sa Mexico ganahan sa makaluwas nga mga ordinansa sa templo ug





Ang mga Mexicanong miyembro miapil sa mga proyekto sa komunidad. Kini nga mga miyembro nananom og mga kahoy niadtong 2007.

AGRÍCOL LOZANO HERRERA: UNANG MEXICANO NGA STAKE PRESIDENT

Si Agrícol Lozano Herrera usa ka batan-on nga miyembro sa Simbahan sa dihang nadungog niya si President Spencer W. Kimball (1895–1985), niining higayona sakop pa sa Korum sa Napulog Duha ka mga Apostoles, nag-awhag sa mga miyembro sa Mexico sa pag-angkon og edukasyon aron makatabang sa paglig-on sa ilang nasud.

Si Brother Lozano mihukom nga mahimong abogado ug mahimong manlalan para sa lumad nga mga tawo sa iyang nasud. Siya usab ang chief counsel sa Simbahan diha sa Mexico ug miserbisyo isip unang Mexicano nga stake president, isip mission president, isip regional representative ngadto sa Napulog Duha, ug isip president sa Mexico City Temple.¹⁹



1921: Ang mga misyonaryo gipabalik na sa dapit sa Siyudad sa Mexico.

1926: Ang pagkanasyonalismo sa mga Mexicano nakapahawa sa tanang langyaw nga lider sa bisan unsang Simbahan.

Mga 1930: Ang lokal nga mga lider nakapadayon sa kalig-on sa Simbahan didto sa Mexico.



1945: Ang mga seremonya sa Templo gihubad ngadto sa Spanish; pagsugod og mga pagbiyahe ngadto sa Mesa Arizona Temple.



andam nga mohimo og dakong sakripisyo sa panahon ug kwarta aron sa pagsimba didto. Sobra lang sa 100 ka tuig human si Elder Thatcher mipahinugod sa yuta alang sa pag-sangyaw sa ebanghelyo, usa ka templo natukod sa Siyudad sa Mexico. Ang open house niadtong 1983 nakatabang sa Simbahan nga mailhan diha sa Mexico samtang liboan ang mibisita sa templo ug mihangyo og dugang nga impormasyon. Sulod sa 30 ka tuig, dugang 11 ka templo ang gipahinugod sa tibuok nasud, ug adunay usa nga gitukod pa.


Si Isabel Ledezma nagtubo sa Tampico ug nakahinumdom sa dihang ang iyang ginikanan na-sealed sa Mesa Arizona Temple. “Mokabat og duha ka adlaw sa pagbiyahe ngadto sa Arizona ug mahal kaayo,” miingon siya. “Sa dihang gipahinugod ang Mexico City Mexico Temple, ang distansya napamuban og 12 ka oras kon mag-sakay. Karong aduna nay templo sa Tampico, kanunay na kaming makatambong.”

Si Limhi Ontiveros, kinsa miserbisyo isip president sa Oaxaca Mexico Temple gikan 2007 hangtud 2010 miingon, “Kadtong adunay lawom, malungtarong pagpamatuod sa ebanghelyo mangita og paagi nga makaabut, bisan pa sa mga hagit sa distansya ug pinansyal, ug ilang makita nga ang templo usa ka banwag sa proteksyon.”

Si Sister Ledezma midugang, “Gikinahanglan nato ang Espiritu sa atong mga siyudad, ug ang templo makatabang. Kon kita adunay mga problema, kon kita nasubo, ang templo duol lang ug kita makakaplag og kalinaw didto.”

Pagbuntog sa Kalisdanan

Ang mga Mexicanong miyembro nag-atubang sa komon nga mga hagit ug pagtintal, apan sila nasayud nga sila ug ang ilang isig ka Santos nga anak sa mahigugmaong Amahan; ang ekonomikanhon ug sosyal nga kahimtang dili importante kon unsaon nila pagtagad ang usag usa.



Ang pamilyang Mendez nagpuyo sa gamayng lungsod sa bukid nga duol sa siyudad sa Oaxaca, sa habagatang Mexico. Sila miingon, “May mga hagit sa panahon, panalapi, ug gilay-on, apan ang kabubut-on sa pagbuhat unsay gusto sa atong Manluluwas nga among buhaton nagdasig namo sa pagbuntog sa bisan unsang babag.”

Si Gonzalo Mendez, 15 anyos, miingon, “Kon nagpuyo mo sa dapit diin adunay kakuyaw, ang mga tintasyon mahimong lisud kaayo, apan uban sa tabang sa pag-ampo dili kita mapadala sa mga lingla sa kalibutan, ug kita mobarug isip mga saksi sa mas maayo nga paagi sa kinabuhi.”

angay, sila maminaw kaniya. Sila si Jaime ug Alex nasayud nga ang paghupot sa priesthood usa ka pasidungog ug responsibilidad. “Nasayud ko nga ang priesthood gihatag ngadto sa batan-ong mga lalaki aron sa paghimaya sa pangalan sa Dios pinaagi sa pagserbisyo sa uban ug sa pagsangyaw sa ebanghelyo,” miingon si Jaime.

Atol sa bag-ohay nga pagbisita sa Mexico, si Elder Neil L. Andersen sa Korum sa Napulog Duha ka mga Apostoles nakighimamat sa mga kabatan-onan gikan sa tulo ka mga stake sa siyudad sa Cancun. Sa iyang panahon uban sa mga kabatan-onan, siya miingon, “Among nakita ang kahayag diha sa ilang mga mata ug

1946: Mibisita si President George Albert Smith sa Mexico.



Mga 1950: Nagmugna og mga district ug branch hapit sa tanang estado sa Mexico.

1961: Namugna ang Mexico City Stake nga si Harold Brown mao ang president.



1964: Giablihan ang Benemérito School sa Siyudad sa Mexico.

1967: Ang Ikaduha nga stake sa Siyudad sa Mexico giorganisar; si Agricol Lozano Herrera gitawag isip unang stake president nga Mexicano.

1972: Area Conference sa Siyudad sa Mexico.


Paglantaw sa Umaabut

Ang ebanghelyo dugay nang naestablisar sa Mexico, apan anaa gihapoy mga dapit diin ang Simbahan nagtubo pa. Si Jaime Cruz, 15 anyos, ug ang iyang pamilya mao lang ang miyembro sa Simbahan sa ilang gamayng lungsod sa kabukiran ibabaw sa Siyudad sa Oaxaca. Siya ug ang iyang higala si Gonzalo nag-home-study para sa seminary sulod sa semana. Matag Sabado sila mobiyahe og duha ka oras sakay sa bus aron sa pag-adto sa pinakaduol nga chapel para sa klase sa seminary kauban ang laing mga kabatan-onan sa ilang ward. Si Jaime mopakigbahin sa iyang nakat-unan sa seminary ngadto sa iyang mga klasmeyt sa eskwelahan ug motubag sa ilang mga pangutana. Ang manghud ni Jaime, si Alex, usa ka deacon, lider sa iyang mga higala. Miingon si Alex nga sa dihang siya mihangyo nila nga dili mogamit og ngil-ad nga pinulongan o magsul-ob og sinina nga dili

paglaum sa ilang mga dagway ug ang ilang mga damgo. Kanunay kong naghunahuna kon unsa kanindot ang umaabut sa Mexico.”¹⁶ ■


MUBO NGA MGA SULAT

1. Henry A. Smith, “200 Lamanites Gather in History-Making Conference, Temple Sessions,” *Church News*, Nob. 10, 1945, 8.
2. Moses Thatcher, sa *Moses Thatcher Journal, 1866–1868*, 54.
3. Tan-awa sa Brittany A. Chapman ug Richard E. Turley Jr., *Women of Faith in the Latter Days*, vol. 1, 1775–1820, 461–470.
4. Tan-awa sa Orson Scott Card, “It’s a Young Church in . . . Mexico,” *Ensign*, Feb. 1977, 17–24.
5. Tan-awa sa Kirk Henrichsen, “Mexican Mormon Pioneers,” usa ka exhibit niadtong 2010 didto sa Mexico City Mexico Temple Visitors’ Center.
6. Tan-awa sa Gerry R. Flake, “Mormons in Mexico: The First 96 Years,” *Ensign*, Sept. 1972, 20–21.
7. F. LaMond Tullis, “A Shepherd to Mexico’s Saints: Arwell L. Pierce and the Third Convention,” *BYU Studies* vol. 37, nu. 1 (1997): 127–151.
8. Tan-awa sa Eduardo Balderas, “Northward to Mesa,” *Ensign*, Sept. 1972, 30.
9. Tan-awa sa Eduardo Balderas, “Northward to Mesa,” 30–31.





PAGLAMBO SA SIMBAHAN DIHA SA MEXICO



Mga Templo:

12 ug ang 1
gipahibalo didto
sa Tijuana

Mga Stake: 222

Mga District: 36

Mga Ward ug

mga Branch:

2,000

Mga Misyon: 35

*Kutob sa Hunyo 2013

1975: 12 ka
bag-ong stake
naorganisar sa
pipila ka mga
dapit sa Mexico.



1983: Gipahinungod
ang Mexico City
Temple.

1993: Ang
Simbahan
legal nga giila
sa Mexico.

2000: Siyam ka gagmay
nga mga templo ang
gipahinungod.



2009: Pulos
Mexicano nga
Area Presidency
gitawag sa
unang higayon.



2013: Ang missionary training
center sa Siyudad sa Mexico
giablihan.

- Tan-awa sa "The Church Moves On," *Improvement Era*, July 1946, 446; John D. Giles, "Father Lehi's Children," *Improvement Era*, Sept. 1946, 556.
- Tan-awa sa Joseph Walker, "Missionary surge prompts LDS Church to open new MTC in Mexico," *Deseret News*, Ene. 30, 2013, www.deseretnews.com.
- Kini nga kinutlo ug ang sunod-sunod nga mga kinutlo gikan sa kasamtangang mga miyembro sa Simbahan didto sa Mexico sa ilang interbyu uban sa tagsulat niadtong Feb. 7, 2013.
- Sa Jay M. Todd, "The Remarkable Mexico City Area Conference," *Ensign*, Nob. 1972, 88.
- Tan-awa sa Eleanor Knowles, *Howard W. Hunter* (1994), 202.
- Tan-awa sa Don L. Searle, "One Million in Mexico," *Ensign*, Hulyo 2004, 34; Kristine Miner, "The Church in Oaxaca, Mexico," *Ensign*, Abr. 2001, 78.
- Gikan sa usa ka interbyu uban sa Audiovisual Department, Abril 2012.
- Rey L. Pratt, sa *The Young Woman's Journal*, vol. 25, nu. 9 (1914), 539.
- Gikan sa usa ka interbyu uban sa tagsulat niadtong Abr. 5, 2013.
- Tan-awa sa "Agricol Lozano Herrera: Mexican Mormon Church Leader," <http://mittromneymormon.net/meet-some-mormons-2/meet-some-mormons-2/agricol-lozano-herrera-mexican-mormon-church-leader>.



Ang mga estudyante sa seminary sa
Oaxaca nalingaw nga mag-uban.



Joseph Fielding Smith

MATINUORON UG MATINUD-ANON

Inspirasyon gikan sa Kinabuhi ug mga Pagtulun-an ni
JOSEPH FIELDING SMITH

Ni Hoyt W. Brewster Jr.


Sa dihang ang 33 anyos nga si Joseph Fielding Smith misulod sa Salt Lake Tabernacle niadtong Abril 6, 1910, aron sa pagtambong sa kinatibuk-ang komperensya, usa ka usher miingon niya, “Nan Joseph, kinsa ang bag-ong apostol?”

“Wala ko kahibalo,” mitubag si Joseph. “Apan dili ikaw ug dili ako!”¹

Samtang ang mga ngalan sa Napulog Duha ka mga Apostoles gibasa alang sa pagpaluyo, sa kalit lang si Joseph nakadawat og impresyon nga ang iyang ngalan maoy sunod nga isulti. Mao gyud, ug dayon siya gipaluyohan isip ika-12 nga tawo sa halangdong korum.

Ang pagkamapainubsanon ug pagkakomedyante ni Joseph nakita sa dihang miuli siya gikan sa komperensya aron sa pagpahibalo sa iyang pamilya sa iyang bag-o nga calling. Iyang gisugat iyang asawa niining makapalibug nga pahayag: “Tingali ato nang ibaligya ang baka,” miingon siya. Sa walay duha-duha, nasurprisa ang iyang asawa samtang nagpaabut og dugang pagpasabut. Mao kini iyang yano nga tubag, “Wala na koy panahon sa pag-atiman niini!”² Sa ingon misugod ang apostolikanhong pangalagad nga milungtad og sobra sa unom ka dekada.

Apo ni Hyrum Smith, si Joseph Fielding Smith mao ang ika-10 nga Presidente sa Simbahan ni Jesukristo sa mga Santos sa Ulahing mga Adlaw. Mas dugay siyang nagserbisyo isip sakop sa Korum sa Napulog Duha ka mga Apostoles sa wala pa siya gitawag isip Presidente sa Simbahan kay ni bisan kinsang Presidente sa Simbahan. Atol sa iyang 60 ka tuig isip sakop niana nga korum sa linain nga saksi, sa sinugdanan mobiyahe siya sakay lang sa kabayo ug karwahe ug sa wala madugay mogamit na sa awto ug jet plane aron sa pagtudlo sa mga Santos. Ang Iyang mga wali ug daghang mga sinulat mipanalangin sa Simbahan ug sa tanan nga naminaw sa iyang dinasig nga mga mensahe.



“Kita magmatinuoron ug magmatinud-anon kanunay, uban sa tinguha sa pagsunod sa mga sugo sa Ginoo ug motahud Kaniya ug mohinumdom sa mga pakigsaad nga atong gihimo ngadto Kaniya.”



Gidapit ko sa pagsulat niining artikulo tungod sa akong relasyon ni President Joseph Fielding Smith, kinsa mapinanggaon nakong gitawag nga Granddaddy. Natandog ko sa iyang kinabuhi sukad pa sa akong pagkawatawo, sa dihang siya ang mipahigayon sa ordinansa sa paghatag nako og ngalan ug panalangin, hangtud sa iyang kamatayon, sa dihang usa ko sa mga apo nga mga lalaki kinsa mialsa sa lungon atol sa iyang lubong.

Giorden nang Daan nga Propeta

Sama sa ubang mga propeta sa Dios, si Joseph Fielding Smith giorden nang daan nga matawo sa kalibutan sumala sa balaang panahon sa Ginoo (tan-awa sa Mga Buhat 17:26). Si Joseph mao ang ikaupat nga anak apan ang unang anak nga lalaki ni Julina Lambson Smith. Sama sa mapainubsanong diwa sa matinud-anong inahan diha sa Daang Tugon nga si Ana (tan-awa sa 1 Samuel 1:11), si

Julina misaad nga kon ang Ginoo mohatag kaniya og usa ka anak nga lalaki, “iyang buhaton ang tanan sa pagtabang kaniya nga mapuslan sa Ginoo ug sa iyang amahan.”³ Wala lang gitubag sa Ginoo ang iyang pangamuyo apan gipakita usab ngadto kaniya, sa wala pa matawo ang iyang anak, nga ang bata sa umaabut tawagon sa pagserbisyo isip usa sa Iyang linain nga saksi sa Korum sa Napulog Duha ka mga Apostoles.⁴

Si Joseph natawo niadtong Hulyo 19, 1876, ngadto ni Joseph F. ug Julina Lambson Smith. Sa panahon nga natawo si Joseph, ang iyang amahan usa ka Apostol ug counselor ni President Brigham Young. Sa dihang si Joseph siyam na ka bulan, gidala siya sa iyang mga ginikanan sa pagpahinungod sa St. George Utah Temple. Sa wala madugay siya nangomedyas, “Ang akong unang buluhaton sa simbahan mao ang pag-uban ni Brigham Young sa pagpahinungod sa St. George Temple.”⁵

Sa dihang nadawat ni Joseph ang iyang patriyarkal nga panalangin sa edad nga 19, usa ka dinasig nga patriarch mipandong sa iyang mga kamot diha sa ulo ni Joseph ug mipahayag: “Imong pribelihiyo nga mabuhi og dugay ug kabubut-on sa Ginoo nga ikaw mahimong gamhanan nga tawo sa Israel . . . Ikaw mobarug taliwala sa katawhan isip usa ka propeta ug tigpadayag ngadto kanila, kay ang Ginoo mipanalangin ug miorden kanimo niini nga calling.”⁶

Kinabuhi sa Pamilya: Hiniusa sa Gugma ug mga Pagsulay

Alang kang Joseph Fielding Smith, “ang pamilya mao ang labing importanting organisasyon karon o sa kahangturan.”⁷ Nagdako siya sa usa ka pamilya nga giniyahan sa gugma, hugot nga pagtuo, taas og mga

Ibabaw: Kining litrato sa batan-ong Joseph Fielding Smith gibutang sa Biblia sa iyang mga ginikanan. Sa tuo: Si Joseph nalingaw nga nakigdula og handball sa iyang igsoong lalaki si David. Sa ubos: Si Elder Smith (ikaduha gikan sa wala) apil ang kaubang mga misyonaryo sa England, 1901. Ang litrato sa pikas pahina panahon usab sa iyang pag-misyon. Ubos, sa tuo: Si Elder Smith (wala) uban sa iyang mga kaubang Apostol sila George Albert Smith ug Israel Smith, 1936.



sumbanan sa moral, ug maku-gihon sa pagtrabaho, ug siya kanunay nagtinguha nga ang maong mga baruganan masunod mismo sa iyang pamilya (Tan-awa sa mga kapitulo 4, 15 ug 16 sa *Mga Pagtulun-an sa mga Presidente sa Simbahan: Joseph Fielding Smith.*)

Iyang giminyoan si Louie Emily Shurtliff sa Salt Lake Temple niadtong 1898. Paglabay sa usa ka tuig siya gitawag nga mag-misyon sa Great Britain sulod sa duha ka tuig ug matinud-anong gisuportahan sa iyang asawa. Sa iyang pag-uli, nag-uban na usab silang duha ug napanalangin og duha ka anak nga babaye. Subo lang, atol sa lisud kaayo nga pagmabdos sa ikatulong anak si Louie namatay.

Sa iyang kasubo si Joseph nag-ampo, “Tabangi ko, nag-ampo ko Kanimo, nga ako magpakabuhi nga takus sa pakighimamat sa akong asawa sa mahangturong himaya, aron ikauban siya pag-usab, dili na gayud magkabulag . . . Tabangi ko nga makaatiman sa bililhon nakong mga anak nga magpabilin silang putli ug walay buling sa tibuok nilang kinabuhi.”⁸

Sa pag-awhag sa iyang amahan, ang nagsubo nga amahan sa duha ka bata mainampoong nagtinguha og asawa ug inahan para sa iyang mga batang anak. Ang Iyang matarung nga tinguha napanalangin sa dihang si Ethel Georgina Reynolds miabut sa iyang kinabuhi. Naminyo sila niadtong Nobyembre 1908 sa Salt Lake Temple. Kining talagsaon nga babaye nahimong inahan sa unang duha ka anak nga babaye ni Joseph ug sa wala madugay nanganak og siyam pa ka bata.

Kausa, naghunahuna og maayo ang Apostol sa kabug-at sa palas-unon sa iyang asawa kon siya mobiyahe para sa komperensya sa stake. Siya misulat kaniya: “Ako naghunahuna kanimo ug nanghinaut nga kanunayng makauban ka sa sunod pipila ka semana, aron sa pagtabang kanimo. Tabangan tikaw kutob sa akong mahimo, ug nanghinaut nga imong *mabati* ang akong impluwensya. Tudloi ang mga bata nga magmabination kanimo ug sa usag usa.”⁹



Iya dayong gipakigbahin ang iyang lalum nga pagbati sa iyang kasingkasing diha sa usa ka balak, nga sa wala madugay nahimong usa sa atong mga himno, “Does the Journey Seem Long? [Halayo Pa Ba ang Panaw?!]” (nu. 127).

Subo lang, si Ethel namatay niadtong 1937. Panahon sa iyang kamatayon, adunay lima ka mga bata ang wala pa maminyo. Si Elder Smith nadasig sa pagpangita og lain nga asawa ug kauban. Niadtong 1938 iyang giminyoan si Jessie Evans Smith sa Salt Lake Temple.

Usa ka tawo kinsa nakaila kaayo kanila misulat: “Bisan pa sa diperensya sa ilang edad nga baynte sais anyos ug sa kalahi sa kinaiya, kaagi ug

pagbansay, si Joseph Fielding ug Jessie Evans Smith nagkasinabot ra . . . Ang butang nga nagsumpay sa dakong kalainan niining duha ka mga personalidad mao ang tinuod nga gugma ug pagtahud sa usag usa.”¹⁰ (Tan-awa sa mga pahina 7–28 sa manwal.)

Usa ka Tigtinguha og Kahibalo pinaagi sa Pagtuon ug Hugot nga Pagtuo

Si Joseph Fielding Smith inila sa Simbahan isip usa ka batid sa kasulatan [scriptorian] ug eskolar sa ebanghelyo. Sukad pa sa iyang pagkabatan-onan, siya adunay usa ka dili mapugngan nga tinguha sa “[pagpangita sa] pagtulun-an, gani pinaagi sa pagtuon ug usab pinaagi sa hugot nga pagtuo” (D&P 88:118). Kaduha niya nabasa ang Basahon ni Mormon sa wala pa siya mag-10 anyos. Kon ang iyang mga higala mingawon kaniya, siya ilang makit-an sa hayloft nga nagbasa sa mga kasulatan.¹¹

Siya misulti sa kongregasyon mga pipila ka tuig ang milabay “sa unang higayon nga ako makabasa, mas nalipay ko ug dunay dakong katagbawan sa pagtuon sa mga kasulatan . . . kay sa bisan unsang butang sa tibuok kalibutan.”¹² (Tan-awa sa mga kapitulo 10 ug 18.)

Kausa si President Heber J. Grant (1856–1945) midayeg sa pagka-eskolar ni President Smith pinaagi sa pag-ingon,



Ibabaw: Si President Smith uban sa iyang mga anak nga lalaki. Ibabaw sa tuo: si Elder Smith gitimbaya ni President David O. McKay, 1961. Sa tuo: Si President Smith naglingkod sa atubangan sa Salt Lake Tabernacle. Sa ubos: Si President Smith nagpalitrato sa usa ka dula sa baseball, usa ka dula nga ganahan niyang dulaon isip batan-on.



“Ikaw akong gikonsiderar nga pinakabatid sa kasulatan sa mga General Authority sa simbahan nga anaa kanato.”¹³

Ang iyang kauhaw sa pagkat-on wala magpasabut nga dili siya moapil sa sport ug mga dula isip usa ka batang lalaki o gani isip usa ka hamtong. Malingaw siyang magdula og baseball ug sa daghang mga dula nga dulaon sa mga kabatan-onan nga nagpuyo sa mga umahan. Isip usa ka hamtong siya nahimong maabtik nga handball player ug kanunayng motambong sa mga dula sa sports sa iyang mga anak. Siya usab miapil sa mga sport sa reunion sa pamilya. Mawili kong makahinumdon sa usa ka softball game sa dihang ang akong lolo nakaigo sa bola nga paspas ug diretsong milupad [line drive] nga miigo sa kamera sa usa ka uyoan nga nagkuha og mga litrato gikan sa left field.

Usa ka Maloloy-ong Tigpanalipod sa Tinuohan

Bisan sa wala pa ang iyang calling isip usa ka Apostol, si Joseph Fielding Smith nailhan isip usa ka tigpanalipod sa tinuohan, nga usahay masaypan siya nga strikto nga tawo. Bisan tuod

walay puas ang iyang tinguha nga magmatinud-anon sa iyang mga pagkisaad ug sa pag-awhag sa tanan sa pagdawat sa gipahiuli nga ebanghelyo ni Jesukristo, adunay mas mabinationg bahin kaniya nga daling makita sa iyang pamilya ug mga kaubanan. Si President Spencer W. Kimball (1895–1985) miingon: “Kadaghan namong gisulti nga tungod ang Napulog Duha mao ang maghuhukom sa Israel, bisan kinsa kanamo magmalipayon nga siya ang mahimong maghuhukom, kay ang iyang paghukom mabination, maloloy-on, makiangayon ug balaan.”¹⁴

Si President Smith mipakita og ehemplo niining pagkamabination diha sa miting nga gihisgutan ang aksidente sa sakyanan nga gipanag-iya sa Simbahan. Usa ka tigulang nga lalaki nagdrayb sa trak nga kargahanan og mga utanon nga walay insurance maoy hinungdan sa aksidente. Human sa pipila ka diskusyon, girekomendar nga ang Simbahan mopasaka og kaso ngadto sa korte. Apan, misulti si President Smith: “Oo, mahimo nato nang buhaton. Ug kon ato gyud ning tinud-on, mahimo natong kuhaon ang trak niadtong pobre nga tawo; nan unsaon na man niya pagpakabuhì?” Giusab sa committee ang ilang rekomendasyon ug gipasagdaan na lang nila kini.¹⁵

Akong nasinati ang gugma sa uban alang kaniya samtang akong giduol si President Harold B. Lee (1899–1973) sa Salt Lake Cemetery human sa pagpahinungod sa lubnganan ni President Smith. Ako miingon ngadto kaniya, “President Lee, isip sakop sa pamilya gusto nakong ipaabut nimo nga kami mapasalamaton sa pagkamabination nga imong gipakita sa akong lolo. Agi og tubag mitan-aw siya sa akong mata ug malumong miingon, “Gihigugma ko kanang tawhana!”



Usa ka Tinuod ug Matinud-anong Sulugoon

Ang pangalagad ni President Smith naila nga nagmasulundon sa mando sa kasulatan sa pagsangyaw sa paghinulsol (tan-awa, pananglitan, D&P 6:9; 11:9). Miingon siya: “Misyon ko kini, nadasig kaayo niini, nagtuo ko, nga pinaagi sa Espiritu sa Ginoo sa akong pag-adto sa mga stake sa Zion, sa pagsulti sa mga tawo nga *karon* ang adlaw sa paghinulsol ug pagtawag sa mga Santos sa Ulahing mga Adlaw sa paghinumdom sa ilang mga pakigsaad, . . . nagdasig kanila nga *magmatinuoron ug magmatinud-anon* sa tanang butang.”¹⁶ (Tan-awa sa kapitulo 5.)

Hapit sa tibuok niyang 96 ka tuig sa kinabuhi, si President Smith nag-ampo nga siya magpabilin nga matinuoron ug matinud-anon ug molahutay hangtud sa katapusan. Sa pagkatinuod, si President Boyd K. Packer, President sa Korum sa Napulog Duha ka mga Apostoles karon, nakaobserbar: “Bisan kon siya lapas na nuybenta siya pada-yong nag-ampo nga iyang “matuman ang iyang mga pakigsaad ug mga obligasyon ug molahutay hangtud sa katapusan.”¹⁷

Alang ni President Smith, ang “magmatinuoron ug magmatinud-anon” sobra pa sa pulong nga gibalik-balik. Kini kinasingkasing nga pahayag sa iyang paglaum alang sa tanang katawhan—alang sa mga miyembro sa Simbahan kinsa nakahimo og mga pakigsaad ug tinuoray alang sa tanang mga anak sa atong Amahan sa Langit. “Kinahanglan kita una ug labaw sa tanan, . . .” mihangyo si President Smith, “alang sa gingharian sa Dios ug sa Iyang pagkamatarung. Kita magmatinuoron ug magmatinud-anon kanunay, uban sa tinguha nga sundon ang mga sugo sa Ginoo ug mopasidunogog Kaniya ug mohinumdom sa mga

pakigsaad nga atong gihimo Kaniya. Kini akong pag-ampo alang sa tanang Israel.”¹⁸ (Tan-awa sa kapitulo 19–22.)

Samtang kamo mainampoong malmalandong sa iyang dinasig nga mga pagtulun-an, ang inyong pagpamatuod malig-on ug kamo mapanalanginan og dugang pagsabut sa mga putli ug yano nga kamatuoran sa ebanghelyo ni Jesukristo. Kini nga tun-anan makadugang sa inyong tinguha nga magpakabuhin nga “magmatinuoron ug magmatinud-anon.” ■

Pahibalo: Ang inahan sa tagsulat, si Naomi Smith Brewster, natawo sa tuig diin si Joseph Fielding Smith gitawag ngadto sa Korum sa Napulog Duha ka mga Apostoles ug ikaduha nga anak ni Ethel Georgina Smith, kinsa giminyoan ni President Smith human sa kamatayon sa iyang unang asawa.

MUBO NGA MGA SULAT

1. *Mga Pagtulun-an sa mga Presidente sa Simbahan: Joseph Fielding Smith* (2013), 18.
2. Joseph Fielding Smith Jr. ug John J. Stewart, *The Life of Joseph Fielding Smith* (1972), 176.
3. *Mga Pagtulun-an: Joseph Fielding Smith*, 1; tan-awa usab sa Bruce R. McConkie, “Joseph Fielding Smith: Apostle, Prophet, Father in Israel,” *Ensign*, Ago. 1972, 29.
4. Tan-awa sa Bruce R. McConkie, “Joseph Fielding Smith,” 29.
5. Joseph Fielding Smith, gikutlo sa Smith ug Stewart, *The Life of Joseph Fielding Smith*, 49.
6. Gikutlo sa Smith ug Stewart, *The Life of Joseph Fielding Smith*, vii.
7. *Mga Pagtulun-an: Joseph Fielding Smith* 86.
8. *Mga Pagtulun-an: Joseph Fielding Smith* 313.
9. Joseph Fielding Smith, gikutlo sa Smith ug Stewart, *The Life of Joseph Fielding Smith*, 188–89.
10. *Mga Pagtulun-an: Joseph Fielding Smith* 26.
11. Tan-awa sa *Mga Pagtulun-an: Joseph Fielding Smith*, 5.
12. *Mga Pagtulun-an: Joseph Fielding Smith* 5.
13. Heber J. Grant, sa Francis M. Gibbons, *Joseph Fielding Smith: Gospel Scholar, Prophet of God* (1992), 290.
14. Spencer W. Kimball, sa Bruce R. McConkie, “Joseph Fielding Smith,” *Ensign*, Ago. 1972, 28.
15. Tan-awa sa Lucile C. Tate, *Boyd K. Packer: A Watchman on the Tower* (1995), 176.
16. Joseph Fielding Smith, sa Conference Report, Okt. 1919, 88; emphasis gidugang.
17. Boyd K. Packer, “Covenants,” *Ensign*, Nob. 1990, 84.
18. Joseph Fielding Smith, sa Conference Report, Okt. 1912, 124–25.

TUN-ANAN SA 2014

Karong tuiga, ang mga sister sa Relief Society ug mga tighupot sa Melchizedek Priesthood magtuon sa *Mga Pagtulun-an sa mga Presidente sa Simbahan: Joseph Fielding Smith*. Kini nga manwal makatabang sa pagsiguro nga ang dinasig nga mga pagtulun-an ni President Smith maanaa sa karon ug sa uma-abut nga mga henerasyon, tungod kay siya namatay niadtong 1972 sa dihang ang gidaghanon sa mga miyembro sa Simbahan sobra lang og gamay sa 3 ka milyon. Pipila lang sa buhi karon nga adunay personal nga mga panumduman sa suludong kinabuhi ni President Smith, apan ang tanan mabayaw ug madasig sa gahum sa iyang mga pagtulun-an.

Samtang mainampoon mong magtuon ug mamalandong sa mga pagtulun-an ni President Smith, inyong maila kon sa unsang paagi ang Ginoo migamit kaniya isip tigpamaba aron klarong itudlo ang mga baruganan nga makahatag og dili masukod nga mga panalangin kon kini gamiton. Kamo magtuon sa mga hilisgutan sama niini:

- Ang atong relasyon ngadto sa atong Amahan sa Langit ug sa atong Manluluwas.
- Ang impluwensya sa Espiritu Santo sa atong mga kinabuhi.
- Ang misyon ni Propeta Joseph Smith
- Ang kaimportante sa mga pakigsaad sa templo
- Unsaon nga maanaa sa kalibutan apan dili kalibutanon
- Unsaon sa pagpangandam sa Ikaduhang Pag-anhi ni Jesukristo pinaagi sa pagkamatinuoron ug pagkamatinud-anon

Ang manwal anaa sa internet sa LDS.org ug alang sa mobile nga mga himan sa mobile.lds.org.

MAHIMO BANG MOBASA KO NIANANG BASAHON?

Mga 50 ka tuig ang milabay, ang akong kompanyon ug ako nagtracting duol sa University of Córdoba sa Argentina, usa ka batan-ong lalaki midapit namo sa iyang apartment. Diha-diha dayon nahimong klaro nga siya ug ang iyang mga kauban sa kwarto midapit namo aron lang makigdebate sa pagkaanaay Dios.

Dili namo gustong makigdebate, busa nagsabut mi nga magkita mi pagkataud-taud aron sa paghisgot sa among mensahe sa usa ka palibut nga haum sa pagkat-on. Sa among pagbalik, ang batan-on mipasabut nganong nagtuo siya nga walay Dios. Siya miingon nga gimugna sa tawo ang Dios tungod sa iyang panginahanglan sa usa ka butang nga mas halangdon, sa usa ka butang nga balaanon.

Dihang turno na namo, nangutana ko, “Giunsa nimo pagkasayud nga adunay Estados Unidos?” Ako nagpamatuod sa katinuod niini ug nangutana kon aduna pa bay laing mga

ebidensya nga momatuod nga anaa kini. Siya miingon nga iya kining nabasa sa mga libro ug mga newspaper. Dayon nangutana ko kon siya mituo ba sa akong pagpamatuod ug sa iyang nabasa. Siya kusganong miuyon.

“Busa dili nato malimod ang mga pagpamatuod niadtong, sama nako, gikan sa Estados Unidos,” miingon ko. “Ni atong malimod ang mga pagpamatuod niadtong nagsulat kabahin niini.” Ang batan-ong lalaki miuyon.

Dayon nangutana ko, “Base niini nga ideya, malimod ba nato ang mga pagpamatuod niadtong nakakita sa Dios ug nagsulat sa ilang kasinatian?” Gipakita nako niya ang Biblia, nagsulti nga kini naglangkob sa mga pagpamatuod sa mga tawo kinsa nakakita ug nakigsulti sa Dios ug ni Jesukristo. Nangutana ko kon kita ba makalimod sa mga pagpamatuod nga anaa diha sa Biblia, ug nagpanuko siyang misulti og dili.

Dayon nangutana ko, “Unsay imong hunahuna sa basahon nga

gisulat sa mga tawo nga wala diha sa Biblia, kinsa nakakita sa pareho nga Dios sama sa mga tagsulat sa Biblia? Siya mitubag nga wala kining libroha.

Among gipakita kaniya ang Basahon ni Mormon ug mitudlo niya sa katu-yoan niini. Kami mipamatuod nga kini tinuod ug ang Dios padayong nakigsulti pinaagi sa buhing mga propeta karon.

Nasurprisa, ang batan-ong lalaki miingon, “Napalibog nako ang tanang mga tigsangyaw sa ubang mga simbahan. Kamo misulti og usa ka butang nga wala pa nako madungog kaniadto. Mahimo bang mobasa ko nianang basahon?” Amo siyang gihatagan sa basahon ug mipamatuod sa gugma sa Dios alang sa Iyang mga anak.

Tungod kay pahuman na ang semester, wala na namo mabisita pag-usab kining batan-ong lalaki sa wala pa siya miuli sa Bolivia. Hinoon, nag-ampo ko nga magbasa siya ug makadawat og pagpamatuod.

Niadtong 2002 gitawag ko sa pagserbisyo isip Spanish branch president sa Provo Missionary Training Center. Usa ka Domingo akong gisaysay ang istorya sa ibabaw ngadto sa mga misyonaryo. Pagkahuman usa ka misyonaryo gikan sa Bolivia miingon nako nga siya nakadungog og usa ka tigulang nga lalaki sa iyang stake nagsaysay sa istorya sa iyang pagkakabig—sama nga istorya nga akong gisaysay dinhi.

Nakahilak ko. Human sa 40 ka tuig, nakadawat ko og tubag sa akong mga pag-ampo mahitungod sa batan-ong lalaki gikan sa Bolivia. Nasayud siya sa pagkaanaa sa Dios ug sa Iyang talagsaong plano sa kalipay. Nasayud ko nga magkita ra mi pag-usab, ug maglipay ko uban niya diha sa ebanghelyo. ■

Neil R. Cardon, Utah, USA

Among gihatagan ang batan-ong lalaki og Basahon ni Mormon ug mipamatuod sa gugma sa Dios alang sa iyang mga anak.



ANG BIYAHE NI MAMÁ SEFI NGADTO SA TEMPLO

Usa ka adlaw samtang anaa ko sa opisina sa Mexico Mission niadtong mga 1940, usa ka sister miabut gikan sa gamayng lungsod sa Ozumba, nahimutang sa tiilan sa Popocatépetl, usa ka aktibong bulkan mga 43 ka milya (70 km) sa habagatang silangan sa Siyudad sa Mexico. Kaila mi niya. Ang iyang ngalan mao si Mamá Sefi.

Ang full-time nga mga misyonaryo mipuyo sa iyang gamayng pamilyal nga hinimo sa beka, diin aduna siyang giandam nga kwarto para lang kanila. Si Mamá Sefi, wala gani kaabut og lima ka pye (1.5 m) kataas, nanginabuhi pinaagi sa pagbaligya og prutas sa mga merkado sa mga lungsod libut sa Ozumba. Ang kada lungsod adunay lain-laing adlaw sa pagpangumpra, ug moadto siya sa kada merkado aron ibaligya iyang prutas.

Siya miadto sa opisina sa misyon nianang adlaw nga nagdala og usa ka sako sa harina. Napuno kini sa *tostones*, mga silver nga sinsilyo nga tag-singkwenta centavos nga iyang gitigom sa daghang mga tuig. Pipila niini gikan pa sa panahon ni Porfirio Díaz, kinsa nagdumala sa Mexico gikan 1884 hangtud 1911. Si Mamá Sefi mibiyaha gikan Ozumba ngadto sa mission home sakay sa bus uban sa iyang kwarta nga gisulod sa sako. Iyang giingnan si President Arwell L. Pierce nga nagtigom na siya sulod sa daghang tuig aron makabiyaha siya ngadto sa Salt Lake Temple aron madaawat iyang endowment.

Nakakuha siya og pagtugot sa pagbiya sa nasud, gipahulam siya og malita sa usa ka misyonaryo, ug amo siyang gipasakay sa tren. Nanawag si President Pierce gamit ang telepono sa usa ka tawo didto sa El Paso, Texas, aron mosugat niya diha sa tren tabok sa utlanan sa U.S. ug pasakyon si Mamá

Sefi sa bus padulong sa Siyudad sa Salt Lake. Ang mga miyembro sa Spanish branch sa Siyudad sa Salt Lake mao ang mosugat niya diha sa bus, moasikaso sa iyang mga panginahanglan, ug motabang niya didto sa templo.

Pipila ka semana ang milabay, si Mamá Sefi mibalik sa Siyudad sa Mexico ug dayon sa iyang balay sa Ozumba. Luwas niyang nahimo kad-tong taas nga biyahe. Dayon mibalik siya sa pagpamaligya og prutas sa mga merkado.

Si Mamá Sefi dili makasulti og Iningles, busa amo siyang gipangutana kon giunsa niya pag-order og pagkaon samtang nagbiyahe sakay sa bus gikan

sa El Paso ngadto sa Siyudad sa Salt Lake—sulod sa pipila ka adlaw. Siya miingon nga adunay tawo nga mitudlo kaniya unsaon sa pagsulti og “apple pie” sa Iningles, busa matag higayon nga ang bus mohunong para mang-aon, siya mo-order og apple pie.

Tungod kay mao lang kadto ang pulong nga iyang nasayran sa Iningles, apple pie lang ang iyang gikaon atol sa iyang pagbiyahe sakay sa bus didto sa Amerika—pag-adto ug pag-uli. Apan wala kini panumbalinga ni Mamá Sefi. Hinoon, mibalik siya nga mapasalamaton ug masanagon sa iyang kasinatian didto sa templo. ■ Betty Ventura, Utah, USA



Si Mamá Sefi mibiyaha og mga 43 ka milya (70 km) ngadto sa mission home sakay sa bus uban sa iyang kwarta nga gisulod sa sako.

ADTO UG AYOHA ANG IYANG STEREO

Ang tapad sa among balay usa ka ministro sa mga kabatan-onan sa usa ka lokal nga simbahan, ug ang mga batan-on sa iyang simbahan kanunay mobisita niya. Komon lang nga daghang sakyanan ang mo-parking sa atubangan sa iyang balay matag adlaw ug gabii.

Pipila niining mga batan-on mopatukar og kusog nga musika diha sa mga stereo sa ilang sakyanan. Amo na silang madungog pipila ka block pa ang gilay-on, kon magkaduol na sila, ang mga bintana sa among panimalay mouyog. Kasagaran ang kusog nga musika makapabangon nako inigka gabii. Migrabe ang akong kalagot ug misugod ko sa paglantaw niining mga batan-on nga daw mga kaaway.

Usa ka adlaw samtang nag-rake ko sa mga dahon, nakadungog ko

sa stereo sa sakyanan nga nagtingog pipila ka block ang kalay-on. Ang tingog nagkaduol ug nagkalanog. Sa dihang ang drayber miliko sa eskina ug mipaingon sa balay sa akong silingan, nasuko ko ug nag-ampo nga gub-on sa Langitnong Amahan ang stereo.

Ang akong desperado nga pag-ampo nahimong pagdayeg ug pasalamat dihang ang stereo kalit lang nahilom sa iyang paghunong. Nakatrabaho ko sa mga stereo sa sakyanan ug nasayud pinaagi sa tingog nga wala kini ma-off—kini naguba.

Ang batan-ong lalaki naglagot nga wala na motingog ang iyang stereo, ug nagpundok ang iyang mga higala aron sa paghupay kaniya. Ako, sa laing bahin, mibati nga natagbaw nga nakasaksi nga sa akong hunahuna ang kamot sa Dios miguba sa stereo.

Mibati ko nga natagbaw nga nakasaksi nga sa akong hunahuna ang kamot sa Dios miguba sa stereo.

Apan samtang nagpadayon ko nga nagtan-aw, nakaamgo ko nga sama usab ko kanila mga daghang katuigan na ang milabay. Ang akong kasingkasing nalukmay, ug ako nagsugod sa paghunahuna nga tingali kining batan-ong lalaki dili diay akong kaaway. Dayon ang Espiritu mihunghong, “Adto ug ayoha ang iyang stereo.”

Nakuratan ko sa aghat ug naningkamot nga ibaliwala kini. Nganong ako mang ayuhon ang usa ka butang nga nakapamiserable sa akong kinabuhi? Apan mibalik ang aghat, ug ako kining gisunod.

Human nga mitanyag ko og tabang, diha-diha dayon akong nakita ang hinungdan sa pagkaguba. Dali ra ning ayuhon. Sa wala madugay nagtukar na usab ang stereo ingon ka grabe kalanog.

Ang batan-ong lalaki nagpasalamat ug nangutana kon aduna ba siyay mahimo para nako. Giingnan nako siya nga kinahanglan ko nga mobangon og sayo para sa trabaho, ug kon iyang pahinayan ang iyang musika magabii, makadayeg ko niini. Mipahiyom siya ug misiguro nako nga iya kining buhaton.

Wala lang niya pahinaya ang iyang stereo magabii, apan siya nahimo nakong personal nga tigbantay sa mga stereo ug nagsiguro nga pahinayan usab sa iyang mga higala ang ilang mga stereo. Sukad adto, wala na ko magproblema sa kusog nga musika magabii.

Gipaminaw ug gitubag sa Langitnong Amahan ang akong pag-ampo. Ang Iyang solusyon naghatag og kalinaw ug kahilom, bililhong leksyon kabahin sa pagsunod sa Espiritu, ug mas maayo nga panabut kon unsay ipasabut nga “higugmaa ninyo ang inyong mga kaaway” (Lucas 6:27). ■

Kent A. Russell, Florida, USA



HELLO, GAMAYNG KARNERO

Gitabangan nako ug sa akong bana ang among anak nga babaye ug ang iyang duha ka anak nga mga lalaki sa airport, diin nag-andam sila sa ilang pagbiyahe balik sa ilang balay. Among gitabangan ang among anak samtang siya naningkamot sa pagpahimutang sa mga gamit, pag-asikaso sa mga passport, ug pagdala sa iyang lihukan nga tres anyos nga anak. Si Tommy, ang among usa ka tuig nga apo, natulog sa iyang stroller hangtud kalit siya nga nakamata. Nalisang siya sa grabeng kasaba sa dapit, hayag nga mga suga, ug sa kaguliyang.

Akong nakita ang iyang panagway ug nasayud unsay mahitabo, maong akong gitawag akong anak. Dali-dali siyang miduko, gihikap ang nawong ni Tommy, giatubang siya, ug mahigugmaong miingon, “Hello, gamayng karnero.”

Diha-diha dayon ang iyang nangunot nga agtang, nagtibi nga ba-ba ug daw nakuyawan nga abaga mirelaks na samtang ang iyang tibuok lawas nanghupaw sa kahupay. Mipahiyom siya og gamay sa dayon niyang pagpiyong og balik. Ang iyang kahadlok napulihan og kalmang kasiguroan ug kalinaw nga daw misanap kaniya. Kadto gamay apan gamhanang pagpakita sa pagsalig ni Tommy sa iyang inahan. Ang iyang pamilyar nga hikap, tingog, ug presensya mihupay kaniya.

Sama ni Tommy, kiting tanan mobati og kahadlok, walay kasiguroan, ug nabug-atan. Makahupay nga masayud nga si Jesukristo, ang Maayong Magbalantay, nagtawag kanato. Siya nakaila sa Iyang panon, ug kita hingpit nga makasalig kaniya. Mahigugmaon siyang miingon, “Kaninyo ibilin ko ang kalinaw, kaninyo ihatag ko ang akong kalinaw. . . Kinahanglan

dili magkaguol ang inyong kasingkasing, ni magtalaw” (Juan 14:27).

Nasayud ko nga panahon sa pagduha-duha kita makadawat og kahupayan ug kasiguroan samtang kita modangup sa Maayong Magbalantay uban sa hugot nga pagtuo ug pagsalig. Kon napanalanginan ko nga mahupay taliwala sa kasamok, ganahan kong

Ang among usa ka tuig nga apo nalisang sa grabeng kasaba sa dapit, hayag nga mga suga, ug sa kaguliyang sa airport.

hinumduman ang panghitabo sa airport uban sa akong anak ug apo. Sama ni Tommy, makaginhawa ko nga nahupay samtang ang akong mga palas-anon napagaan. Atol niadtong mga panahona, mibati ko og personal nga “Hello, gamayng karnero” gikan sa akong Magbalantay. ■

Colleen Solomon, Ontario, Canada



Maayo nga Paglahutay

Ni Elder J. Christopher Lansing

Area Seventy, North America Northeast Area

Ang plano sa kaluwasan talagsaon nga plano, ug lakip niana nga plano ang pagbuntog sa mga babag nga usahay nag-ali ug nagpugong nato sa pagkab-ot sa atong mga pangandoy ug damgo. Kitang tanan mag-atubang og mga krises sa atong panahon dinhi sa kalibutan. Pipila niini gamay ug ang pipili dako.

Usa ka gamay nga krises mahimong mahutdan og gasolina diha sa daghang sakyanan nga dalan. Usa ka dako nga krisis mahimong pagtaliwan sa usa ka minahal, usa ka grabeng aksidente, o trahedy sa pamilya. Ang ubang mga krises nahitabo tungod sa atong pagkamasinupakon sa mga balaod sa Dios o sa tawo. Ang uban mahitabo bisan wala kitay sayop nga gihimo. Nagduda ko nga kadaghanan nato nakasinati niining atong gitawag nga “mga walay swerte” sa kinabuhi. Si bisan kinsa nga nakadula nga maggamit og bola nasa-yud unsay walay swerte. Lakip kini sa dula. Kini dili matag-an sa gidak-on o kasagad [frequency].

Ang maayong magdudula nasayud nga ang walay swerte kabahin sa kinabuhi ug naningkamot nga magpadayon sa pagpakabuhi uban sa hugot nga pagtuo ug kaisug. Aron magpabiling matinud-anon sa atong tinguha nga makapuyo og balik sa Langitnong

Dili kita magdahum nga tangtangan sa Ginoo ang atong mga hagit tungod lang nagsaad kita Niya nga kita kanunay magmatinud-anon kon Iya kining buhaton. Hinoon, kita kinahanglang molahutay nga maayo, ug dayon kita mapanalanginan.

Amahan, kita kinahanglang mangita og paagi sa pagbuntog sa mga babag ug pagdiskobre kon unsa gyud ang mahinungdanon sa kinabuhi.

Padayon lang sa Paglangoy

Sa dihang ang among bugtong anak nga babaye, si Lindsay, bata pa, siya ug ako malingaw nga dungang magtan-aw og salida sa sine. Usa sa salida nga nalingaw ug nag-uban mi pagtan-aw mao ang kingkoy nga salida nga giulohan og *Finding Nemo*. Sa salida, si Nemo nadakpan sa usa ka scuba diver ug gibutang sa aquarium sa klinika sa dentista. Ang iyang amahan, si Marlin determinado nga pangitaon siya. Nakaila ni Marlin ang usa ka isda nga si Dory atol sa iyang pagpangita. Sila nag-atubang og sunod-sunod nga babag samtang naningkamot silang pangitaon si Nemo. Madako o magamay ang babag, ang mensahe ni Dory kang Merlin parehas ra: “Padayon lang sa paglangoy.”

Pipila ka tuig ang milabay si Lindsay miserbisyo og misyon sa Santiago, Chile. Lisud ang misyon. Daghang kasagmuyo. Matag semana sa katapusan sa akong email ako misulat, “Padayon lang sa paglangoy. Naghigugma, Papa.”

Sa dihang si Lindsay mabdos sa iyang ikaduhang anak, nahibaloan niya



nga adunay lungag ang kasingkasing sa puya diha sa iyang tiyan ug adunay Down syndrome. Samtang nagsulat ko niya atol niining malisud nga panahon, akong tapuson akong mga email, “Padayon lang sa paglangoy.”

Moabut ang mga babag sa atong kinabuhi, apan sa pagsulbad niini ug pag-adto kon asa kita gustong mo-adto, kita kinahanglang magpadayon kutob sa mahimo aron molahutay ug mouswag.

Usa sa akong paborito nga kasulatan mao ang seksyon 121 sa Doktrina ug mga Pakigsaad. Kini talagsaon nga kasulatan diin si Propeta Joseph Smith nagsugod sa tumang kasagmuyo ug nahimong celestial nga kasinatian. Kini nga seksyon ug ang mga seksyon 122 ug 123 gikan sa sulat ni Joseph para sa Simbahan. Aron mas masabtan kining mahinungdanong pagpadayag, kinahanglang ihan-ay kini nato sa tukmang konteksto.

Sila si Joseph ug pipila sa iyang mga sumusunod nga binilanggo sa bilanggoan sa Liberty, Missouri, gikan Disyembre 1838 hangtud Abril 1839. Ang bilanggoan grabeng tugnawa, ug ang pagkaon hapit dili makaon. Anaa sila sa basement sa prisohan nga yuta ang salog ug ubos kaayo ang kisame nga hapit dili sila hingpit makabarug. Ang mga Santos, sa laing bahin, gi-abug gikan sa ilang mga panimalay. Taliwala niining mga kasamok, si Gobernador Lilburn W. Boggs miisyu sa iyang dili malimtan nga mando nga pamatyon silang tanan.

Si Joseph nangutana, “O Dios, hain ba ikaw? Ug hain ang imong gambalay nga nagsalipod sa imong tagoanan? (D&P 121:1). Mao gihapon kini nga Joseph Smith kinsa adunay langitnong mga pagbisita gikan sa Dios ang Amahan; Jesukristo; Moroni; Juan Bautista; Pedro, Santiago ug Juan; ug uban pa. Sa wala madugay human sa iyang mga pangutana sa sinugdanang

mga bersikulo, gipahayag ni Joseph ang iyang kasagmuyo:

“Himoa nga mapukaw ang imong kasuko batok sa among mga kaaway, ug sa kaligutgut sa imong kasingkasing, uban sa imong espada ipanimalos kami sa mga kadautan nga gibuhat ngari kanamo.

“Hinumdumi ang imong mga santos nga nag-antus, O among Dios; ug sa imong mga sulugoon nga maglipay diha sa imong ngalan sa kahangturan” (mga bersikulo 5–6).

Ang Ginoo mitubag sa pangamuyo ni Joseph pinaagi sa pag-ingon, “Akong anak, kalinaw nganha sa imong kalag; ug ang imong kalisdanan ug ang imong mga kasakitan sulod lamang sa mubo nga higayon” (bersikulo 7).

Dayon Iyang gitudloan si Joseph og talagsaon nga baruganan: “Ug unya, kon ikaw molahutay pag-ayo, ang Dios mobayaw kanimo sa kahitas-an; ikaw magmadaugon ibabaw sa imong tanan nga mga kaaway” (bersikulo 8).

Ang mensahe yano ug mubo. Dili kita magdahum nga walaon sa Ginoo ang atong mga hagit tungod lang kay nagsaad kita Niya nga kita kanunay magmatinud-anon kon Iya kining buhaton. Hinoon, kita kinahanglang molahutay nga maayo, ug dayon kita mapanalanginan. Kini talagsaon nga leksyon sa kinabuhi alang kanatong tanan.

Dugang instruksyon anaa sa bersikulo 10, diin ang Ginoo miingon ni Joseph, “Wala pa ikaw mahisama ni Job; ang imong mga higala wala makigbatok kanimo, ni mipasangil kanimo og kalapasan, sama nga sila mibuhat ngadto ni Job.” Bisan unsa pa ka dako ang pag-antus ni Job, atong makat-unan nga, “Ang Anak sa Tawo mikunsad ubos [niining] tanan. Labaw pa ba ikaw kay kaniya?” (D&P 122:8).

Ang Seksyon 122 nagsuporta sa seksyon 121. Ako kining gitawag nga *kon* nga seksyon. Ang pulong nga

kon nahisulat og 15 ka higayon. Sama pananglit, ang ikalima nga bersikulo miingon, “*Kon* ikaw gitawag sa pag-antus taliwala sa mga kalisdanan; *kon* ikaw anaa sa katalagman taliwala sa mga bakakon nga mga igsoon; *kon* ikaw anaa sa katalagman taliwala sa mga kawatan; *kon* ikaw anaa sa katalagman sa yuta o sa dagat” (D&P 122:5; emphasis gidugang).

Kon atong ilisan kadtong mga hagit sa mga hagit nga atong giatubang sa modernong kalibutan, tingali kita makakat-on og usa ka butang, sama sa *kon* may mitaliwan sa akong pamilya o *kon* gibuwagan ko sa akong oyab o *kon* naglisud ko sa pinansyal o *kon* mas kamao lang unta ko.

Human sa mga *kon*, ang Ginoo miingon, “Ikaw masayud, akong anak, nga kining tanan nga mga butang makahatag kanimo og kasinatian, ug alang sa imong kaayohan” (bersikulo 7). Sa laing pagkasulti, sa katapusan ang mga hagit sa atong kinabuhi makatabang ug gani mahinungdanon.

“Busa, minahal ug hinigugma nga mga kaigsoonan,” ang Propeta misulat, “kita magmalipayon sa pagbuhat sa tanan nga mga butang nga ubos sa atong gahum; ug unya kita magmalinawon, uban ang labing dako nga kasiguroan, nga makasaksi sa kaluwasan sa Dios, ug sa iyang mga bukton nga ipadayag” (D&P 123:17).

Ang kinabuhi puno sa mga babag, ingon og dili mapugngan. Kinahanglan nga kita molahutay niini sa malipayon ug matinud-anong paagi. Pinaagi sa pagbuhat niini, kita sa katapusan makabalik sa pagpuyo uban sa Dios sa kahangturan.

Ang Ehemplo sa Manluluwas

Ang atong pinakanindot nga ehemplo sa paglahutay mao ang kinabuhi sa Manluluwas. Ang Pag-ula nagkinahanglan nga Siya mokunsad ubos sa tanan nga mga butang ug mohalad

sa Iyang hingpit nga kinabuhi alang kanato. Sa pagkunsad ubos sa tanan nga mga butang, Iyang giantus ang tanang kalisdanan ug mga sala sa kinabuhi, “kansang pag-antus nakapahimo sa akong kaugalingon, gani ang Dios, ang labing halangdon sa tanan, sa pagkurog tungod sa kasakit, ug sa pag-agas sa dugo sa matag lungag sa panit, ug sa pag-antus sa lawas ug sa espiritu” (D&P 19:18).

Si Jesus nasayud unsa ang gikinahanglan gikan kaniya, ug Siya miingon sa tawhanon kaayo nga paagi, “Amahan ko, kon mahimo man, isaylo lang kanako kining kopa: ngani dili sumala sa akong pagbuot, kondili sa imo” (Mateo 26:39). Bisan pa niana, Siya andam sa pagbuhat sa kabubuton sa Iyang Amahan ug molahutay sa tanan nga mga butang.

Kon Unsa Kita Mamahimo Mao ang Pinakaimportante

Ang akong negosyo karon gisugdan sa akong amahan dul-an na sa

60 ka tuig ang milabay. Siya namatay niadtong 1980, nakapahimo nako sa pagdumala sa kompanya sa batan-ong edad nga 30.

Niadtong unang katuigan, adunay mga sitwasyon nga nagpugos nako sa pagdesisyon nga makaapekto sa umaabut sa among huyang nga negosyo. Naningkamot ko sa pagbuhat sama sa buhaton sa akong amahan, ug migahin ko og daghang panahon sa pag-ampo, naningkamot sa pag-sayud kon unsay buhaton. Sa tanan niadto nga mga desisyon, wala gayud ko mobati og kalma nga impluwensya o bisan unsa nga direksyon. Sa kata-pusan akong gibuhay nga sa akong hunahuna mao ang pinakamaayo ug nagpadayon. Apan nasagmuyo ko nga wala ko mobati og bisan unsang kumpirmasyon sa akong mga gipangbuhat.

Usa ka gabii nagdamgo ko sa akong amahan. Misugod ko sa pagmahay niya nga wala ko niya tabangi kon unsay buhaton. Siya miingon nga


siya nasayud sa akong sitwasyon apan siya busy kaayo kon asa siya ug ang iyang negosyo sa una dili na kaayo importante. “Chris, dili na importante ang negosyo dinhi,” miingon siya. “Ang importante gyud namo mao ang unsa ka mamahimo tungod sa imong negosyo.”

Kadto dako nga leksyon nga hinaut dili gyud nako makalimtan. Ang atong maangkon sa atong kinabuhi dili importante, apan kon unsa kita mamahimo sa kinabuhi mao ang pinakaimportante.

Usahay kita makalimot nga sa kinabuhi sa wala pa dinhi sa yuta nga kita nakig-away uban sa Manluluwas sa pagpanalipod sa plano sa Amahan alang sa moral nga kabubut-on. Ug kita nakadaog! Si Lucifer ug ang iyang mga sumusunod gipapahawa, ug kita nakadawat sa oportunidad nga masinati ang kinabuhi nga atong gipakigbatukan. Ang plano sa Amahan naglakip sa Pag-ula. Ang atong buluhaton mao ang pag-atubang sa mga atong mga hagit ug molahutay niini nga maayo. Samtang ato kining buhaton, ang Pag-ula mahimong makahuluganon sa atong kinabuhi ug atong gituman ang buhat ug himaya sa Ginoo: “sa pagpahinabo sa pagka-imortal ug kinabuhing dayon sa tawo” (Moises 1:39).

Ako mosaksi nga si Jesus mao ang Kristo. Siya mao ang Manluluwas sa kalibutan. Siya mao ang Prinsipe sa Kalinaw ug ang atong Manlalaban ngadto sa Amahan. Ako mopamatuod nga ang Amahan nakaila kanato pinaagi sa ngalan, nahigugma kanato bisan sa atong pagkadili hingpit, ug nag-andam og dapit alang kanato kon kita matinud-anon ug molahutay hangtud sa katapusan. ■

Gikan sa usa ka debosyonal nga pakigpulong, “That’s Life,” nga gipamulong didto sa BYU–Hawaii niadtong Oktubre 30, 2012. Alang sa kompleto nga teksto sa Iningles, bisitaha ang devotional.byuh.edu/archive.



Aron magpabiling matinud-anon sa atong tinguha nga makapuyo pag-usab sa Langitnong Amahan, kita kinahanglang mangita og paagi sa pagbuntog sa mga babag ug pagdiskobre kon unsa gyud ang importante sa kinabuhi.



**Ni President
Henry B. Eyring**
Unang Magtatambag sa
Unang Kapangulohan

PAG-ANDAM OG MGA

Gasa

**ALANG SA
INYONG
UMAABUT
NGA PAMILYA**

*Karong tuiga, pagsugod
sa pagpalambo og pipila
ka mga gasa–talagsaong
mga gasa–alang sa inyong
umaabut nga pamilya.*



Kanunay kong nag-daydream nga mahimong dakong tighatag og gasa. Naghunahuna ko nga ang mga tawo nag-abli sa akong mga gasa ug nagpakita uban sa luha sa kalipay ug pahiyom nga ang paghatag, dili lang ang gasa, nakatandog sa ilang kasingkasing. Mahimong nag-daydream pud mo niana. Daghan kaninyo tingali eksperto na sa paghatag og gasa.

Adunay usa ka butang nga inyong mabuhat karong tuiga aron masugdan nga kamo mismo mahimong mas maayo nga tighatag. Gani, isip mga estudyante, kamo adunay espesyal nga mga kahigayunan. Makasugod mo sa pagtipig og mga gasa—talagsa-ong mga gasa—sa hinay-hinay alang sa inyong umaabut nga pamilya. Tuguti ko sa pagsulti kaninyo mahitungod niini.

Pagsulat og Papel para sa Eskwelahan

Mahimo ninyong sugdan sa inyong kwarto karon. Aduna bay school paper nga nahimutang sa tipiganan? (Naghunahuna ko nga adunay tipiganan didto, tingali kahibalo ko sa inyong kwarto.) Tingali kini naka-type na ug andam na nga isumiter. Nganong paninduton pa gyud kini? Akong nakat-unan kon ngano atol sa klase sa relihiyon nga akong gitudlo kausa sa Ricks College (karon Brigham Young University-Idaho). Gitudlo nako ang seksyon 25 sa Doktrina ug mga Pakigsaad. Niana nga seksyon gisugo si Emma Smith nga kinahanglan niyang mogahin og panahon sa “pagsulat, ug sa daghan nga pagtuon” (bersikulo 8). Sa mga ikatulo nga hanay sa likod naglingkod ang babaye nga bulagaw og buhok kansang kilay nangunut sa dihang akong giawhag ang klase nga

magmakugihon sa pagpalambo og kahanas sa pagsulat. Iyang giisa ang iyang kamot ug miingon, “Dili kana angay para nako. Ang ako ra gyung masulat mao ang mga sulat ngadto sa akong mga anak.” Kana nakapatawa sa tibuok klase. Nagtan-aw kaniya akong nahunahuna ang mga kiat nga mga bata palibut kaniya, ug gani akong makita ang mga sulat nga iyang masulat. Tingali ang epektibong pagsulat dili na mahinungdanon para kaniya.

Dayon usa ka batan-ong lalaki mibarug sa may luyo. Gamay ra siya og gisulti atol sa term; dili ko sigurado nga siya nakasulti na ba sukad diha sa klase. Mas maguwang siya kaysa ubang mga estudyante, ug maulawon. Siya mihangyo kon siya makasulti. Misulti siya sa hinay nga tingog nga siya nahimong sundalo sa Vietnam. Usa ka adlaw, abi niya nga wala ray mahitabo, iyang gibilin ang iyang rifle ug milakaw tabok sa gipalig-on nga compound aron mokuha og sulat. Sa dihang nakuha na niya iyang sulat, nakadungog siya sa tingog sa bugle ug mga syagit ug pagpabuto sa mortar ug rifle sa nagsulong nga kaaway. Nakigbisug siya sa iyang mga kaaway aron makuha niya iyang rifle. Uban sa mga tawo nga naluwas, ilang napilde ilang kaaway. Dayon milingkod siya uban sa mga buhi, ug pipila sa mga

namatay, ug iyang giablihan ang iyang sulat. Gikan kini sa iyang inahan. Ang iyang inahan misulat nga siya adunay espirital nga kasinatian nga nagsiguro niya nga siya makauli nga buhi kon siya magmatarung. Sa akong klase, ang lalaki hinay nga miingon, “Kadto nga sulat nahimong kasulatan para nako.” Ug milingkod siya.

Kamo makabaton og anak sa umaabut, tingali usa ka anak nga lalaki. Makita ba ninyo ang iyang dagway? Inyo bang makita siya sa usa ka dapit, usa ka higayon, nga maanaa sa mortal nga kakuyaw? Inyo bang mabati ang kahadlok sa iyang kasingkasing? Kini ba makatandog kaninyo? Gusto ba ninyong motabang kutob sa mahimo? Unsay angay nga isakripisyo aron masulat ang gustong ipaabut sa inyong kasingkasing? Sugdi ang praktis karong hapon. Balik sa inyong kwarto ug isulat ug basaha ug usaba og sulat ang papel sa makadaghan. Daw dili kini sakripisyo kon inyong hunahunaon kana nga lalaki, mabati ang iyang kasingkasing, ug maghunahuna sa mga sulat nga iyang gikinahanglan sa umaabut.

Pagsulbad sa mga Problema sa Math

Karon, pipila kaninyo tingali wala pay papel nga nagpaabut kaninyo.



MGA PAGHULAGWAY SA LITRATO PINAAGI NI CODY BELL



Tingali kini usa ka libro sa eskwelahan nga may problema sa math. Tuguti ko sa pagsulti kaninyo mahitungod sa usa ka adlaw sa inyong umaabut. Kamo makabaton og tin-edyer nga anak nga moingon, “Dili ko ganahang moeskwela.” Human sa mabintang pagpaminaw, inyong masayran nga dili eskwela o gani math ang dili niya ganahan—kini mao ang pagbati sa kapakyasan.

Husto ninyong maila kadtong mga pagbati, ug kamo matandog; gusto ninyong motabang kutob sa mahimo. Mao nga inyong ablihan ang libro ug moingon, “Dungan natong sulbaron ang problema.” Hunahunaa ang kakurat nga inyong mabati kon inyong masayran nga ang mga problema sa math nga lisud sulbaron kaniadto mao gihapon ang ilang sulbaron karon. Tingali maghunahuna mo, “Nan, mas mamaayo ang bation sa akong mga anak kon akong ipakita kanila nga dili usab ko kahibalo sa math.” Tuguti ko sa paghatag kaninyo og tambag: ilang makita nga kini bati nga gasa.

Adunay mas maayo nga gasa, apan kini nagkinahanglan og paningkamot karon. Ang akong amahan, sa dihang bata pa siya nakaagi sa sama nga problema ug daghan pang uban. Kadto kabahin sa ekipo nga iyang gikinahanglan aron mahimong

scientist nga nakahimo og dakong kaayohan sa chemistry. Nakahimo usab siya og dakong epekto kanako. Ang among kwarto sa pamilya dili elegante sama sa uban. Kini adunay usa ka matang sa kasangkapan—mga lingkuranan—ug usa ka dekorasyon sa bong-bong—usa ka berde nga pisara. Miabut ko sa edad sama sa edad sa inyong anak. Wala ko maghunahuna kon makasulbad ba ko og mga problema sa math; napamatud-an na nako nga dili. Ug pipila sa akong mga magtutudlo kontento na usab nga kana tinuod.

Apan si Papa wala makontento. Siya naghunahuna nga makahimo ko niini. Busa nagpuli-puli mi sa pisara. Dili nako kahinumdom sa mga gasa nga giputos ug gihatag ni papa nako. Apan nakahinumdom ko sa pisara ug sa iyang hinay nga tingog. Ang iyang pagtulun-an sobra pa sa kahibalo nga akong gikinahanglan ug sa pagamuma nako. Sobra pa sa kaandam sa paggahin sa iyang panahon, bisan bilihon kini kaayo. Iyang gipahimuslan ang iyang panahon sa una nga anaa usab ninyo karon. Tungod kay migahin siya og panahon sa una, siya ug ako adunay panahon diha sa pisara ug iya kong gitabangan.

Ug tungod kay gihatagan ko niya niana, ang akong anak nga lalaki

natudloan usab nako sulod sa usa ka tuig. Dungan namong gisulbad ang sama nga problema sa math. Ug misulat ang iyang magtutudlo sa iyang kard “dakong kalamboan”. Apan sul-tian ko kamo kon unsa ang milambo pag-ayo: ang mga pagbati nianang buotang bata kabahin sa iyang kaugalingon. Walay koy mabutang ubos sa Christmas tree para kang Stuart gawas sa kahigayunan para sa kabilin sa pamilya nga mao ang pagpasigarbo sa iyang nabuhat.

Pagkat-on sa Art ug Musika

Tingali adunay pipila ka mga estudyante sa art (o sa musika?) ang nagpahiyom. Naghunahuna sila, “Siguradong dili siya makakombin-ser nako nga adunay tinaguang gasa sa *akong* wala mahuman nga mga buluhaton. Tuguti kong mosulay. Sa miaging semana mitambong ko og okasyon sa pagpasidungog sa usa ka batan-ong lalaki. Dihay slide show. Gipahinayan ang siga sa mga suga, ug nakaila ko sa duha ka tingog. Usa ka sikat nga mag-aawit sa background, ug ang usa, mao ang narrator, ang amahan sa batan-ong lalaki.

Siguro migahin ang iyang papa og daghang oras sa pag-andam sa mga slide, nagsulat sa makapatandog nga mga pulong, ug dayon gihan-ay ang musika ug mga pulong ngadto sa hustong volume ug timing. Kamo makabaton og anak nga lalaki sa umaabut nga pasidunggan sa samang okasyon, uban sa iyang mga ig-agaw ug mga iyaan ug mga uyuan nga



nagtan-aw. Ug uban sa inyong tibuok kasingkasing, gusto ninyo siyang sultian kon unsa siya ug unsa siya nga mamahimo. Kon inyo ba nga mahatag kana nga gasa nag-agad kon inyong mabati ang iyang kasingkasing karon ug natandog ug magsugod sa paglambo og mga kahanas sa pagkamamugnaon nga inyong gikinahanglan. Ug kini mas mahinungdanon karon kaysa inyong gituohan, ako mosaad kaninyo.

Paghinulsol Karon

Adunay usa pa ka gasa nga mahimo ninyong sugdan og hatag samtang bata pa. Ako kining nakita sa dihang bishop ko. Usa ka batan-ong lalaki milingkod atubangan sa akong lamesa. Siya naghisgot sa mga sayop nga iyang nahimo. Ug naghisgot siya kon unsa niya kaganahan nga makabaton og mga anak sa umaabut nga adunay amahan kinsa mogamit sa iyang priesthood ug ma-sealed sila sa kahangturan. Siya miingon nga siya nasayud sa dakong bayad ug kasakit sa paghinulsol. Ug dayon misulti siya og usa ka butang nga dili nako makalimtan: “Bishop, mobalik ko. Buhaton

nako ang tanan. Mobalik ko.” Mibati siya og kasubo. Ug siy adunay hugot nga pagtuo kang Kristo. Ug gihapon milungtad kini og pipila ka bulan sa masakit nga paningkamot.

Ug sa usa ka dapit adunay pamilya nga may matarung nga naghupot sa priesthood nga nagdumala niini. Sila adunay mahangturong paglaum ug kalinaw sa kalibutan. Tingali malipayon niyang hatagan ang iyang pamilya og lain-laing mga gasa nga maputos, apan walay butang nga mas importante kaysa kadtong iyang gisugdan sa dugay nang panahon diha sa akong opisina ug wala siya mohunong sa paghatag niini. Iyang nabati ang panginahanglan sa mga bata nga iyang gipangandoy, ug sayo ug libre niya kining gihatag. Iyang gisakripisyo ang iyang garbo ug katapulan ug pagkadili sensitibo sa mga pagbati. Sigurado kong dili na kini sakripisyo karon.

Iyang mahatag kana nga gasa tungod sa laing gasa nga gihatag sa dugay nang panahon. Ang Dios nga

Amahan mihatag sa Iyang Anak, ug si Jesukristo mihatag kanato sa Pag-ula, ang labing mahinungdanon sa tanang mga gasa ug alang sa tanan. Ang Manluluwas mibati sa tanang kasakit ug kasubo sa sala nga masinati natong tanan ug sa tanan nga mabuhi (tan-awa sa Mga Hebreohanon 4:14–16).

Ako mopamatuod kaninyo nga libre, andam, nga gihatag ni Jesus kini nga gasa ngari kanatong tanan. Ug ako mopamatuod kaninyo nga samtang inyong dawaton kana nga gasa, nga gihatag pinaagi sa iyang mahangturong sakripisyo, kini makahatag og hingpit nga kalipay sa tighatag (tan-awa sa Lucas 15:7).

“Nakadawat kamo nga walay bayad, busa panghatag kamo nga walay bayad” (Mateo 10:8). Ako nagampo nga kita libreng mohatag. Ako nagampo nga kita matandog sa mga pagbati sa uban, nga mohatag kita nga wala’y pagbati sa pagpamugos o magpaabut og balus, ug kita masayud nga ang sakripisyo matam-is kon atong ibahandi ang hingpit nga kalipay nga mahatag niini sa laing kasingkasing. ■

Gikan sa usa ka debosyonal nga pakigpulong, “Gifts of Love,” nga gipamulong sa Brigham Young University niadtong Disyembre 16, 1980. Alang sa kompleto nga teksto sa Iningles, adto sa speeches.byu.edu.






2014 NGA TEMA SA MUTUAL



“Duol ngadto kang Kristo, ug paghingpit diha kaniya, ug ilimud ang inyong mga kaugalingon sa tanan nga dili diosnon” (Moroni 10:32).



Young Men General Presidency

DUOL NGADTO KANG KRISTO

Sa Young Men General Presidency

Batan-ong mga lalaki sa Aaronic Priesthood, karong tuiga ang tema sa atong Mutual modasig kaninyo sa paghunahuna sa inyong relasyon ngadto ni Jesukristo, atong Manluluwas ug Manunubos, ug unsaon ninyo nga mahisama Kaniya. Ang atong tema mao ang “Duol ngadto kang Kristo, ug paghingpit diha kaniya, ug ilimud ang inyong mga kaugalingon sa tanan nga dili diosnon” (Moroni 10:32).

Kini balaan nga pagdapit nga maduol ngadto sa Anak sa Dios. Tungod sa Iyang Pag-ula, kita makaangkon sa gahum sa pagserbisyo, sa paglimud sa atong kaugalingon sa dili diosnon nga mga butang sa atong kinabuhi, ug mobati sa Iyang mahangturong gugma. Samtang ato kining buhaton, kita makakaplag og tinuod nga kalinaw ug kalipay.

Samtang kamo mobuhat sa imbitasyon sa pagduol ngadto kang Kristo, inyong masabtan usab ang inyong sagrado nga katungdanan nga “magdapit sa tanan sa pagduol ngadto kang Kristo” (D&P 20:59). Ang inyong kasingkasing mapuno uban sa tinguha nga mogiya sa uban sa pagduol Kaniya aron sila makadawat sa samang mga panalangin nga inyong nadawat ug padayon nga madawat.

Usa ka batan-ong lalaki, si Michael, nakatuman niining katungdanan pinaagi sa pagtabang ni Jose, usa ka higala sa eskwelahan.

Usa ka adlaw, si Jose nangutana kaniya, “Michael, nganong kanunay ka malipayon?”

Si Michael miingon, “Tungod kay nagserbisyo ko.”

“Nganong nagserbisyo ka?”

“Tungod kay naghupot ko sa priesthood ug ako kining katungdanan,” mao ang tubag.

Si Jose miingon, “Gusto ko nga mas masayud sa priesthood.”

Gidapit ni Michael si Jose ngadto sa mga kalihokan sa Simbahan ug sa wala madugay ngadto sa mga miting sa Simbahan. Sa katapusan si Jose ug ang iyang pamilya gitudloan sa mga misyonaryo ug nabunyagan. Si Jose miingon, “Ang misyonaryo nga buhat mao ang pundasyon sa atong Simbahan. Kon kita makiangayon ug matarung sa atong inadlaw-adlaw nga pakigsandurot, nan kadtong naglibut kanato makamatikod ug mangutana nato sama sa akong gibuhat. Si Michael usa ka instrumento diha sa dakong plano sa Dios.”

“Ang mga pulong nga ‘duol ngadto kang Kristo’ usa ka pagdapit. Mao kini ang pinakaimportante nga pagdapit nga inyo gayung matanyag sa laing tawo. Mao kini ang pinakaimportante nga pagdapit nga mahimong dawaton ni bisan kinsa.”¹

—President Henry B. Eyring, Unang Magtatambag sa Unang Kapangulohan

Samtang kamo magkaduol sa Ginoo, kamo makabaton og tinguha sa pagserbisyo sa uban sama sa gibuhat ni Michael. Ug kon inyo kining buhaton, kamo makasinati niining saad gikan ni President Henry B. Eyring, Unang Magtatambag sa Unang Kapangulohan, nga matinuod: “Kon kinasingkasing kamong modapit sa mga tawo sa pagduol ngadto kang Kristo, ang inyong kasingkasing mausab. Kamo mohimo sa Iyang buhat alang Kaniya. Inyong makita nga Siya motuman sa Iyang saad nga mahimong usa diha kaninyo sa inyong pagserbisyo. Kamo mahimong makaila Kaniya. Ug ngadto-ngadto mahimo kamong mahisama Kaniya ug ‘mahimo nga hingpit diha kaniya.’”²

Kana mao ang kahulugan sa tema karong tuiga. ■

MUBO NGA MGA SULAT

1. Henry B. Eyring, “Duol ngadto ni Kristo,” *Liahona*, Mar. 2008, 49.
2. Henry B. Eyring, “Duol ngadto ni Kristo,” *Liahona*, Mar. 2008, 52.

KAMO GIIMBITAR

Sa Young Women General Presidency

Kinsay dili ganahan nga makadawat og imbitasyon? Kon kita makadawat og imbitasyon sa pagtambong og birthday party o salo-salo sa kasal, kita malipay nga makigsaulog sa uban sa importanting mga hitabo sa ilang mga kinabuhi. Ang tema sa Mutual sa 2014 naglangkob og usa ka malipayong imbitasyon nga adunay mahangturong importansya: “Duol ngadto kang Kristo, ug paghingpit diha kaniya, ug ilimud ang inyong mga kaugalingon sa tanan nga dili diosnon” (Moroni 10:32).

Daghang imbitasyon kinahanglang tubagon—usa ka RSVP—aron ipakita kon ato kining gidawat o wala. Nakatubag na ba kamo niining sama nga imbitasyon sa inyong kinabuhi? Ang pagduol ngadto kang Kristo nagpasabut nga atong tumanon ang sagradong pakigsaad sa bunyag. Kini nagpasabut nga atong gidawat si Jesukristo isip atong personal nga Manluluwas ug Manunubos. Kini nagpasabut nga atong giila ug nagtuo sa gitudlo ni Alma ngadto sa iyang anak nga si Shilbon: “Walay lain nga paagi o mga pamaagi diin ang tawo maluwas, diha lamang ug pinaagi ni Kristo” (Alma 38:9). Ang pagdawat niining imbitasyon nagpasabut nga kita mipasalig sa pagsunod sa hingpit nga ehemplo ni Kristo pinaagi sa pagpuyo og mahiyason ug gipahinungod nga kinabuhi ug pinaagi sa paghigugma ug pagserbisyo sa uban.

Kini nga imbitasyon dili lang kausa nga mahitabo; kini usa ka proseso. Kita giimbitar sa pagsunod sa dalan nga mogiya kanato padulong sa templo, diin kita mohimo og dugang mga pakigsaad ngadto sa atong Amahan sa Langit ug mopahigayon sa mga ordinansa nga importante sa atong kahimayaan. Kini nga dalan mahimong naglakip sa pag-misyon. Kini naglakip nga maminyo diha sa templo ug mahimong matarung nga mga tawo sa gingharian sa Dios. Kini nagpasabut



Young Women General Presidency

usab sa paglahutay hangtud sa katapusan. Sama sa gisulat sa imbitasyon, kon kita moduol ngadto kang Kristo, kita mahingpit diha Kaniya. Si Kristo mihimong posible nga magpabilin sa dalan sa pakigsaad pinaagi sa hugot nga pagtuo diha Kaniya ug sa paghinulsol. Kining proseso nga mahimong hingpit magsugod karon; ang Pag-ula ni Kristo nakapaposible niini.

Kini nga imbitasyon naghango kanato sa pagsalikway sa tanang dili diosnon—mahimong malahi sa mga uso, mga sumbanan, ug mga praktis sa kalibutan. Kita giimbitar nga “mosalikway sa mga butang niini nga kalibutan, ug pangitaa ang mga butang nga maayo” (D&P 25:10). Kami mopamatuod nga ang pagdawat sa imbitasyon sa “[pag]duol ngadto kang Kristo ug paghingpit” makahatag og kalipay niining kinabuhia ug sa kinabuhing dayon sa umaabut nga kalibutan. Giimbitar kamo sa pagtubag karon! ■

Moroni 10:32

Ang tema sa *Mutual karong tuiga* mao ang imbitasyon gikan ni Moroni sa pagsunod sa Manluluwas.



Paghingpit diha Kaniya

“Dili kita magguol kon ang atong kinasingkasing nga mga paningkamot ngadto sa pagkahingpit karon ingon og malisud kaayo ug walay katapusan. Ang kahingpitan dili pa mahitabo dinhi. Hingpit kini nga mahitabo inigkahuman lang sa Pagkabanhaw ug pinaagi lang sa Ginoo. Madawat kini sa tanang naghigugma kaniya ug nagsunod sa iyang mga sugo.”

Elder Russell M. Nelson sa Korum sa Napulog Duha ka mga Apostoles, “Perfection Pending,” *Ensign*, Nob. 1995, 88.

Mohigugma sa Dios

Unsaon ninyo pagpakita sa Langit-nong Amahan nga gihigugma ninyo Siya? Ikonsiderar kini nga mga ideya ug dugangi kini sa inyong mahunahunaan. Sa inyong journal, isulat kon unsay inyong buhaton.

- Pagsunod sa kasugoan.
- Paghigugma ug pagserbisyo sa uban.
- Pagtuman sa mga responsibilidad sa Simbahan.
- Pag-ampo sa kinasingkasing.

Dili makahimo

Dili makahimo—Walay paagi o wala gayud.

Duol ngadto kang Kristo

Ang mga kasulatan naglangkob og daghang imbitasyon sa pagduol ngadto kang Kristo. Tan-awa ang pipila ka mga ehemplo nga gilista sa ubos. Unsa ang gitudlo niini nga mga kasulatan kaninyo mahitungod sa mga panalangin sa pagduol ngadto sa Manluluwas? Makakita pa ba mo og dugang mga kasulatan kabahin niining imbitasyon?

- Omni 1:26
- Alma 5:34–35
- 3 Nephi 12:19–20
- Mateo 11:28–30
- Juan 6:35

32 Oo, “duol ngadto kang Kristo, ug ^bpaghingpit diha kaniya, ug ilimud ang inyong mga kaugalingon sa tanan nga dili diosnon; ug kon kamo molimud sa inyong mga kaugalingon sa tanan nga dili diosnon, ug ^mmohigugma sa Dios uban sa tibuok ninyo nga gahum, hunahuna ug kusog, niana ang iyang grasya igo alang kaninyo, nga pinaagi sa iyang grasya kamo mahimo nga hingpit diha kang Kristo; ug kon pinaagi sa ^ggrasya sa Dios kamo mahingpit diha ni Kristo, kamo dili makahimo sa paglimud sa gahum sa Dios.

Grasya

“Ang pulong *grasya*, ingon nga gigamit diha sa mga kasulatan, nagpasabut og una ngadto sa balaanong panabang ug kalig-on nga atong madawat pinaagi sa Pag-ula ni Ginoong Jesukristo.”

Matinud-anon sa Tinuhoan: Usa ka Pakisayran sa Ebanghelyo (2004), 43.



Ang Iyang Grasya Igo alang Kaninyo


“Giakusahan sa pipila ka mga Kristiyano ang mga Santos sa Ulahing mga Adlaw . . . nga gibaliwala ang grasya sa Dios pinaagi sa pag-angkon nga sila maluwas pinaagi sa pagpaningkamot. Atong tubagon kining pasangil . . . , ‘Kay kami nagkugi . . . sa pagdasig sa among mga anak . . . sa pagtuo kang Kristo, ug aron makig-uli sa Dios; kay kami nasayud nga pinaagi sa grasya kami maluwas, human sa tanan nga atong mabuhat’ (2 Ne. 25:23). Ug unsa ang ‘human sa tanan nga atong mabuhat? Siguradong naglakip kini sa paghinulsol (tan-awa sa Alma 24:11) ug bunyag, pagsunod sa kasugoan, ug paglahutay sa katapusan.”

Elder Dallin H. Oaks sa Korum sa Napulog Duha ka mga Apostoles, “Have You Been Saved?” *Liahona*, Hulyo 1998, 68.

Mahingpit diha ni Kristo

Ang *Hingpit*, sumala sa paggamit diha sa kasulatan, nagpasabut nga “sangkap, tibuok, ug bug-os nga paglambo; lubos nga matarung. Ang hingpit mahimo usab nga sabton nga walay sala o dautan. Si Kristo mao ang puno sa kahingpitan. Ang tinuod nga mga sumusunod ni Kristo mahimo nga hingpit pinaagi sa grasya ug pag-ula” (Giya ngadto sa mga Kasulatan, “Hingpit,” scriptures.lds.org).

DUOL NGADTO KANG KRISTO



“Duol ngadto kang Kristo, ug paghingpit
diha kaniya, ug ilimud ang inyong mga
kaugalingon sa tanan nga dili diosnon.”

(Moroni 10:32).



SA UNSANG PAAGI NGA ANG PAGKAILA SA DIOS NGA KAPANGULOHAN MAKAUSAB KANAKO?

*Lima ka mga baruganan kabahin sa Dios
nga Kapangulohan makahimo og kaayohan
sa inyong pagpakabuhi.*

Ni Lori Fuller

Mga Magasin sa Simbahan

Si Joseph Smith mitudlo: “Kini ang una nga baruganan sa Ebanghelyo nga makahibalo sa tinuod nga kinaiya sa Dios”¹ Unsay atong nahibaloan mahitungod sa Dios nga Kapangulohan makausab sa pamaagi sa atong pagpakabuhi, dili lamang sa dagko nga mga butang apan sa gagmay, inadlaw nga mga butang. Hunahunaa kon sa unsang paagi ang inyong kahibalo sa Dios nga Kapangulohan makaapekto sa inyong kinabuhi samtang magbasa kamo niining lima ka mga baruganan.

Ang Dios nga Kapangulohan nahigugma nato ug gusto sa labing maayo alang nato.

Ang mga miyembro sa Dios nga Kapangulohan mahangturon ug labing gamhanan, apan gusto gihapon Sila nga kita malipayon ug maayo ra. Si President Gordon B. Hinckley (1910–2008) mipamatuod: “Sila interesado kanato, ug kita ang tumong sa Ilang dako nga pagpakabana. Andam sila sa matag usa kanato. Makaduol kita sa Amahan pinaagi sa Anak. Siya ang atong manlalaban didto sa trono sa Dios. Pagkanindot gayud nga kita makasulti ngadto sa Amahan pinaagi sa pangalan sa Anak.”²

Tungod kay ang mga miyembro sa Dios nga Kapangulohan nahigugma nato ug gusto sa labing maayo alang nato, ang atong mga pagpili importante, ilabi na sa gagmayng mga butang nga atong buhaton matag adlaw nga makapaduol nato ngadto Kanila. Walay kinutuban ang atong potensyal, ug ang Dios naglaum sa atong kalampusan, bisan sa gagmay nga mga butang.

Ang Langitnong Amahan mihatag nato sa tanan.

Nasayud kita nga ang Langitnong Amahan mihatag nato sa tanan, mao nga kinahanglan nga magtamud kita sa Iyang

nabuhat ug magmapasalamaton. Kon kita mapasalamaton, lahi ang atong paglihok. Si President Thomas S. Monson misaad nga “kita makabayaw sa atong mga kaugalingon ingon man usab sa uban kon kita modumili sa pagpabilin diha sa kalibutan sa negatibo nga hunahuna ug mougmad sulod sa atong mga kasingkasing og usa ka kinaiya nga mapasalamaton.”³

Tungod kay ang tanan nga atong naangkon nagagikan sa Dios (tan-awa sa Mosiah 2:20–21; D&P 59:21), ang atong pagkamapasalamaton maka-paandam nato sa pagpakigbahin sa uban. Naglakip kini sa atong panahon ug mga talento ingon man usab atong materyal nga mga panalangin.

Ang Langitnong Amahan maloloy-on.

Ang buhat ug himaya sa Dios mao “ang pagpahinabo sa pagka-imortal ug kinabuhi nga dayon sa tawo” (Moises 1:39). Gusto Siya nga kita magmalapuson, mao nga Siya mitanyag nato og kapasayloan alang sa mga sayop nga atong nahimo. Ang Iyang kalooy naghatag gani og kapasayloan kon masayop kita sa samang sayop pag-usab. Ang Langitnong Amahan, si Jesukristo, ug ang Espiritu Santo makatabang nato nga mausab.

Ang kalooy sa Dios nagtudlo nato nga magmapasayloon. Si President Dieter F. Uchtdorf, Ikaduhang Magtatambag sa Unang Kapangulohan, miingon, “Tungod kay gihigugma kita pag-ayo sa Dios, kinahanglan usab kitang mohigugma ug mopasaylo sa usag usa.”⁴ Naglakip kini sa pagpasaylo sa atong kaugalingon.

Si Jesukristo nag-antus alang nato.

Pinaagi sa Pag-ula, ang Manluluwas nakasinati sa tanan natong mga kasakit ug kasub-anan (tan-awa sa Alma 7:11–13). Kon kita adunay usa ka lisud nga adlaw ug mibati nga mora og walay usa nga nakasabut, kita masayud nga ang Manluluwas

ang makasabut. Ug kon kita adunay nindot nga adlaw ug gustong dunay kasultihan niini, ang Manluluwas anaa para nato. Gusto Siya nga moambit sa atong kalipay sama nga Siya moambit sa atong mga kasakit.

Ang Espiritu Santo naggiya nato.

Si Jesukristo misaad sa Iyang mga Apostoles nga ang Maghuhupay, o ang Espiritu Santo, makig-uban nila kanunay sa pagtudlo ug paghupay nila (tan-awa sa Juan 14:16–17, 26–27). Kita usab makabaton sa gasa sa Espiritu Santo sa paggiya nato. Ug kita makasalig nga ang mga tubag nga ihatag sa Espiritu Santo makatabang nato. Uban sa Iyang direksyon, makakontak kita kanunay sa Dios nga Kapangulohan. Ug samtang magsunod kita sa mga pag-aghat nga atong madawat, mas makaila pa kita Kanila pag-ayo. ■

MUBO NGA MGA SULAT

1. Joseph Smith, sa *History of the Church*, 6:305.
2. Gordon B. Hinckley, “Niining Tulo Ako Nagtuo,” *Liahona*, Hulyo 2006, 8.
3. Thomas S. Monson, “Ang Balaanong Gasa sa Pagpasalamat,” *Liahona*, Nob. 2010, 88.
4. Dieter F. Uchtdorf, “Ang Maloloy-on Magadawat og Kalooy,” *Liahona*, Mayo 2012, 76.



APIL SA PAG-ISTORYAHANAY



Mga Butang nga Pamalandungan sa Dominggo

- Kanus-a kamo gipanalanginan sa Langitnong Amahan, ni Jesukristo, o sa Espiritu Santo?
- Kanus-a kamo mibati nga duol kaayo Kanila?
- Unsay inyong makat-unan sa inyong kaugalingon pinaagi sa pagkat-on Kanila?

Mga Butang nga Mahimo Ninyong Buhaton

- Isulat sa inyong journal kon sa unsang paagi kamo nausab tungod sa pagkaila sa Dios nga Kapangulohan.
- Ipakigbahin ang inyong mga pagbati didto sa simbahan o sa social media.



Ni Larry M. Gibson

First Counselor
sa Young Men
General Presidency

Ako sa Kanunay MOHINUMDOM KANIYA

Ang paagi sa atong pagbalaan sa adlaw nga Igpapahulay mao ang pagpakita sa atong pakigsaad sa paghinumdom kanunay ni Jesukristo.

Nakahinumdom ko, isip usa ka 11 anyos, nga may balaang pagtahud giubanan sa akong bishop ngadto sa chapel sa among bag-ong building sa ward, diin siya milingkod tupad nako sa atubangan sa lamesa sa sakrament. Miingon Siya, “Kabalo ka, Larry, sa dili madugay i-orden ka ngadto sa katungdanan sa deacon sa Aaronic Priesthood. Na-kaamgo ka ba unsa ka espesyal nga panalangin ug katungdanan kana?” Miingon siya nako nga ako adunay sagradong responsibilidad sa pagbuhat sama sa gibuhat sa Manluluwas sa paghatag og balaan nga mga simbolo sa sakrament alang sa among kongregasyon. Natandog ko sa kadako sa calling sa priesthood nga akong dawaton.

Gihangyo ko sa akong bishop sa pagmemorya sa duha ka mga pag-ampo sa sakrament ug sa pag-hunahuna kon sa unsang paagi kini mohaum sa akong kinabuhi. Miingon Siya nga kinahanglan kong maningkamot sa pagbuhat sa mga butang nga gisugo diha sa pag-ampo sa sakrament sa matag usa nato kon ako maglihok alang sa Manluluwas sa paghatag og sakrament ngadto sa uban. Sa akong pagpauli, ang akong amahan mitabang nako sa pagpangita sa mga pag-ampo sa sakrament sa Doktrina ug mga

Pakigsaad (20:76–79) ug sa Basahon ni Mormon (Moroni 4; 5). Gibasa nako kini pag-ayo sa unang higayon sa akong kinabuhi. Naminaw ko og maayo samtang kini gibasa diha sa simbahan. Namalandong ko sa mga pulong samtang gipaambit ang pan, apan ang hingpit nga epekto sa pakigsaad sa sakrament naklaro sa dihang nadungog nako kini nga mga pulong sa panalangin sa tubig: “nga sila kanunay mohinumdom kaniya.” Ako nangutana sa akong kaugalingon, “ako sa *kanunay* nahinumdom ba Kaniya? Unsa ang gipasabut sa *kanunay*? Unsaon nako sa paghinumdom Kaniya kanunay? Matag higayon nga ako nakadungog niadtong sagrado nga pag-ampo sa sakrament mamalandong ako niining sama nga mga pangutana.

Ang paagi sa atong pagbalaan sa adlaw nga Igpapahulay mao ang pagpakita sa atong mga pakigsaad sa Langitnong Amahan nga kanunay mohinumdom ni Jesukristo. *Ang adlaw nga Igpapahulay kinahanglan mahimong pundasyon sa atong paghinumdom Kaniya sa ubang unom ka adlaw sa semana.*

Ang Dominggo mao ang adlaw sa paghinay-hinay, pagpalandong ug paghinumdom. Kita motambong sa atong mga miting sa Simbahan;

mamalandong sa atong mga kalig-on, mga panalangin, ug mga kasaypanan; mangayo og pasaylo; moambit sa sakrament; ug mamalandong sa pag-antus sa Manluluwas alang nato. Maningkamot kita nga dili mabalda sa bisan unsa nga makapugong nato sa pagsimba Kaniya, kay “niini nga adlaw,” sama sa giingon sa Ginoo, “kamo dili mobuhat og bisan unsa nga butang” (D&P 59:13). Bisang unsang kalihokan nga atong apilan sa panahon sa Igpapahulay kinahanglan nga nahisubay sa espiritu sa paghinumdom ni Kristo. Kon ang bisan unsang butang nga atong buhaton sa bisan unsa nga bahin sa adlaw nga Igpapahulay mopalayo nato sa paghinumdom sa Manluluwas ug sa pagpangalagad sa Igpapahulay sama sa Iyang pagpangalagad, nan tingali kinahanglang atong ikonsiderar ang atong gibuhat. Hinumdumi, nga ang Igpapahulay mao ang adlaw nga gitudlo dili lamang “sa pagpahulay gikan sa inyong mga kahago” apan usab “mohatag og mga paghalad sa inyong pag-ampo ngadto sa Labing Halangdon” (D&P 59:10).

Kinahanglan gayud nga atong planohon ang atong mga kinabuhi sa paagi aron walay ikapamalibad nga dili makabalaan sa adlaw sa Ginoo. Kini ang adlaw sa Iyang buluhaton, usa ka adlaw nga ang atong tibuok kinabuhi

mapanalanginan ug mabag-o pinaagi sa sagrado nga mga kasinatian sa indibidwal ug uban sa atong pamilya. Kini mao ang adlaw alang sa pagpalambo sa atong espiritu.

Paggahin og panahon karon sa paghimo og maayong plano sa mga butang nga inyong buhaton aron gayud mahimong sagrado ug balaan ang adlaw nga Igpapahulay sa inyong kinabuhi. Dayon buhata ang inyong plano.

Hinumdumi ang talagsaong saad sa Ginoo ngadto niadtong nagtahud sa Igpapahulay: “Ug tungod kay kamo nagbuhat niini nga mga butang uban sa pagpasalamat, uban sa malipayon nga mga kasingkasing ug mga panagway, . . . ang kahingpitan sa yuta mainyo” (D&P 59:15–16). Makatugot ba kita nga dili madawat kini nga mga panalangin sa atong kinabuhi ug sa kinabuhi sa mga sakop sa atong pamilya?

Ako nagtuo sa pagtahud sa adlaw nga Igpapahulay. Ako maisugon apan mapainubsanong mosaksi nga ang pagsunod sa adlaw nga Igpapahulay usa ka sugo sa atong Dios, nga buhi ug nahigugma sa matag usa nato. Ako mopamatuod nga kon kita mosunod ug mopuyo sa balaan nga sugo sa pagbalaan sa adlaw nga Igpapahulay, ang Ginoo, mopanalangin nato, mogiya nato, ug modasig nato sa pagsulbad sa mga problema nga moabut nato. ■





Pagdugang sa **KALAMPUSAN**

Ni Daniel Kawai

Sa 14 anyos pa ko, ang akong magtutudlo sa physics nakakita sa akong talento sa math ug mi-paapil nako sa Brazilian Mathematics Olympiad. Dihay tulo ka mga hugna. Ang una ug ikaduha ipahigayon sa Sabado. Naapil ko sa ikatulo nga hugna ug himoon kini sa duha ka adlaw, Sabado ug Dominggo.

Akong gisulitihan ang akong magtutudlo ug direktor sa Olympiad nga ako dili mokuha sa test sa Dominggo tungod kay adlaw kini sa Ginoo. Ang direktor mihangyo nako sa pagpakigsulti sa akong mga lider sa Simbahan aron makakuha ko sa test sa Dominggo, kay kon ako dili mokuha niini, madiskwalipay ko. Miingon ko mahimong mawala ang tanang butang apan dili lang ang Dios.

Wala ako maguol, tungod kay ako dunay paglaum nga ang Dios mopasidungog niadtong mopasidungog Kaniya. Nahinumdom ko sa Mateo 6:33: “Apan maoy unaha ninyo pagpangita ang gingharian ug ang pagkamatarung gikan sa Dios, ug unya kining tanang

mga butanga igadugang ra kaninyo.”

Pipila ka semana ang milabay gikontak namo ang secretary sa Olympiad, kinsa miingon nga dili ko makakuha sa test sa laing adlaw ug nga ako madiskwalipay. Human sa daghang panag-istoryahanay, siya misugyot nga ako mopadala niya og email nga magpasabut sa akong sitwasyon. Human makapadala og email, nag-ampo ko sa Langitnong Amahan ug miingon nga ako mobuhat sa Iyang kabubut-on.

Pagkasunod gabii, nakadawat ko og email gikan sa coordinator nag-ingon nga ako mahimong mokuha sa Dominggo nga test inig ka Lunes sa labing sayon nga panahon alang nako, ug siya gani mitanyag nga ihatag ang test sa akong kaugalingong siyudad aron ako dili makapalta sa klase sa buntag sa eskwelahan.

Human makadawat niining maayong balita, nag-ampo ko aron sa pagpasalamat sa Ginoo tungod kay Siya mitabang nako. Ang akong mga ginikanan mi-adto sa templo aron sa pagpasalamat.

IMPORTANTING MGA IDEYA KABAHIN SA PAGBALAN SA ADLAW NGA IGPAPAHULAY

“Ang Ginoo mihatag sa adlaw nga Igpapahulay alang sa inyong kaayohan ug misugo kaninyo sa pagbalaan niini.

“Ang pagtahud sa adlaw nga Igpapahulay naglakip sa pagtambong sa tanan ninyong mga miting sa Simbahan. . . .


“Pangandam sa panahon sa semana aron mareserba ninyo ang Dominggo alang sa daghang makapadasiyong mga kalihokan nga angay alang sa adlaw nga Igpapahulay. . . .

“Ang pagtuman sa Igpapahulay makapadul kaninyo ngadto sa Ginoo ug sa inyong pamilya. Makahatag kini kaninyo og mahangturong panglantaw ug espirituhanong kalig-on.”

Alang sa Kalig-on sa mga Kabatan-onan (booklet, 2011), 30, 31.

Sa dihang miabut ang resulta sa test, nakadawat ko og gold medal. Ang Ginoo mopasidungog niadtong mopasidungog Kaniya. ■

Ang tagsulat nagpuyo sa São Paulo, Brazil.



MUBO UG DIREKTA

Ang batan-ong mga lalaki ba kinahanglang **moserbisyo og misyon** inig 18 nila?

Ug ang mga batan-ong babaye mas kusganon ba nga giawhag sa pagserbisyo og misyon karon nga sila makaadto sa edad nga 19?

Sa dihang si President Thomas S. Monson mipahibalo sa kausaban sa edad nga mahimo na nga mag-misyon, siya miingon, “Ako wala mosugyot nga tanang batan-ong lalaki — kinahanglang — moserbisyo sa mas sayo nga pangidaron. Apan, basi sa indibidwal nga mga kahintang ingon man sumala sa pagdeterminar sa mga lider sa priesthood, kini nga opsyon mahimo na.”¹ Ikonsiderar ang inyong pisikal ug emosyonal nga kahimsog, pinansyal nga pagpangandam, ug espirituhanong pagpangandam. Kamo makigtambag sa mga ginikanan ug mga lider sa priesthood mahitungod niini nga mga butang kon mohukom sa husto nga panahon sa pagserbisyo.

Kabahin sa batan-ong mga babaye, si President Monson miingon, “Batan-ong mga babaye . . . dili ubos sa samang sugo sa pagserbisyo sama sa batan-ong mga lalaki. Kami nagsiguro hinoon sa batan-ong mga sister sa Simbahan, nga sila nakahatag og bililhong kontribusyon isip mga misyonaryo, ug among dawaton ang ilang serbisyo.”² ■

MUBO NGA MGA SULAT

1. Thomas S. Monson, “Welcome sa Komperensya,” *Liahona*, Nob. 2012, 4–5
2. Thomas S. Monson, “Welcome sa Komperensya,” 5.

Unsay akong buhaton kon ako **pugson sa pagsupak sa mga sumbanan sa Simbahan** sa ubang kabatan-onan kinsa aktibo usab nga mga miyembro sa Simbahan? Dili ko gustong makita nga nagtan-aw ko sa akong kaugalingon nga mas matarung kay sa uban.

Pagbaton og kaisug sa pagbarug sa mga sumbanan sa Simbahan, bisan kon ang pagpamugos nagagikan sa ubang kabatan-onan nga mga Santos sa Ulahing mga Adlaw kinsa nasayud sa mga sumbanan ug kinsa tingali naghunahuna nga kamo nagtan-aw sa inyong kaugalingon nga mas matarung kay sa uban. Hain ang mas dunay dakong risgo: ang pagsupak sa mga sugo

sa Ginoo o ang pagtan-aw sa kaedad nga nagpabuotan-buotan mo? (Karon, kon sila mamugos ninyo sa pagbuhat og usa ka butang nga *personal* nga dili makakomportable o makasupak sa sumbanan sa inyong *pamilya* kay sa Simbahan, mahimo gihapon mo-barug kamo alang sa inyong kaugalingon pinaagi sa yanong pag-ingon nga dili kamo gusto nga mobuhat niini ug sa paghangyo nila sa pagtahud sa inyong mga pagbati.)

Siyempre, kinahanglan nga maningkamot kamong mabuot nga moatubang sa sitwasyon. Sama sa gisulti ni propetang Alma sa iyang misyonaryong anak nga si Shiblón, “Gamita ang imong kaisug, apan dili ang pagpalablabi” (Alma 38:12). Wala kinahanglan ang mapintas nga panghimaraut o arogante nga kinaiya. Kamo mahimong mopahibalo lang sa mga tawo kon unsa nga mga sumbanan ang inyong gipili nga sundon. Ug kon ang aktibong mga miyembro sa Simbahan magsugo ninyo sa pagsupak sa klaro nga mga sumbanan sa Simbahan, hinumdumi ang gisulti ni President Dieter F. Uchtdorf, Ikaduhang Magtambag sa Unang Kapangulohan: “Higalaa ang tanan, apan ayaw ipaubos ang inyong mga sumbanan.”¹ ■

MUBO NGA SULAT

1. Dieter F. Uchtdorf, “Ang Inyong Talagsaong Biyahe sa Pagpauli,” *Liahona*, Mayo 2013, 128.



DUHA KA BAHIN SA PANALANGIN



Ang pagtambong sa templo ug family history importante; kon usahon, maka-hatag kini og dugang nga mga panalangin.

Ni Brittany Beattie

Mga Magasin sa Simbahan

Santang inyong paklion ang mga pahina sa *Liahona* niining bulana, tan-awa ang daghang lain-laing mga kombinasyon sa kolor nga nakahatag kinabuhi ug kadasig sa matag litrato, painting, o desinyo. Daghan sa mga kolor nahimong posible tungod sa duha sa mga primary color—pula, yellow, o blue—nga gisagol-sagol aron makahimo og bag-ong kolor, nga dili unta mahimo kon ang mga primary color gilahi-lahi.

Ang family history ug buhat sa templo magkapareho sama niadto nga mga kolor: kamo makadawat og dugang nga mga panalangin pinaagi sa pagtipon sa duha ka importante nga mga buhat. Tungod kay ang family history ug buhat sa templo sa tinuod duha ka bahin sa usa ka buhat—ang buhat sa kaluwasan. Siyempre kamo makadawat gihapon og daghang mga panalangin pinaagi sa pagtabang sa uban sa ilang family history ug pinaagi

sa pagtambong sa templo aron paghimo sa buhat alang sa mga tawo kangsang ngalan gihatag didto. Apan kamo makadawat og mas dakong mga panalangin—malingaw sa daghang mga kolor—kon inyong tipunon ang duha ka bahin ug makakaplag sa *inyong kaugalingong* mga family name ug dayon mopahigayon sa buhat alang sa *inyong mga katigulangan* diha sa templo.

Sama sa gitudlo ni Elder Richard G. Scott sa Korum sa Napulog Duha ka mga Apostoles:

“Ang buhat sa templo ug sa family history maoy usa ka buhat nga may duha ka bahin. . . .

“Ang Langitnong Amahan gusto nga kitang tanan makadawat sa duha ka bahin sa panalangin niining mahinungdanong buhat. Iyang gigiyahan ang uban sa pagpakita kanato unsaon sa pagkahimong takus. Anaa ra kanato unsaon sa pag-angkon kadto nga mga panalangin.

“Bisan unsang buhat nga inyong himoon sa templo maoy oras nga maayong pagkagahin, apan ang pagdawat og mga ordinansa alang sa usa sa imong katigulangan naghimo sa imong panahon sa templo nga mas sagrado, ug mas dagkong panalangin ang madawat.”¹

Busa, unsa ang pipila sa “mas dagko pang panalangin” nga moabut kon kita makadawat og “duha ka bahin sa panalangin”? Sa tuo mao ang pipila ka mga saad gikan sa moder-nong mga Apostoles.

MUBO NGA MGA SULAT

1. Richard G. Scott, “Ang Hingpit nga Kalipay sa Pagtubos sa mga Patay,” *Liahona*, Nob. 2012, 93–94.
2. Boyd K. Packer, “Your Family History: Getting Started,” *Liahona*, Ago. 2003, 17.
3. Russell M. Nelson, “Mga Kaliwatan Nasumpay sa Gugma,” *Liahona*, Mayo 2010, 92.
4. David A. Bednar, “Ang Panahon Mao Karon,” lds.org/youth/family-history/leaders.
5. John A. Widtsoe, sa Conference Report, Abr. 1943, 39.



Usa ka Makapalig-on, Espirituhanon nga Impluwensya

“Ang buhat sa family history sa mga miyembro sa

Simbahan adunay makapalig-on, espirituhanon nga impluwensya niadtong kinsa moapil niini. Sila nakasabut nga ilang gibugkos ang ilang pamilya . . . Kon kita mosiksik sa atong kaugalingong mga katigulangan kita mainteresado labaw pa kaysa mga ngalan. . . . Ang atong tinguha makapabalik sa atong mga kasingkasing ngadto sa atong mga amahan—kita magtinguha sa pag-pangita kanila ug sa pag-ila kanila ug sa pagserbisyo kanila.”²



Kabahin sa usa ka Mahinungdanong Buhat

“Espirituhanon nga mga konek-

syon . . . namugna . . . Kon ang atong mga kasingkasing mobati ngadto sa atong mga katigulangan, usa ka butang ang mausab sa atong kahiladman. Atong bation nga kabahin sa usa ka butang nga labaw pa kay sa atong mga kaugalingon.”³



Usa ka Panalipod batok sa Tintasyon

“Matag usa kanato makabenepisyo gikan sa tanan niadto kinsa nag-una. Ang pagkat-on niadtong mga istorya makatabang nato nga makasabut kinsa kita ug diin kita gikan. . . .

Nagsiksik ba kamo sa inyong kaugalingong pamilya ug nagtabang sa ubang mga tawo sa ilang pagsiksik? Kana alang sa usa ka batan-on diha sa pagkadautan sa kalibutan nga atong gipuy-an karon mao ang labing dakong panalipod batok sa mga pagtintal sa kaaway.”⁴



Tabang gikan sa Dili Makita nga Kalibutan

“Tingali kon kita mobuhat sa atong buhat alang niadtong anaa sa dili makita nga kalibutan nga gigutom ug nag-ampo alang sa buhat nga atong buhaton alang kanila, ang dili makita nga kalibutan motabang nato niini nga

panahon sa atong dinaliang panginahanglan. Mas daghan sila sa laing kalibutan kay sa ania dinhi. Mas dunay dakong gahum ug kalig-on didto kay sa ania nato dinhi sa yuta.”⁵

MGA PAGHULAGWAY SA LITRATO PINAAGI NI WELDEN C. ANDERSEN UG STEVE TREGGLE; PAINTING NI JOHN A. WIDTSOE PINAAGI NI R. E. BIRD



AKONG NAKITA ANG USA KA PANGALAN

“**S**a pag-andam sa temple trip sa mga batan-on, ang among ward naghimo ug kalihokan sa Mutual sa pagsiksik sa mga family name nga among dad-on. Ako naglingkod duol sa akong mga higala ug nagreklamo nga ako dili makakita sa bisan unsa nga mga pangalan nga nagkinahanglan og mga ordinansa. Human sa tumang pagpangita sa familysearch.org, nakakita ko og usa ka ngalan. Mahinamon kaayo ko!

“Dali akong miadto sa among family history consultant ug nangutana kaniya kon unsa ang sunod nga lakang. Gitudloan ako niya unsaon sa pag-save sa ngalan ug pagprinta niini aron ako makahimo sa buhat sa templo. Miingon usab siya nga ang babaye tinuod nga tawo ug dili lamang usa ka ngalan diha sa screen. Ako mibati sa Espiritu ug nasayud nga ang tawo naghulat na nga mapahigayon iyang buhat ug nga akong makit-an iyang ngalan. Nadala nako ang iyang pangalan ngadto sa templo. Mapasalamaton kaayo ko sa oportunidad sa pagserbisyo sa akong mga katigulangan ug pagtabang nila nga makabaton sa hingpit nga kalipay sa ebanghelyo.”
Leah G., New York, USA



Pananglit Wala Koy Magamit nga Internet?

Bisan tuod og kinahanglan nga inyong isumiter sa online aron mahimo ang buhat sa templo alang nila, wala kamo magkinahanglan og Internet access sa balay. Kolektaha ang mga ngalan, impormasyon, ug mga istorya sa pamilya gikan sa inyong buhing mga paryente, ug dayon susiha kon duna bay lokal nga family history center diin inyong masumiter ang mga ngalan familysearch.org. Sa mga dapit nga limitado ang Internet access, pakigsulti sa family history consultant sa ward o stake mahitungod sa ilang mga kapanguhaan nga masulod ang data sa elektronik nga paagi alang ninyo.



Nagpasabut ba Kana Nga Dili Ko Moadto sa Templo Kon Ako Walay mga Family Name?

Dili gayud! Ang pagtambong sa templo makahatag og daghang mga panalangin kaninyo ug alang niadtong inyong bunyagan ug gikumpirmahan, inyong mga katigulangan o dili. Kinahanglan gihapon nga motambong mo sa templo bisan kon wala kamoy family name. Ang Unang Kapangulohan nagtudlo: “Ang mga miyembro nga limitado sa abilidad sa pagbuhat sa ilang kaugalingong mga pagsiksik sa family history giawhag sa paghimo sa mga ordinansa sa mga ngalan nga gihatag sa ubang mga miyembro o sa templo” (Sulat sa Unang Kapangulohan, Okt. 8, 2012).



USA KA PAGDAPIT GIKAN SA UNANG KAPANGULOHAN

“Kon ang mga miyembro sa Simbahan makakuha sa mga ngalan sa ilang mga katigulangan ug modala niadtong mga ngalan ngadto sa templo alang sa ordinansa, ang kasinatian sa templo mas maanindot.” . . . Ilabi na giawhag namo ang kabatan-onan . . . nga gamiton alang sa buhat sa templo ang kaugalingon nilang mga family name o mga ngalan sa katigulangan sa mga miyembro sa ilang ward ug stake.”

Sulat sa Unang Kapangulohan, Okt. 8, 2012.

MGA TINGOG SA KABATAN-ONAN: MGA PANALANGIN SA FAMILY HISTORY

Ang kabatan-onan gikan sa New York, USA, bag-ohay lang gidapit sa ilang stake presidency sa pagpangita og family name nga dad-on ngadto sa templo isip kabahin sa usa ka espesyal nga komperensya sa kabatan-onan. Sila nakakaplag og dagkong mga panalangin samtang sila mibati nga ang ilang mga kasingkasing mibalik ngadto sa ilang mga amahan (tan-awa sa Malaquias 4:5–6).

Pagdala sa mga Family Name ngadto sa Templo

- “Ako naghunahuna nga ang family history usa lang ka laing butang nga buhatunon, apan karon akong naamguhan nga kini *tinuod* nga mga tawo kinsa naghulat sa daghang katuigan. Ang akong kasinatian sa templo lahi kon ako modala sa mga family name. Nagtuo ko nga kini tungod sa kakugi, panahon, ug pag-ampo sa pagpangita og *usa ka* ngalan. Apan ang *usa ka* ngalan bililhon tungod kay kana *usa ka tawo* kinsa nagkinahanglan nga makig-uban sa Amahan sa Langit.”—Hannah A., edad 13
- “Human makita ang usa ka tawo, kamo magsugod sa pagkonektar niana nga tawo didto sa kalibutan sa espiritu. Ang pagdala sa inyong kaugalingong mga ngalan usa ka paagi sa paglig-on niini

nga panagbugkos. Kini makatabang ninyo nga makasabut sa inyong mahangturon nga pamilya.

—Spencer S., edad 15

- “Ang pagdala sa mga family name ngadto sa templo makatabang ninyo nga makaamgo sa katinuod niini nga mga tawo. Dili lang sila mga pangalan sa piraso nga papel; sila tinuod nga mga kaigsoonan nga sama ninyo og kasaysayan—ug kabahin sa inyong kasaysayan.—Lilli N., edad 16

Pagdawat og mga Panalangin

- “Akong namatikdan ang kalainan sa akong kinabuhi. Usa kini ka pagbati sa kadasig ug panalipod.—Noah R., edad 13
- “Mobati kamo sa inyong kasingkasing nga kamo kabahin sa mahinungdanon nga buhat. Ang paghatag sa inyong

pamilya og kahigayunan sa pagdawat og mga panalangin sa templo mao ang pagbati nga walay sama.

—Corinne C., edad 17

- “Gibati nako nga mas komportable ug kalma sukad nagsugod ko sa paghimo og family history. Kon ako modala og mga family name ngadto sa templo, kini naghatag nako og dili hitupngan nga pagbati sa kalipay.—Tyler M., edad 16
- “Nakapalambo kini sa akong gugma sa Manluluwas, sa Langitnong Amahan, ug sa akong mga katigulangan. Nakatabang kini nako nga mahimong mas duol sa akong direkta nga pamilya ug nakapadugang sa akong pagpamatuod sa ebanghelyo.—Alexandra H., edad 14
- “Mas nagmalipayon ako—Ross S., edad 12
- Sa matag pangalan, mibati ko og dili hitupngan nga pagbati sa kalinaw ug kahinam, sama nga ang tawo naghulat gayud kanako—Rhiannon B., edad 15
- “Nasayud ko diin ko gikan, ug ang akong pagsalig nagkalig-on”—Eliza L., edad 13
- “Dili na kaayo ko makiglalis sa amoa.”—Gehrig L., edad 12
- “Mas nakasabut ko sa importansya sa mga pamilya. Gusto ko nga mas maduol sa akong pamilya dinhi sa kalibutan.—Emma L., edad 15
- “Nakatabang kini nako og dugang sa pagsabut sa plano sa Dios alang nato. Mibati ko nga mas duol sa Langitnong Amahan ug sa ebanghelyo tungod kay ako mas makasabut sa mga ordinansa nga gipahigayon.—Noah C., edad 14 ■

Unsa Ang Inyong Buhaton?

Unsa ang inyong buhaton aron “pag-angkon niadtong mga panalangin” sa pagpangita sa mga family name ug dayon dad-on kini ngadto sa templo? Paghimo og plano karon sa pagdala sa mga saad sa pagdawat sa duha ka bahin sa panalangin sa inyong kinabuhi.

ATONG LUNA

USA KA MAKADASIG NGA KASULATAN

“Siya [Jesukristo] ang nangamuyo alang sa tanan nga mga katawhan; ug sila nga mituo kaniya maluwas” (2 Nephi 2:9).

Niini nga kasulatan, ang pulong *pangamuyo* adunay talagsaong kahulugan. Kini nagpasabut nga “tigpataliwala sa pagtabang sa duha ka pundok sa pagsulbad sa problema.” Niini nga sitwasyon, ang Manluluwas mao ang tigpataliwala kinsa motabang sa tanan nga mga tawo kinsa nahimulag gikan sa Langitnong Amahan tungod sa sala.

Kini nga kasulatan nakatabang nako nga masayud sa kaimportante sa atong Manluluwas, nga si Jesukristo. Mapasalamaton ako alang sa Iyang Pag-ula. Pinaagi lamang Kaniya kita makapuyo ug balik uban sa atong Amahan sa Langit.

Hanisha A., India



KINSA ANG GUSTO NGA MAG-AMPO?

Sa akong misyon, ang akong kompanyon ug ako mitudlo sa usa ka pamilya nga dunay daghang mga anak. Atol sa usa ka higayon sa among pagplano, nag-ampo ug gihisgutan namo unsa nga leksyon ang among itudlo sa mga bata sa sunod, ug nagkauyon mi sa pagtudlo mahitungod sa pag-ampo.

Sa dihang miadto kami sa ilang balay, ang lola ug ang mga bata naghinaminam na. Gisugdan namo ang leksyon sa usa ka pag-ampo. Hilom ang mga bata ug andam na nga maminaw. Gipasabut namo sila kon unsaon ug nganong mag-ampo. Sa pagtapos sa among leksyon, nangutana mi, “Kinsa ang gusto nga mohatag og panapos nga pag-ampo?” Silang tanan gustong mag-ampo! Mao nga giiskedyul namo sila nga mohatag sa pag-ampo matag higayon nga kami moanha sa pagtudlo sa leksyon. Gidapit usab sila namo nga mag-ampo kon kami wala diha.

Human niana nga leksyon, ako naghunahuna, “Nganong ang gagmayng mga bata sayonan nga mag-ampo samtang ang among mas magulang nga mga investigator mas maglisud mag-ampo?” Nakita nako ang tubag sa Bible Dictionary: “Samtang kita makat-on sa tinuod nga relasyon ngadto sa Dios (ang Dios atong Amahan, ug kita Iyang mga anak), diha-diha dayon ang pag-ampo mahimong natural ug kinaiyanhon sa atong bahin (Mat. 7:7–11). Daghang gitawag nga mga kalisud sa pag-ampo moabut tungod sa pagkalimot niini nga relasyon” (“Prayer”, tan-awa usab sa Giya ngadto sa mga Kasulatan, “Pag-ampo” scriptures.lds.org).

Gikan niana nga panahon, ako naningkamot sa pagtabang sa mga tawo nga makasabut sa ilang tinuod nga relasyon sa atong Amahan sa Langit. Ang atong Amahan sa Langit gusto nga makig-istorya sa Iyang mga anak, sama sa atong yutan-ong mga ginikanan nga gustong makig-istorya nato. Siya nahigugma nato, Siya gusto nga makig-istorya nato, ug gusto Siya nga makig-istorya kita Kaniya.

Jarrel M., Philippines


FAMILY HISTORY NAGHIUSA SA MGA PAMILYA

Akong nasugatan ang usa ka tumong sa Personal nga Kauswagan nga midasig nako sa pagsugod sa akong family tree. Matag higayon nga moadto ko sa akong mga apohan alang sa paniudto, sila moistorya nako sa ilang mga kinabuhi ug sa akong ubang mga paryente. Misugod ko sa pag-adto sa family history center ug nangolekta og impormasyon mahitungod sa akong pamilya. Nakahinumdom ko sa dihang nakakita ko og impormasyon mahitungod sa apohan sa akong apohan sa tuhod. Samtang nagmabdos, miadto siya sa Argentina sakay sa barko. Atol sa paglawig, iyang gilubong ang iyang anak sa dagat. Usa ra siya ka is-torya hangtud akong nakita ang iyang ngalan sa usa ka rekord. Mas nasuod nako ang akong mga apohan, ug akong nailhan ang akong mga katigulangan ingon og nagpuyo ako uban nila. Nakakita ko og impormasyon mahitungod sa akong mga katigulangan, mipakigbahin sa maayong balita sa mahangturong pagka-bugkos, ug mitabang sa pagpanalangin sa daghang mga henerasyon. Nagpadayon ko sa pagpangita sa natago nga mga bahandi salamat sa FamilySearch. Ganahan ko sa gisulti ni President Thomas S. Monson: “Ako mopamatuod nga kon kita mobuhat sa tanan natong mahimo sa pagtuman sa buhat nga anaa sa atong atubangan, ang Ginoo mohatag nato sa sagrado nga mga yawe nga gikinahanglan sa pag-abli sa mga bahandi nga atong gipangita.”¹ Pinaagi sa atong mga paningkamot, kita makadiskobre sa mga yawe sa atong mahangturon nga mga bahandi, ug moabut ang adlaw nga atong mahimamat ang atong mga katigulangan sa linawas.

Yael B., Argentina

MUBO NGA SULAT

1. Thomas S. Monson, “The Key of Faith,” *Ensign*, Feb. 1994, 5; *Tambuli*, Mayo 1994, 5.



PAGDAWAT OG PAGPAMATUOD GIKAN SA ESPIRITU SANTO

Sa dihang namiyembro ko sa Simbahan sa edad nga nuybe, mituo na ko nga ang Simbahan tinuod, mao nga ako nagtuo nga wala na kinahanglana nga mangu-tana pa sa Dios kon kini tinuod ba. Paglabay sa daghang mga tuig nga usa ka miyembro, nagsugod ko sa pagduha-duha. Dayon atol sa usa ka sakrament miting, sam-tang ako naminaw sa himno nga “Ang Unang Pag-ampo ni Joseph

Smith” (*Mga Himno ug mga Awit sa mga Bata*, nu. 19), nag-ampo ko ug mihangyo sa Langitnong Amahan kon ang Simbahan tinuod ba ug kon si Joseph Smith nakakita ba gayud Kaniya ug ni Jesukristo. Miabut ang hunahuna sa akong alimpatakan nga oo, ang Simbahan ni Jesukristo tinuod, ug oo, si Joseph nakakita sa Dios nga Amahan ug ni Jesukristo. Ang akong mga mata napuno sa luha, ug akong gibati ang Espiritu Santo

nga miinit sa akong kasingkasing.

Karon makapamatuod ko nga ang Espiritu Santo mipamatuod kanako sa kamatuoran niini nga Simbahan. Nasayud ko nga si Joseph Smith nakakita sa Langit-nong Amahan ug ni Jesukristo, ug dili ko makalimud niini. Kini nga pagpamatuod naghatag nako og kaisug sa pagpakigbahin sa akong pagpamatuod ngadto sa uban. Tamara O., Brazil



¡Hola, amigos!*

Kami si Mahonri ug Helaman gikan sa Mexico

I-impaki ang inyong mga bag! Atong himamaton ang mga higala sa tibuok kalibutan!

Mahonri
Helaman

Gikan sa usa ka interbyu uban ni Amie Jane Leavitt

Si Mahonri ug Helaman managsoon nga nagpuyo sa baybayon sa Mexico. Ang ilang mga ginikanan mihatag nila og ngalan sunod sa duha ka bantugang mga tawo sa Basahon ni Mormon. Si Mahonri Moriancumer mao ang igsoong lalaki ni Jared. Nakakita siya sa tudlo sa Ginoo. Si Kapitan Helaman usa ka matarung nga lider. Nangulo siya sa duha ka libo nga batan-ong mga manggugubat. ■

* "Hi, mga higala!" sa Spanish.



Kini nga managsoon naglaum sa pagpasidunog sa mga ngalan nga gihatag kanila sa ilang mga ginikanan. Sila gusto nga mahisama ni Mahonri ug Helaman sa Basahon ni Mormon.



MGA LITRATO PINAAGI NI JUAN CARLOS SANTOYO, PAGHULAGWAY PINAAGI NI THOMAS CHILD



GUSTO KO NGA MAKITA ANG TEMPLO



Ang Guadalajara Mexico Temple mao ang ika-11 sa 13 ka mga templo sa Mexico.



Ang among mga ginikanan na-sealed sa Guadalajara Mexico Temple niadtong 2003. Kini mao ang pinaka-duol nga templo gikan sa among gipuy-an. Moabut ug hapit unom ka oras sa pag-drive paingon didto. Ganahan mi nga mobisita sa templo ug nasayud nga moabut ang adlaw nga kami makasulod, sama sa among mga ginikanan karon.



ANDAM NA SA PAG-ADTO!

Ang mga bag ni Mahonri ug Helaman gisudlan na sa ilang paborito nga mga butang. Asa niining mga butanga ang inyong isulod sa inyong bag?



Malingaw mi sa paggahin og panahon isip usa ka pamilya. Matag Sabado moadto mi sa baybayon duol sa among balay. Mangaon mi og pasayan—ang among paborito nga pagkaon—ug tacos ug tortas (usa ka matang sa sandwich). Manglakaw mi subay sa Malecón, o dalan nga nag-atubang sa dagat. Maghimo mi og sandcastles ug magdula sa dagat.





Ni Elder
Robert D. Hales

Sa Korum sa
Napulog Duha
ka mga Apostoles

*Ang mga sakop sa
Korum sa Napulog
Duha ka mga Apostoles
gitawag nga linain
nga mga saksi ni
Jesukristo.*

Unsay gipasabut sa pagka-**KRISTIYANO**?

Ang usa ka Kristiyano
may hugot nga pagtuo ni
Ginoong Jesukristo.

Ang usa ka Kristiyano
nagtuo nga pinaagi sa
grasya sa Dios Amahan ug
sa Iyang Anak, si Jesukristo,
makahinulsol kita.

Kon mosunod kita ni
Jesukristo, mamahimo kita
sa unsay gusto sa Langitnong
Amahan kanato.

Ang pulong nga
Kristiyano nagpasabut sa pagdala
nganhi kanato sa ngalan ni Kristo.
Gibuhat nato kini pinaagi sa
pagpabunyag ug sa pagdawat
sa Espiritu Santo.



Petsa Karon

Petsa sa Pagkatawo

Nasyonalidad

Pangalan

Pasaporte#

LITRATO



PAGPAKIGHIGALA
SA TIBUOK
KALIBUTAN

Passport
Passeport
Pasaporte



Italy



New Zealand




Philippines




Zimbabwe



Russia




Mexico



Brazil



Tonga



South Korea



Chile



England



Sweden

Pasaporte

MGA HIGALA SA TIBUOK KALIBUTAN



Pangita og bag-ong stampa sa usa ka nasud aron idugang sa inyong pasaporte sa umaabut nga mga isyu sa *Liahona*.



MGA HIGALA SA TIBUOK KALIBUTAN



Hello!

iHola!

안녕

ПРИВЕТ!

Mhoroi!

Olá!

Mālō e
lelei!

Ciao!

Hej!

ATONG PAHINA



Sukad sa gamay pa ako, ang akong inahan ug amahan mitudlo kanako kabahin sa templo. Kini layo, apan ganahan ko nga moadto didto

uban sa akong pamilya. Dihang na-sealed ako ngadto sa akong mga ginikanan, ako sa katapusan nakasulod—nindot kaayo. Karon kon kami moadto, ako maghulat sa gawas. Kon ako modako na, ako mohimo og akong kaugalingong mga pakigsaad sa templo.

David V., edad 6, Nicaragua



Gusto kong mokanta sa mga himno sa Simbahan ug moapil sa family home evening sa akong pamilya. Duna koy duha ka manghud nga ginganlan og si Jared ug Sarai, ug gimahal ko sila pag-ayo. Gusto kong motabang sa akong inahan kon siya magluto tungod kay kon modako na ko, gusto kong mahimong maayong moluto sama niya.

Ambar A., edad 9, Ecuador



Ako nasayud nga Si Jesukristo buhi ug nga Siya nag-amuma natong tanan, ug ako nasayud nga ang Simbahan tinuod.

Osiris M., edad 6, Brazil



Tris M., edad 8, Brazil

Gusto ko nga motabang sa akong mama sa family home evening. Ang among pamilya gusto nga moadto sa templo aron kami magkauban sa kahangturan. Kon modako na ko, gusto ko nga moserbisyo og misyon sama sa akong mga ig-agaw. Gimahal ko ang Langitnong Amahan ug ang propeta, si President Thomas S. Monson. Ganahan ko sa kanta sa Primary "Ang Simbahan ni Jesukristo."

Keydi P., edad 12, Honduras



Đ. Văn Hiép, edad 11, Cambodia

Gitudloan ako sa ebanghelyo sukad sa gamay pa ko. Sa dihang otso anyos na ko, midesisyon ko nga magpabunyag. Akong gimemorya ang tanang 13 ka mga artikulo sa hugot nga pagtuo nianang espesyal nga adlaw. Sa dihang mikawas ko gikan sa tubig, mibati ko og usa ka butang nga nindot kaayo. Ang akong mama misulti nako nga kadto nga mga pagbati gikan sa Espiritu Santo. Ako nasayud nga si Joseph Smith mipahiuli sa Simbahan ni Jesukristo, nga ang Basahon ni Mormon tinuod, ug nga si Thomas S. Monson usa ka buhi nga propeta.

Abigail A., edad 8, Spain

Sama sa mga Kasulatan!

Kami nagtuo nga ang among pag-hike nindot, hangtud nga kami nakakita sa karatula sa agianan.



Ni Renae Weight Mackley

Gibase sa tinuod nga istorya

“Ako usab mopagaan sa mga alantuson diin anaa gitung-tong diha sa inyong mga abaga” (Mosiah 24:14).

Ang nag-edad og diyes anyos bright kaayo. Ganahan mi nga mosulbad sa mga butang nga kami-kami ra.

Ang akong papa kanunay nga mosulti nako sa pagpahisama sa mga kasulatan sa akong kaugalingon. *Pagpahisama* nagpasabut nga kamo mosulay sa paggamit unsay inyong nakat-unan gikan sa mga kasulatan sa inyong kinabuhi. Busa, kon kami magbasa og dungan isip pamilya,

ako usahay mosulti sa dili pa si Papa makapasabut ngari kanamo. Sama sa, “nasayud ko, Pa, kinahanglan kitang magpu-asa ug mag-ampo, sama sa giingon sa mga kasulatan.”

Mopahiyom siya tungod kay kanunay kong makakuha sa saktong mensahe.



“Mopasalig kita sa pagbasa sa mga kasulatan . . . uban sa dugang katuyoan ug dugang nga focus.”

President Dieter F. Uchtdorf, Ikaduhang Magtatambag sa Unang kapangulohan, “Inyong Potensyal, Inyong Pribilehiyo,” Liahona, Mayo 2011, 59.

Apan usa ka higayon, akong nahibaloan nga ang mga kasulatan gayud mahimong mas sama sa akong kinabuhi! Kining tanan nahitabo sa dihang nanglakaw kami nga nagdala og backpack para sa reunion sa pamilya.

Akong gidala ang akong dako nga backpack ug sleeping bag, ug wala ako moreklamo. Hinoon, upat ra ka milya (6.5 km) ngadto sa linaw. Ako makahimo niini, walay problema.

Ang pag-hike dili kaayo lisud, apan nalipay ko nga mohunong aron makapahulay human sa duha ka milya (3 km). Dayon among nakita ang unang karatula sa agianan. Kini nag-ingon nga ang linaw unom pa ka milya (9.5 km). Dili na kinahanglan sa akong papa mosulti nako nga doble diay ang gilay-on sa among adtoon. Nakahibalo

dayon ko niana. Kinahanglan hinoon niyang *mopahinumdom*

namo nga hinahinayon pag-inom ang among tubig.

Ang tambag sa akong papa importante apan lisud sundon. Init kaayo nianang hapon, ug wala na kaayoy

landong sa agianan. Ingon

og dili kami makaabut sa linaw.

Ang mga hamtong maoy diha sa luyo uban sa mga bata, ug ang mas dagko nga mga ig-agaw nag-una. Diha ko uban sa tulo ka ig-agaw nga akong kaedad, ug diha kami sa tunga-tunga.

Sa dihang walay tawo sa unahan o luyo namo, nakulbaan mi. Ang among mga backpack nagkabug-at, ug among sudlanan sa tubig wala nay sulod. Layo pa ba ang among lakton?

Sa katapusan, nabalaka ug gikapoy mi pag-ayo nga mihukom kami nga mohunong ug mag-ampo.

Human sa pag-ampo, among gialsa ang among mga backpack ug mipadayon.

Pagkataud-taod nakadungog kami og tunob sa kabayo nga nagsingabot. Naghulat kami ug nakita ang usa ka tawo nga nagsakay sa kabayo nagpaingon namo.

Mihunong siya ug mihatag namo og tubig. Mipasabut siya nga ang mas dagko namo nga ig-agaw ngadali ngadto sa linaw aron makakuha og tubig nga dad-on ngari namo. Ang tawo nakadungog nga nagkinahanglan mi og tubig ug miuyon nga motabang. “Aduna bay nagkinahanglan ninyo og tabang sa inyong mga backpack?” nangutana siya.

Mitan-aw ko sa akong mga ig-agaw, ug mipahiyom sila nako. Sa tinuod ok ra mi!

“Mas maayo pa mopadayon ka ug motabang sa uban,” among giingnan ang tawo, “Ok ra mi.”

Ug kini tinuod! Among gibati nga morag dunay mga anghel ang mialsa sa among mga backpack padulong sa linaw ug nagtabang namo. Dihang gisultihan ko ang akong mga ginikanan mahitungod niini, misanag ang nawong ni Papa ug si Mama nakahilak.

Paglabay sa usa ka semana ang akong pamilya nagbasa sa Mosiah 24. Misiga ang akong mga mata sa dihang among gibasa kini nga mga pulong: “Ug ako usab mopagaan sa mga alantuson diin anaa gitungtong diha sa inyong mga abaga, gani kamo dili makabati kanila diha sa inyong mga buko-buko” (sa bersikulo 14).

“Kana mao ang nahitabo diha sa agianan,” misagbat ko. Dili nako maghunahuna unsaon sa paggamit niini nga kasulatan sa akong kinabuhi—kini nga kasulatan naghulagway na sa akong kinabuhi! “Kini kahibulongan.” Dili nako makapabut sa pagpangita og uban pang mga kasulatan nga sama sa akong kinabuhi.

Ug mao kana giunsa nako pagkat-on sa pagpahisama sa mga kasulatan ngari nako, ug ako makapahisama nako ngadto sa mga kasulatan! ■

Ang tagsulat nagpuyo sa Utah, USA.



NOE

Si **NOE** usa ka propeta sa Daang Tugon. Siya misunod sa mga sugo ug mitabang sa iyang pamilya nga magpabiling luwas sa Baha pinaagi sa pagpaminaw sa pulong sa Dios. Kamo makasunod sa mga sugo ug makatabang usab sa inyong pamilya pinaagi sa pagbasa gikan sa Daang Tugon matag semana niining tuiga.


Patabang og hamtong nga mogunting sa koloranan nga pahina o iprinta kini gikan sa liahona.lds.org. Matag semana human kamo mobasa, kolori ang tanan nga mga luna sa numero niana nga semana, gamit ang kolor nga ganahan kaayo ninyo. Tan-awa sa pahina 76 alang sa sinemana nga mga sugyot sa pagbasa. Mahimo kamong magbasa nga kamo ra o uban sa inyong pamilya. Kon kamo nahuman na, kamo nakabasa na sa labing importante nga mga istorya sa Daang Tugon! ■

PAGHULAGWAY PINAAGI NI ADAMI KOFORD





SEMANA	BASAHUNON	SEMANA	BASAHUNON
1	Ang Plano sa Kaluwasan: Moises 1:39; Abraham 3:12, 22–28; 4:1	27	Samson ug Dalila: Maghuhukom 13:1–5, 24; 16:2–23, 28–30
2	Ang Paglalang: Genesis 1; 2:1–3	28	Ruth ug Noemi: Ruth 1:1–9, 14–16; 2:1–8, 15–18; 3:1, 3–11; 4:13, 17; Juan 7:42
3	Adan ug Eva: Genesis 2:7–9, 15–25	29	Samuel, ang Batang Propeta: 1 Samuel 1: 9–11, 17–20, 24–28; 2:26; 3:1–11, 16–20
4	Ang Pagkapukan: Genesis 3	30	David ug Goliath: 1 Samuel 16:7; 17:1, 4–24, 32–33, 37–51
5	Cain ug Abel: Genesis 4:1–16	31	David ug Jonathan: 1 Samuel 18: 1–9; 19:1–10; 23:14–18; 24:9–10, 16–19; 2 Samuel 1:4, 11–12
6	Ang Siyudad ni Enoch: Moises 6:21, 26–28; 7:13–21	32	David ug Bathsheba: 2 Samuel 11:1–4, 14–17, 26–27; 12:1–7, 9, 13
7	Ang Arka ni Noe: Genesis 6:5, 7–9, 13–22; 7:1–19, 23–24	33	Haring Solomon: 1 Mga Hari 2:1–4, 12; 3:3–28; 6:1
8	Ang Pamilya ni Noe Naluwas: Genesis 8:6–13, 15–17	34	Roboam: 1 Mga Hari 11:43; 12:1–21
9	Ang Tore sa Babel: Genesis 11: 1–9; Ether 1: 1–3, 33–43	35	Elias ang Propeta: 1 Mga Hari 17; 19: 11–12
10	Ang Pakigsaad ni Abraham: Abraham 1: 1–4; 2:6–13; Genesis 17:1–7	36	Elias ug ang Mini nga mga Propeta ni Baal: 1 Mga Hari 16–18, 21–39
11	Abraham ug Lot: Genesis 13: 1–13; 19:1, 15–17, 24–29	37	Naaman Naayo: 2 Mga Hari 5
12	Abraham ug Isaac: Genesis 22:1–18	38	Eliseo ug ang Biyuda: 2 Mga Hari 4: 1–6
13	Isaac ug Rebecca: Genesis 24: 1–4, 7–20, 61–67	39	Isaias ug Ezechias: 2 Mga Hari 18:1–7; Isaias 36:1–2, 4, 13–15; 37:1–7, 15–21, 33–38; 38:1–7
14	Jacob ug Esau: Genesis 25:21–34; 27:1–23	40	Ang mga Panagna ni Isaias: Isaias 1:17–19; 2: 2–4; 11:6–10; 53:3–5; 55: 8–9; 58:6–14
15	Jacob ug Raquel: Genesis 29:1–2, 10–30	41	Josias ug Esdras Mibasa sa mga Kasulatan: 2 Mga Hari 22:1–4, 8–13; 23:1–4, 24–25; Nehemias 8: 1–8
16	Jacob Nahimong Israel; Jose Gibaligya ngadto sa Ehipto: Genesis 35:9–12; 37:3–14, 18–34	42	Mga Salmo ug mga Proverbio: Salmo 1: 1–3; 19:1–3; 1–4; Proverbio 3: 5–6
17	Jose sa Ehipto: Genesis 39:1–4, 7–20; 40:1–3, 5–8; 41: 1, 8–12, 14, 29–36, 39–40	43	Ester: Ester 2:5–9, 17; 3:2–13; 4; 5:1–8; 7; 8:3–11, 17
18	Jose Mipasaylo: Genesis 42:3–16; 43:15; 44:1–12, 18, 33–34; 45:3–8	44	Job: Job 1; 19:13–26; 27:2–6; 42:10
19	Pagkatawo ug Tawag ni Moises: Exodo 1:8–14, 22; 2:1–6, 10–21; 3:1–14, 19–20; 4:10–12	45	Jeremias: Jeremias 1:1, 4–9; 18:1–6; Isaias 64
20	Mga Kagul-anan: Exodo 7:10–14, 20–21; 8:6, 17, 24; 9:6, 10, 23; 10:14–15, 22; 11:5; 12:30–32, 41–42	46	Ang Templo ni Solomon: 1 Cronicas 28:20; 29:6–9; 2 Cronicas 5:1; 6: 1–3
21	Ang Exodo: Exodo 14:5–16, 19–31	47	Daniel ug ang Pagkaon sa Hari: Daniel 1:1, 3–20,
22	Ang mga Israelite Nakadawat og Manna gikan sa Langit: Exodo 16:1–8, 21–31, 35	48	Shadrach, Meshach, ug Abednego: Daniel 3:1, 4–30
23	Ang Napulo Ka Sugo; ang Bitin nga Tumbaga: Exodo 19:1–5, 20; 20:1–17; 31: 18; Numeros 21: 4–9	49	Daniel ug ang mga Leon: Daniel 6
24	Mga Anak nga Babaye ni Salphaad: Numeros 27:1–7	50	Jonas ug ang Balyena: Jonas 1; 2; 3:1–5
25	Josue ug ang Gubat sa Jerico: Josue 1–11, 16–17; 2:1–6, 14; 3:5–9, 13–17; 6:1–5, 13–16, 20, 23; 24:14–18	51	Dugang nga mga Kasulatan: Amos 3:7; Nahum 1:7; Habacuc 3:19; Sofonias 3:16–20
26	Gideon: Maghuhukom 6:6–16; 7:1–7, 16–22; 8: 22–23	52	Malaquias: Malaquias 3: 8–12; Malaquias 4: 5–6



Ni Rosemary M. Wixom
General Primary President

Ang Dalan sa Kadaugan

*“Unsa ka mahinungdanon sa laraw sa atong Dios”
(2 Nephi 9:13).*

Atol sa tingpamulak, ang akong bana ug ako mitambong sa dula sa football sa among upat ka tuig nga apo. Diha ang kahinam samtang ang mga bata nagdagan-dagan nga naggukod sa bola. Sa dihang gipito na ang pagtapos sa dula, ang mga tigdula wala makahibalo kon kinsa ang naka-daug o kinsa ang napilde. Yanong nagdula ra sila.

Ang mga coach mihangyo sa mga magdudula sa pagpakiglamano sa pikas team. Dayon among nakita ang usa ka butang nga talagsaon. Gidapit sa ilang coach ang tanan nga moapil sa iyang gitawag nga dalan sa kadaugan.

Mga ginikanan, apohan, ug si bisan kinsa

nga mitan-aw sa dula mibarug ug nagporma og duha ka linya nga nag-atubang sa usag usa. Dayon ilang gipataas ang ilang mga bukton ug mihimo og usa ka arko. Ang mga bata naninggit sa kalipay samtang sila nagdagan ilawom sa mga bukton sa naghugyaw nga mga hamtong ug subay sa dalan.

Sa wala madugay ang mga bata sa laing team mihukom nga moapil

sa mga kalingawan. Tanang mga magdudula gihugyaw sa mga hamtong samtang sila nagdagan sa dalan sa kadaugan.

Sa akong hunahuna akong nakita ang lain nga hulagway. Aduna akoy pagbati nga ako nagtan-aw niini nga mga bata nga nagsunod sa plano nga gihimo sa Langitnong Amahan alang sa matag bata. Sila nagdagan sa tul-id ug pig-ot nga dalan, ilawom sa kamot sa mga tawo nga nahigugma kanila. Matag bata mibati og hingpit nga kalipay sa pagsubay sa dalan.

Si Jesukristo adunay “dalan nga may timaan” alang sa matag usa nato.¹ Kon kita magsunod sa Iyang giya, kitang tanan makabalik sa atong langitnong panimalay ug luwas diha sa mga bukton sa Langitnong Amahan. ■

MUBO NGA SULAT

1. “Unsa ka Dako sa Kaalam ug sa Gugma,” *Mga Himno ug mga Awit sa mga Bata*, nu. 19.



Pagkat-on og dugang mahitungod sa tema sa Primary karong bulana!

Ang Langitnong Amahan Miandam og Paagi alang Kanako nga Makabalik ngadto Kaniya

Sa wala pa kita moanhi sa kalibutan, kitang tanan nagpuyo sa langit uban sa atong Langitnong Amahan ug sa Iyang Anak, si Jesukristo.

Ang Langitnong Amahan mipresentar sa Iyang plano alang nato. Kita mipili sa pagsunod sa plano sa Langitnong Amahan ug moanhi sa kalibutan.

Ang Langitnong Amahan nahigugma nato ug gusto nga kita makabalik ngadto Kaniya. Gipadala Niya ang Iyang Anak, nga si Jesukristo, sa pagpakita nato sa paagi ug pagtabang nato nga makabalik ngadto Kaniya.



Mosunod kita sa dalan balik ngadto sa Langitnong Amahan pinaagi sa:

pagpabunyag ug pagpakumpirma,



pag-ambit sa sakrament,




Kon kita mobalik ngadto sa Langitnong Amahan, Siya modawat nato balik uban sa bukas nga mga bukton!



ug sa pagpuyo uban sa hugot nga pagtuo.

paghimo og mga pakigsaad sa templo,





Ako ni!

USA KA DALAN ALANG NAKO

Paghimo og usa ka poster nga nagre-presentar sa inyong dalan balik ngadto sa Langitnong Amahan. Pag-drawing og dalan diha sa papel o karton. Pag-patabang og hingkod nga mogunting sa gagmay nga mga litrato ug ipapilit o i-tape kini subay sa dalan. Pagdugang og mga litrato o pag-drawing og litrato sa inyong kaugalingon sa importanting mga panahon sama sa bunyag.

MAGKINAHANGLAN KAMO OG:

- Usa ka piraso nga papel o karton
- Gunting
- Glue o tape
- Mga krayola, mga marker, o mga lapis

KANTA UG KASULATAN

- “He Sent His Son” (*Children’s Songbook*, 34–35)
- Juan 3:16

MGA IDEYA ALANG SA PANAG-ISTORYA SA PAMILYA

Kini nga mensahe mipasabut sa plano sa Langitnong Amahan sa yano kaayong paagi. Mahimo ninyong papuli-pulihon ang mga sakop sa pamilya ginamit ang mga biswal sa pagpasabut sa lain-laing mga bahin sa plano. Dayon mahimo ninyong hisgutan kon unsaon ninyo sa pagtabang ang usag usa nga magpabilin sa dalan balik ngadto sa Langitnong Amahan.




Kinabuhi sa Wala pa Dinhi sa Yuta



Pagsul-ob sa tibuok taming sa Dios




Pagdawat sa gasa sa Espiritu Santo




Pagsunod sa mga sugo



Ang adlaw sa akong bunyag



Barug alang sa matarung




Mosunod ko ni Jesukristo



Mosulod unya ko




Ako mobalik ngadto sa Langitnong Amahan!



Ang Basahon ni Mormon



Ang akong umaabut nga pamilya



Pagkabanhaw

MAKAKITA BA SIYA KANAKO?

Ni Teresa Starr

Mao kadto ang buntag usa ka adlaw sa dili pa ang akong anak nga si Daniel, mosulod sa iyang unang adlaw sa kindergarten, ug aduna siyay mga kabalaka mahitungod sa pagbiya sa panimalay aron moeskwela. Gusto nako nga makasiguro nga mibati siya nga andam sa pag-atubang sa mga hagit sa “tinuod nga kalibutan.” Giingnan nako si Daniel nga mingawon ko niya samtang layo siya. Akong gipaniguro kaniya nga bisan tuod og ako dili makauban niya sa eskwelahan, dili siya kinahanglang mobati og kahadlok o nag-inusara tungod kay ang iyang Amahan sa Langit nagbantay kaniya. Gipahinumduman nako siya nga siya makaampo bisan kanus-a, bisan asa ug nga ang Dios kanunay nga maminaw kaniya.

Samtang nagsulti ko, si Daniel, hapit na mag-lima ka tuig ang edad, naminaw pag-ayo. Human maghunahuna siya mitubag, “Siya makakita ba nako kon ako naa sa akong balay?”

“Oo, gipasaligan nako siya.

“Makakita ba Siya nako kon ako naa sa gawas? siya nangutana.

“Oo, makakita Siya nimo kanunay,” mitubag ko.

Ingon og naghinam-hinam, midagan si Daniel ngadto sa luyong nataran. Gisundan nako siya. Mihangad si Daniel sa walay panganut, asul nga kalangitan ug nangutana, “Kon mohangad ko sa langit ug mopahiyom, makakita ba Siya nako ug mobalos sa pagpahiyom?”



Si Daniel midagan padulong sa nataran ug nangutana nako, “Kon ako mohangad sa langit ug mopahiyom, mobalos ba og pahiyom ang Dios nako?”

Wala ko makatingog tungod kay naemosyonal ko, mitando ko, “Oo!”

Naghangad gihapon sa langit, niining hi-gayona mianinaw sa kalangitan, ug uban sa hingpit, hugot nga pagtuo sa usa ka bata, nangutana si Daniel, “Makakita ba ako Kaniya?”

“Mahimong dili nimo makita Siya,” ako mitubag, “apan ikaw makahibalo nga Siya anaa tungod kay imong mabati ang Iyang pahiyom diha sa imong kasingkasing.”

Nagbarug nga mapahiyumon si Daniel samtang siya nagtutok sa kalangitan. Gikan sa malinawon nga panagway sa iyang nawong nga sama sa anghel, nasayud ko nga iyang nasinati kanang balaang pahiyom diha sa iyang kalag.

Gikan sa ba-ba sa mga gagmayng bata makat-on kita og daghan kabahin sa putli nga hugot nga pagtuo—hugot nga pagtuo nga atong gilauman nga kinahanglan nilang batunan sa kahangturan. Dili kapugngan nga madiskubrehan nila nga bisan tuod ang kinabuhi maayo, usahay kini lisud. Kita mag-ampo nga ang ilang hugot nga pagtuo mopalahutay nila.

Sa dihang nagkalisud ang panahon sa akong kinabuhi, hinumduman nako ang ehemplo ni Daniel, ug uban sa hugot nga pagtuo sa bata nga mahimo sa usa ka hamtong, ako usab mihangad sa kalangitan ug mangutana, “Makakita ba Siya kanako?” Dayon, sama ni Daniel, ako namalandong, “Makakita ba ako Kaniya? Samtang akong gikonsiderar ang kadaghan sa Iyang malumong mga kalooy sa akong kinabuhi, ang Espiritu Santo mopamatuod nga ako tinud-anay nga mibati sa gugma sa Langitnong Amahan. Gibag-o sa akong hugot nga pagtuo ug gidasig pinaagi sa paglaum, ang Espiritu misiguro nako nga ako makahimo. ■

Ang tagsulat nagpuyo sa Utah, USA.



PAGHULAGWAY PINAAGI NI ROBERT T. BARRETT

HAROLD B. LEE

Si **Harold B. Lee** nakat-on sa pag-ila sa Espiritu sa sayo nga pangidaron. Usa ka adlaw siya misugod sa pagpaingon sa gubaon nga mga **kapasilungan**, apan usa ka tingog mitawag sa iyang ngalan ug miingon kaniya nga dili moadto didto. Misunod si Harold. Nagpadayon siya sa pagsunod sa Espiritu sa tibuok niyang kinabuhi, sama sa dihang siya nangulo sa **Programang sa Simbahan sa Welfare**. Siya usab nangulo sa departamento sa Simbahan nga naghimo og **mga materyal sa pagkat-on** aron sa pagtabang sa mga miyembro nga makaila sa Espiritu sa ilang kaugalingong mga kinabuhi.

Anaa usab Niini nga Isyu

PARA SA MGA YOUNG ADULT

p.42



MAAYO nga Paglahutay

Dili kita magdahum nga makaeskapo sa atong mga pagsulay pinaagi sa pagsaad sa Ginoo nga kita magmatinud-anon ka-nunay. Kinahanglang magplano kita sa paglahutay og maayo, ug dayon kita mapanalanginan.

PARA SA MGA KABATAN-ONAN

DUHA KA BAHIN SA SA PANALANGIN



Unsa nga mga panalangin ang moabut sa paghimo sa family history ug sa pagdala sa pangalan sa mga katigulangan ngadto sa templo? Mga kabatan-onan gikan sa New York, USA, mipakigbahin sa ilang mga kasinatian.

p.60

PARA SA MGA BATA

p.69



Pasaporte

Pangita og mga stamp sa nasud diha sa *Liahona* aron madugang sa inyong pasaporte niini nga tuig!